

શ્રીકૃષ્ણાય નમઃ 12 MAY 1933

## ઉપોદ્ધાત

એતન્માર્ગના સિદ્ધાન્તોના અન્થો તથા તે સિદ્ધાન્તોની પુષ્ટિ માટે વેદ, શ્રુતિ, સ્મૃતિ, પુરાણો, સંહિતા, ગીતા આદિ અન્થોના પ્રમાણોથી ભેશ્વિત અનેક અન્થો શ્રી મદ્વલ્લભાચાર્યજીએ તથા શ્રી ગુસાંઈજીએ તથા તે પછીના ઘણા શ્રી ગો. બાળકેએ રચી વૈષ્ણવ સૃષ્ટિ ઉપર મહત્ કૃપા કરી છે. તે પછીના કેટલાક અન્થો સુદ્રિત થયા છે, અને ઘણા અન્થો સુદ્રણ થયા વિનાના છે. પુસ્તકો છપાવવા માટે મારા જેવા અનેક યુક્તસેલરો થઈ આ ચત્તન કરવો બાઈએ. પરંતુ આધુનિક વૈષ્ણવ સૃષ્ટિનું તે તરફ દુર્લક્ષ જણાય છે. એતન્માર્ગના સિદ્ધાન્ત અન્થો અને વાદઅન્થોનું એટલું બધું વિશાળ સાહિત્ય છે કે, ૫૦ શાસ્ત્રીઓ કે વિદ્વાનો ૫૦ વરસ સુધી લખ્યા કરે તો પણ સાહિત્ય ખૂટે તેવું નથી. છેલ્લાં ૨૦ વરસમાં કેટલાક અન્થો પ્રકાશમાં આવ્યા છે એવી જ રીતે એ કાર્ય વધતું જશે તો સત્ય શોધક જ્ઞાસુઓ તૃપ્ત થશે, અને તેમનાં અંતર ધર્મ પ્રત્યે દૃઢ થશે.

પૂર્વચાર્યોએ રચેલા સંસ્કૃત અન્થો તેના ઉપરની સંસ્કૃત ટીકાઓ તથા તેના ગુર્જર ભાષાન્તર થઈને કેટલાક અન્થો પ્રસિદ્ધિમાં આવ્યા છે. પરંતુ પ્રાચીન મહાતુભાવી શ્રી ગો. બાળકેએ કેવળ નિજ હૈવી જીવોના ઉપર અનુકંપા કરી વાક્યસુધાનું વર્ષણ કરી

આવાં વચનામૃતરૂપી અમૂલ્ય ગ્રન્થો લખાવેલા તે ગ્રન્થો પ્રસિદ્ધિ માં લાવવાની જરૂર જણાય છે. જો કે તેવાં વચનામૃતના ગ્રન્થો ઝાઝા પ્રમાણમાં જણાતા નથી, અમોને કેટલાક અનુભવી વૈષ્ણવોએ કરેલી સુચના ઉપરથી શોધ ખોળ કરતાં હાથ લાગ્યા તેવા, ૧ શ્રી ગોકુલેશજીનાં ૨૪ વચનામૃત. ૨ શ્રી મદુજી મહારાજનાં ૩૨ વચનામૃત, ૩ શ્રી ગિરિધરલાલજીનાં ૧૨૦ વચનામૃત અને ૪ આ ગ્રન્થ, શ્રી કાકા વલ્લભજીનાં ૫૨ વચનામૃત આટલા ગ્રન્થો મળ્યા તે પ્રસિદ્ધ કર્યાં, હજી બીજા હશે તો ખરાજ તે જેમ જેમ મળશે તેમ તેમ છપાવતા જઈશું કોઈ વૈષ્ણવ જાણતા હોય તો અમને તેવા ગ્રન્થ મોકલવા કૃપા કરશે એમ ઇચ્છીએ છીએ. હમણાં વૈષ્ણવધર્મપતાકા માસિકમાં વાંચ્યું છે કે, સાંપ્રદાયજ્ઞ મહાન્ વિદ્વાન અને અનુભવી ભગવદ્વીય, ઇચ્છારામભટ્ટજીનાં વચનામૃત તે સંસ્થા છપાવે છે આ કાર્ય એ સંસ્થાનું સ્તુતિપાત્ર ગણાય.

### ગ્રન્થ કૃત પરિચય.

આ ગ્રન્થના કર્તા શ્રી વલ્લભજી મહારાજ છે. આપશ્રી કયા જુહમાં પ્રકટયા તે માટે બે મત છે. એક મહારાજશ્રી પંચમગૃહમાં પ્રગટ થયા છે. તેઓશ્રીનું પ્રાકટય સં ૧૭૧૬-૨૬. કારતક વદ ૧૩ છે. ( આ મહારાજશ્રીના જીવન ચરિત્રની ટુંક રૂપરેખા અમારા તરફથી પ્રગટ થયેલા “ શ્રીપુરૂષોત્તમ સહસ્ત્ર નામની શુજરાતી ટીકા ” એની પ્રસ્તાવનામાં આપી છે. વળી “ નિજવાર્તા ” ના પુસ્તકમાં પણ પૃષ્ઠ. ૩૩૦માં થોડી હકીકત જણાવી છે. )

મીઝ દ્વિતિય ગૃહમાં પ્રગટ થયા છે. તેમનો પ્રાકટ્ય સમય  
 ૩ શ્રાવણ વદી ૪ છે. ત્યારે આ વચનામૃત વાંચતાં આ  
 ૧૮૫૨ થી ૧૮૬૨ની વચ્ચે લખાયો છે. આથી ઉક્ત બે  
 મહારાજશ્રી આ ગ્રન્થના કર્તા નથી એમ પ્રતિત થાય છે.  
 ૧ બન્ને ગૃહના વર્તમાન ટીકેત શ્રી વદલભલાલજી તથા શ્રી  
 લાલજીને વિનંતી કરતાં આપશ્રી બે મત હોવાનું જણાવે  
 મ ચોક્કશે નિર્ણય નહિ થયો તોપણ પુસ્તક છપાવવાનું  
 ૧ શરૂ કર્યું.

હાલમાં અમારો પ્રયાસ સાત ઘરની વંશાવલી-કદપવૃક્ષ  
 ચોક્કશ પ્રમાણમાં શોધીને તૈયાર કરવાનો છે તે કાર્ય ચાલુ  
 પૈકી ગૃહ ૧ નું કદપવૃક્ષ છપાઈ ગયું છે, બ્યારે ૨, ૩,  
 તૈયાર છે, બાકી ખુટે છે. તે અવકાશે તૈયાર થતું બય  
 કદપવૃક્ષની શોધમાંથી તથા આ વચનામૃત વાંચતાં માત્ર  
 ઠેકાણે વચનામૃત ૪૧ માંથી તથા તે સાથે “શ્રી ગો-  
 નાથજીના પ્રાગટ્યની વાર્તા” એ ગ્રન્થોનો મુકાબલો  
 નિશ્ચય થાય છે કે:—

શ્રી દ્વિતિય ગૃહના કદપવૃક્ષ ઉપરથી જણાય છે કે, શ્રી વિ-  
 યજ્ઞના છઠ્ઠા ટિકિત શ્રી ગોવિંદરાયજી પ્રા-૧૭૮૫ જેઠ સુદ  
 તેઓ શ્રીના કનિષ્ઠ બ્રાતા તેજ આ ગ્રન્થ કર્તા “શ્રી વદલ-  
 મહારાજ પ્રા-૧૭૮૭ શ્રાવણ વદી ૧૩” છે. વળી આપ શ્રી  
 ૪૧માં આજ્ઞા કરે છે કે:—“ હમારે વડે શ્રી વદલભજ  
 ૧૧ હમસોં ચોથી પેઢી ત્રીનકી વાર્તા ” ( વાંચો એ વચનામૃ

તૈમાં જણાવ્યા પ્રમાણે ખડે શ્રી વદલલજી (પ્રા-૧૭૦૩ વાળા) મહારાજે શ્રી નાથજી શ્રી ગિરિરાજથી મેવાડ પધાર્યા ત્યારે ઘંટી પીસવાની સેવા કરી છે.

શ્રી નાથજીની પ્રાગટ્ય વાર્તામાં પણ જણાવે છે કે તે વખતે આપશ્રી ડેરા તંબુ લઈ આગળ મુકવાની ગોઠવણ માટે જતા અને ઘંટી પીસવાની, અનસખડી, બાળભોગની સેવા કરતા; શ્રી ગોવિંદજી શ્રીજીના રથની આગળ ઘોડે સ્વાર થઈ ચાલતા અને શ્રી બાલકૃષ્ણજી શ્રીજીના રથની પાછળ પાંચે હથિઆર બાંધી ચાલતા. ભુએ શ્રીગોવર્ધનનાથજીની પ્રાગટ્યવાર્તા.

આ પ્રમાણેની હકીકત વચનામૃત ૪૧ ઉપરથી જણાય છે તેથી પ્રતિત થાય છે કે, આ ગ્રન્થના કર્તા શ્રી વદલલજી મહારાજ દ્વિતીય ગૃહના પંચમ ટીકેત શ્રી રઘુનાથજીના ચારલાલજી પૈકી દ્વિતિય કુમાર છે. એ નિશ્ચય થાય છે.

એઓશ્રીના ગૃહમાં (દ્વિતિય ગૃહમાં) જ ધુરંધર વિદ્વાન આચાર્યો આપશ્રીની પૂર્વે શ્રી હરિરાયજી. શ્રીગોપેશ્વરજી, આદિ થયા છે તેમજ આપશ્રીના પછી પણ શ્રીયોગીગોપેશ્વરજી (રશ્મિગ્રન્થના કર્તા) મહાન્ વિદ્વાન પ્રગટ થયા છે.

આપશ્રીનું સંપૂર્ણ જીવન વૃતાન્ત મળી આવતું નથી.

### આભાર-દર્શન.

પ્રાચીન શૈલી પ્રમાણે હિન્દુસ્તાનના દરેક ગામે જ્યાં મંદિર હોય ત્યાં અથવા તો કોઈક ભાવિક વૈષ્ણવને ઘેર શીક્ષાપત્ર,



૨૫૨-૮૪ વૈષ્ણવની વાર્તા, વચનામૃત વગેરે ગ્રન્થો હર હમેશાં મંડળીમાં વંચાય છે. કારણકે ઘણાખરા વૈષ્ણવો સંસ્કૃત ભાષા કે તેની કઠીન ટીકાઓથી અનભિજ્ઞ હોય છે તેથી તેઓ તો માત્ર ભાષાના ગ્રન્થો કે આવાં વચનામૃતો વાંચે, તેથી આ વચનામૃત છપાવવાની ઘણા વૈષ્ણવોએ મને સૂચના કરેલી, વળી ઘણાં વરસ ઉપર માતરવાળાં વૈ. મંગળદાસ જેમચંદે પણ આ ગ્રન્થ છપાવવા માટે સૂચના કરેલી. પણ ગ્રન્થ ઉપલબ્ધ નહી થયો, ત્યારબાદ બીજામાં ( કાઠીયાવાડ ) નિવાસી વૈ. નારણદાસ આણંદજીએ પોતાની પાસેની હસ્ત લીખીત પ્રતિ મોકલી છપાવવા સૂચના કરી, ત્યારથી આવાં બીજાં પુસ્તકો એકત્ર કરવાની જાણાસા વધી ને શોધ કરતાં કપડવણુજના વૈ. જ્યોત્સવલાલ સાંકળચંદ પાસેથી બીજી પ્રતિ મળી. ત્રીજી પ્રતિ તેજ ગામના વૈ. માણેકલાલ વલ્લભદાસ પાસેથી મળી અને એ પ્રતો બીજા સ્થળેથી મળી; એ બધું સાધન એકત્ર કરી કલોલ ( ગુજરાત ) ના મંદિરના હાલના કીર્તનીઆજી વૈ. મોહનલાલ પ્રદહાદજીને આ કામ સોંપ્યું તેમણે અથાગ શ્રમ લઈ સઘળી પ્રતિઓ ઉપરથી શોધન કરી ગ્રન્થ શુદ્ધ કરી છપાવવા લાયક તૈયાર કરી આપ્યો, તેમજ મારા સ્નેહી શાસ્ત્રી. વસંતરામભાઈ તા. પ્રો. જેઠાલાલ ગોવર્ધનદાસ શાહ, એમ. એ. એમણે પણ આ ગ્રન્થ માટે કેટલીક સૂચના તથા મદદ કરેલી તેથી તે સઘળા વૈષ્ણવોની કૃપાથી ગ્રન્થ તૈયાર કરી વૈ. ની સેવામાં મુકતાં આનંદ થાય છે અને તેમનો અંતઃકરણ પૂર્વક હું આભાર માનું તે કરતાં વાચક વૈષ્ણવો એઓશ્રીની આ સેવાની સુધ કરશે એમ આશા રાખું છું.

શ્રીગોસ્વામી બાળકો સ્વયમ્ સાક્ષાત્ શ્રીપૂર્ણપુરુષોત્તમ છે, અલૌકિક સ્વરૂપ છે, અલૌકિક સ્વરૂપે કરેલી આજ્ઞા-વચનામૃત તે પણ અલૌકિક હોય તેમાં શું આશ્ચર્ય ! આ વચનામૃતમાં આપે બે બે આજ્ઞાઓ અને સિદ્ધાન્તો, પ્રાચીન વાર્તાઓ કહી છે તેનું પુનઃ પુનઃ ચર્ચણ થાય તો ખરેખર આ કલિયુગના જીવો કૃતાર્થ થાય એ નિઃસંશય છે.

આ ગ્રન્થ પ્રાચીન શૈલીથી લખાયેલો તેથી ઘણેઠેકાણે વાક્યો અસખદ છે, કેટલાંકમાંતો સુધારો કર્યો છે છતાં પણ રહેલી ઉણપ બીજી આવૃત્તિ વખતે શુદ્ધ કરીશું માટે ગ્રન્થમાં રહેલી અશુદ્ધિ તરફ લક્ષ નહિ આપવા વિનંતી છે અને આ દાસને આ ગ્રન્થના વાચન વખતે ભગવદ્ મંડળીમાં તથા સત્સંગમાં સંભારી સુધ કરી કૃતાર્થ કરશે એવી આશા છે.

શ્રીવ્રજરાયજી પ્રાકટયોત્સવ.  
સં ૧૯૮૦, ફાલ્ગુન કૃષ્ણ ૧૩.  
રીચીરોડ-અમદાવાદ.

} હી આપનો કૃપાકાંક્ષી,  
દાસાનુદાસ વૈષ્ણવ  
લલ્લુભાઈ જગનનાથ દેસાઈના  
જયશ્રીકૃષ્ણ.



શ્રીમદ્દોસ્વામી મહાનુભાવી શ્રીહરિરાયજી વિરચિત

## ॥ બડે શિક્ષાપત્ર ॥

સુગ શ્લોક સાથે, શુદ્ધ અને સરળ ગુજરાતી ભાષામાં ટીકા.

આ ગ્રંથ સુગ શ્લોક સાથે શબ્દાર્થ તથા વિસ્તૃત વિવેચનપૂર્વક શુદ્ધ ને સરળ ગુજરાતી ભાષામાં તેમજ શ્રીમદ્ ભાગવત, ગીતા, શ્રુતિ સ્મૃતિ, ષોડશ ગ્રંથો, વિઘ્નહી, ગીતગોવિન્દ અને અન્ય પુરાણોના પ્રમાણો, દૃષ્ટાન્તો, સિદ્ધાન્તો સાથે ટીકા કરી ભક્તિમાર્ગનું સમર્થ પ્રતિપાદન કરી અત્યંત છે.

આવા પ્રકારની ટીકા શિક્ષાપત્ર ઉપર ગુજરાતી ભાષામાં

અત્યાર સુધીમાંથઈ નથી એવું ઉત્તમ પુસ્તક છે.

આ ગ્રંથ રચી મહાનુભાવી શ્રીહરિરાયજીએ વૈષ્ણવોને ઉત્તમ પ્રકારનો બોધ, ભક્તિનું સ્વરૂપ, સેવાની ભાવના. શ્રીપૂર્ણપુરુષોત્તમ પ્રભુના સ્વરૂપનું જ્ઞાન-ભાવના, સેવા કેમ કરવી સેવાના પ્રકાર, વિવેક, ધૈર્ય, આશ્રય, અનન્યતાની ભાવના (અન્યાશ્રયથી બચવાના ઉપાય) શરણ મન્ત્રની ભાવના, નિવેદન મન્ત્ર (બ્રહ્મસમ્પન્નની ભાવના, શ્રીદાકારણની કુંજ-નિકુંજાદિની, નિત્યલીલાની ભાવના, રાસલીલાની ભાવના વગેરે વૈષ્ણવોને ભક્તિમાર્ગ-પુષ્ટિ-માર્ગમાં જે કંઈ જાણવાની-સમજવાની જરૂર છે તે વગેરે સમગ્રની આ પુસ્તકમાં તેનું દૃષ્ટાન્તો-સિદ્ધાન્તોથી નિરૂપણ કર્યું છે.

વળી ગ્રંથકર્તા શ્રીહરિરાયજી મહાપ્રભુજી તથા તેમના ભાઈ શ્રીગોપેન્દ્રજી (કે જેમના માટે આ ગ્રંથ રચાયો) તેમના સુંદર ઉત્તમોત્તમ ફોટા પણ આપવામાં આવ્યા છે. મોટી સાઇઝનાં ૪૦૦ ઉપરાંત પૃષ્ઠનું, મજબૂત શુદ્ધ સ્વદેશી ખાદીનું પુઠું કરવામાં આવ્યું છે. સ્ત્રીઓએ તો ખાસ અવકાશના વખતમાં વાંચવા યોગ્ય છે. તથા નિત્ય નિયમ-પૂર્વક રાત્રે ભગવદ્વાર્તામાં વાંચવા માટે ઉપયોગી છે, ન્યો. રૂ. ૪-૦-૦ ચાર રૂપીયા.

## રપર વૈષ્ણવની વાર્તા.

આ બસોબાવન વૈષ્ણવની વાર્તા અમોએ વ્રજભાષા ઉપરથી ગુજરાતી ભાષામાં ( અક્ષર આ લાઇન જેવડાજ મોટા ) અક્ષરથી છપાવી છે. તેમજ તેમાં ઘણા પ્રાચીન ગ્રંથો જેવા કે:- શ્રીવલ્લભચરિત્ર, ભાવસિન્ધુ, પંચામૃત, રાગ રતનાકર, નારદ પંચરાત્ર, અભ્યુભાષ્ય, શ્રીવલ્લભાખ્યાન, ષોડશગ્રંથો, શિક્ષાપત્ર, શ્રીમદ્ ભાગવત, ભગવદ્ ગીતા વગેરે ગ્રંથોમાંથી શોધખોળ કરી કેટલીક ઐતિહાસીક હકીકત, દ્રષ્ટાન્તો તેમજ તે વૈષ્ણવો માટેની આપેલી વાર્તાની વધુ હકીકત દાખલકરી છે જેથી અત્યાર સુધીમાં આવી વાર્તાનું પુસ્તક કોઇ પણ દેકાણે જોવામાં આવ્યું નથી તેવું છે. ચોરાશી વૈષ્ણવની વાર્તા માટે અમોએ ખાસ વ્રજયાત્રા કરી તથા કાઠીયાવાડની મુસાફરી કરી કેટલીક પ્રાચીન હકીકત શોધન કરી મેળવેલી તે વખતે આ પુસ્તક માટે પણ હકીકત મેળવતા રહેતા સઘળો સંગ્રહ એકત્ર થયેથી આ ગ્રંથ છપાવ્યો છે. આ ગ્રંથ એક વખત વાંચ્યા પછી હાથમાંથી મુકવાતું નહીં થશે નહિ, કારણ દરેક વાર્તામાં નવિન હકીકત જોવામાં આવશે. વળી રપર વૈષ્ણવોની જેટલી હકીકત વધુ મળે તેટલી દરેક વૈષ્ણવે જાણવી ઉપયોગી છે. મોટા કદનાં લગભગ ૪૦૦ ઉપરાંત પૃષ્ઠ, શુદ્ધ ને મન્યુત ખાદીનું પાકું પુઠું, તેમજ શ્રીગુસાંઈજીનો ઉત્તમોત્તમ ફોટો પણ આપ્યો છે. કીંમત ફક્ત રૂ. ૪-૦-૦ ચાર રૂપીઆ.

**વૈષ્ણવોના નિત્ય નિયમના ૨૮ ગ્રંથ**

મુલ શ્લોક. પાઠ કરવા માટે ઉપયોગી. ન્થો. ૯-૬-

॥ श्रीकृष्णाय नमः ॥  
॥ श्रीगोपीजनवल्लभाय नमः ॥



॥ श्रीकृष्णहार्दविदेनमः ॥

अथ श्रीमद् गोस्वामी  
श्री (काका) वल्लभजी महाराज के  
॥ ५२ वचनामृत. ॥

॥ अथ मंगलाचरणम् ॥

बर्हापीडं नटवरवपुः कर्णयोः कर्णिकारं  
विभ्रद्वासः कनक कपिशं वैजयन्तीञ्च मालाम् ।  
रन्ध्रान् वेणोरधरसुधया पूरयन् गोपवृन्दै-  
वृन्दारण्यं स्वपदरमणं प्राविशद् गीतकीर्तिः ॥ १ ॥

( २ )

श्रीगोवर्धननाथपादयुगलं हैयंगवीनप्रियं ।  
नित्यं श्रीमथुराधिपं सुखकरं श्रीविट्ठलेशं मुदा ॥  
श्रीमद्द्वारवतीशगोकुलपती श्रीगोकुलेन्दुं विभुं ।  
श्रीमन्मन्मथमोहनं नटवरं श्रीबालकृष्णं भजेत् ॥ २ ॥  
सौन्दर्यं निजहृद्गतं प्रकटितं स्त्रीगूढ भावात्मकं ।  
पुंरूपञ्च पुनस्तदन्तरगतं प्रावीविशत्स्वप्रिये ॥  
संश्लिष्टावुभयोर्बभौ रसमयः कृष्णो हि तत्साक्षिकं ।  
रूपं तत्त्रितयात्मकं परमभिध्येयं सदा बल्लभम् ॥ ३ ॥  
सायं कुञ्जालयस्थासनमुपविलसत्स्वर्ण पात्रं सुधौतं ।  
राजद्यज्ञोपवीतं परितनु वसनं गौरमम्भोजवक्त्रम् ॥  
प्राणानायम्य नासापुटनिहितकरं कर्णराजद्विमुक्तं ॥  
वन्देऽर्धोन्मीलिताक्षं मृगमदतिलकं विट्ठलेशंसुकेशम् ॥ ४ ॥  
श्रीमद्विरिधरगोविन्दबालकृष्णाख्यवल्लभान् ॥  
रघुयदुकुलाधीशो घनश्यामान्नमाम्यहं ॥ ५ ॥

( ३ )

५२ वचनामृत १ लो. ५२

अब प्रथम वचनामृत आप आज्ञा करत हे ॥ जो वचनामृतकी पुष्टि पें वार्ता कहि । वैष्णव दोय बाप बेटा श्रीघनश्यामजी गुरुदेवके सेवक तामें बाप तो सदा श्री घनश्यामजी गुरु तिनके पास कथा सुनिवेको जाय ॥ ओर वाको बेटा, सो श्री गोकुलनाथजी के पास नित्य वचनामृत सुनिवेको जाय, ॥ सो तब एकदिन वाके बापने कहि जो तूं अपने गुरु श्री घनश्यामजी के पास कथा सुनिवेकूं आयो करि ॥ ओर वहां श्री गोकुलनाथजी के पासतो हास्यविनोद बहोत होय हैं ॥ सो मतिजायो करि ॥ तब वाके बेटाने कहि जो एक बार तुम वहां आयके आपके श्रीमुखके वचनामृत सुनो ॥ पीछे हमकूं बरजीयो ॥ सो तब वाको बाप बेटाके कहेते दूसरेदिना वचनामृत श्रवणकरिवे कूं बेटाके संग श्री गोकुलनाथजी के पास गयो ॥ ओर वचनामृतसुने ॥ सो तो कथाहुते ज्यादा आनन्द

( ४ )

मिल्यो तब वाने कहि जो एक वचनामृत उपरतो  
दसहजार भागवत वार दीजे ॥ सो तब बेटासूं कह्यो ॥  
जो तूं सुखेन वचनामृत सुनिवेको जायो करि ॥ ओर  
आपहु बेटाके संग वचनामृत सुनवेकूं आवत भयो ॥  
एसे श्रीमुखके वचनामृत अनिर्वचनीय हैं ॥

इति श्रीवल्लभजी महाराजके प्रथम वचनामृत संपूर्ण ॥ १ ॥

---

❧ वचनामृत २ जो. ❧

अब दुसरो वचनामृत आप आज्ञा करत हे ॥ जो  
धर्मकी सूक्ष्म गति हे ॥ सो तापें पुराणान्तरकी वार्ता  
कही:-जो दोयभाई ब्राह्मण हते ॥ तिनको बापतो  
ज्ञान्त भयो ॥ तब वे दोउभाई माल, घर बेचके जुदे  
भये ॥ ता पाछें बापको श्राद्ध आयो ॥ तब बड़े  
भाईने छोटेभाई कूं निमंत्रण कियो ॥ जो आज यहा  
भोजन करियो ॥ तब छोटेभाई बड़ेभाई के घर  
भोजनकूं आयो ॥ सो श्राद्धको दिन तासुं अवारतो होय



( ५ )

क्यों जो छ घड़िको एक काल गिनिये ॥ सो तीन कालकी अठारह घड़ी पिछे ओर चोवीस घड़ी चार कालके भीतर श्राद्धकाल हे । सोतासूं अबेर भई । सो छोटोभाई आयो हतो; ताकूं भूख बहोत लगी । ओर श्राद्धमें नोते ताकूं तो एक बारही भोजन करनो चाहिये ॥ पर वाकूं तो भूख बोहोत लगी ॥ तब बडेभाईके घरमें बेरको वृक्ष हतो ॥ सो ताके उपर तें बेर दोय तोरिके खाये ॥ सो बेर खात बडेभाईने देख्यो ॥ तब बडेभाईने कहि ॥ जो तेने बेर क्यों खाये ? तो अब तुं श्राद्धके भोजनके योग्य नहि हे ! ओर हमारे कहे विना बेर खाये सो हमारो चोर भयो ॥ जो अबतो राजा के पास दंड दीये अपराध मिटेगो ॥ तब छोटोभाई हु धर्मशास्त्र जानवेवारो हतो सो मनमें जान्यो जो अब तो राजा के पास दंड दीये अपराध मिटे ॥ सो कोतवाल पास गयो ॥ ओर कह्यो जो मोको दंड देहु, में चोर हुं ॥ सो ता समयके राजाहु

( ६ )

धर्मीष्ट होते ॥ तासूं कोतवालने कही, जो ब्राह्मण तो  
अदंड्य हो तासों योंहि तुमारो दंड जो कलु  
घरबारमें होय सो दरबारमें देडारो ॥ तब वा ब्रा-  
ह्मणने कहि ॥ जो ऐसे तो दंड निवर्त न होय ॥ जो  
हमारे घरमें कलु देवेकौ तो हे नहि ॥ जो कणव्रत्ती  
करिकें पेट भरत हे ॥ सो तातें मोसूं राजा कहा ले-  
यगो ॥ ओर धर्मशास्त्रमें वचन हे ॥ जो ब्राह्मण  
आपने मुखतें वचन कहे; तो राजा कूं अवश्य दंडदेनो  
चहिये ॥ ओर तुम राजा होय के दंड नहि देउगे तो  
तुमकूं धर्मराजा दंड देयगो ॥ सो तासूं यहां दंड  
लेओ ॥ जो मेंने ईन हाथनसूं बेर तोरीके खाये हैं ॥  
सो इन हाथनकूं काटडारो ॥ तब धर्मशास्त्रके वच-  
नसूं हाथ काटि डारे ॥ तब वह ब्राह्मण प्रसन्न भयो  
जो अब मेरो पाप उतरी गयो ॥ तब पीछे अपने  
बडेभाईके पास आयो ओर कह्यो जो, में दंड भुगति  
आयो हुं ॥ तब वह भाई हुं बहोत प्रसन्न भयो ॥ ओर

( ७ )

जहाताई भाईने हुं भोजन नहि कीनो हतो ॥ तब  
वानें कहि जो; चलो अब श्रीगंगाजीमें स्नान करी  
आवे । ओर पीछे भोजन करेंगे । तब श्री गंगा-  
जीमें स्नान करत मात्रहि हाथ आछे होय गये तब  
दोउ भाईननें घर आयके भोजन कियो ॥

इति श्री बल्लभजी महाराजके द्वितीय वचनामृत सपूर्ण ॥२॥

❧वचनामृत ३ जो.❧

अवतृतीय वचनामृत आप आज्ञा करतहे ॥ जो  
लक्ष्मी अनर्थ कर्ता हे ॥ सो ताके उपर श्रीमद् भाग-  
वत दशमस्कन्धमें स्यमन्तकमणिको व्याख्यान कह्यो ॥  
सो सत्राजित्को भाई मणिलेयके प्रसेन वनमें गयो.  
सो ताकू नाहारने मायों ॥ सो नाहारके पास मणि रही॥  
पाछें वा नाहारकूं जांबुवान् रींछने मायों ॥ तब जांबु-  
वान्के पास मणि गई ॥ सोवे जांबुवानसूं श्रीकृष्ण  
भगवाननें युद्धकरिके, निर्बलकीयो । पाछें मणि सत्रा-

( ८ )

जितके पास आई. तब सत्राजीतकूं शतधन्वाने मार्यो ॥  
पाछें शतधन्वा भाग्यो ॥ सो ताके पीछे श्री बल-  
देवजी ओर श्री भगवान् गये ॥ सोजब शतधन्वाको  
घोडा थक्यो ॥ तब घोडा छोडिके पाछे भाग्यो । तब  
श्रीभगवान् तो रथमें हते. सो रथ श्रीबलदेवजीकूं सों-  
पिके पावन दोरे ॥ ओर शतधन्वाकूं मार्यो तब वाके  
पास तो मणि पाई नहीं ॥ क्यों जो मणीतो  
अक्रूरजी लेयके काशीकूं गये हते ॥ तब  
श्रीभगवानने पीछे आयकें श्रीबलदेवजी सों कहि  
जो याके पासतो मणि नहीं पाइ ॥ तब श्रीबल-  
देवजीके मनमें सन्देह भयो ॥ जो मणि मोंसू छीपा-  
यके आप राखी ॥ तब श्रीबलदेवजी तो मथुरा पधारी  
गये ॥ वा माणसूं आठभार सोनो नित्य होत हतो ॥  
सो ताके लिये इतनो अनर्थ भयो ॥ तासू द्रव्य हे सो  
सदा अनर्थ कर्ता हे ॥ वे मणिमें एसो गुण हतो जो  
जा देशमें ये मणि होय ॥ ता दशमें काल न पडे ॥

( ९ )

ओर भय न होय ॥ ओर यहातो जीनके पास मणि  
रही तिन सबनको नाश भयो ॥

इति श्री बल्लभजी महाराजके तृतीयवचनमृत संपूर्ण ॥३॥

❧ वचनमृत ४ थो. ❧

अब चतुर्थ वचनमृत आप आज्ञा करतहे ॥  
जो स्यमन्तकं मणीमें गुण हते । तिन सबनकूं मेटिकें  
अवगुन भये ॥ सो सिद्धान्त ऐसो हे । जो सत्राजीत्  
सूर्यके पासतें मणि लेयके आयो हतो । सो तब  
सत्राजीत्सूं श्रीभगवानने कहि ॥ जो यह मणि हे;  
सो राजाके लायक हे ॥ सो उग्रसेनको मणि देउ ।  
तब सत्राजीतने श्रीभगवान् को कह्यो न मान्यो ॥  
तासों मणिमें जो गुन हते सो सब मिटिकें ओगुन-  
कार भइ ॥ सो ता वचनकी पुष्टि ताके उपर दुसरो  
प्रसंग चलयो ॥ जो महाभारतमें राजा युधिष्ठिरसों  
श्रीभगवानने कही ॥ जो तुम कहो जो अश्वत्थामा

( १२ )

हाडा हे ॥ सो नवके अंकको छोडत नाही हे ॥ नो दुनी  
ठारे तो आठ ओर एक नव भये ॥ जो नवेती स-  
ाइस ॥ तो सात ओर दो नव भये ॥ नो चोक छत्तीस ॥  
॥ छे ओर तीन नव भये ॥ सो एसे नवके पहाडामें नव  
गे अंक छोडत नहि ॥ सो जातें आप जाको अंगी-  
ार करे हे. ताजीवकूं छोडत नहि हे । ओर हु मर्यादा  
र्गीय ओर अनेक अवतार हैं ॥ परि सब मर्यादा  
र्गीय अवतारनमें श्रीरामचन्द्रजी अधिक हे ॥ सो  
ानहुको नौमीको प्रागट्य हे ॥ तेंसे पुष्टिर्गीय  
वतारनमें हु आप सबतें अधिक हैं ॥ यह ज्ञा-  
ना करीवेकूं नौमीको प्रागट्य हे. अैसे तीन प्रकारहे ॥  
इति श्री बल्लभजी महाराज के षष्ठमो वचनामृत संपूणम् ॥६॥

❧वचनामृत-७ मो.❧

अब सप्तम वचनामृत आप आज्ञा करत हे ॥  
। एक समे सखडी, अनसखडी मिलाप संबंधी वार्ता

( १३ )

चली ॥ सो तब आप आज्ञा कीनी ॥ जो अन्न, पानी, लॉन, ओर अग्नि इनचार्योँनके मिलेतें सखडि कहे ॥ सोइन तीनिके मिलापतें सखडी होत हैं ॥ जो साक करें ॥ तब साक तो अन्न नहीं हे ॥ जो अग्नि पानी लॉन के संबंध ते सखडी होय. सो लॉन तो अग्नि तें उतारीके पाछें साकादिकमें पधरावे ॥ सो तब वह सखडी न होय ॥ जो लोन सेंधो (सिंधवलुण) होय, तो भले अग्निकें उपर डारे ॥ तोहु सखडी न होय सो अवश्य अँसे आज्ञा करी ॥ ओर फेरीहु आज्ञा करी, जो वाही ठीकाने लेनो पडे तो शाकादिकमें लॉन अग्नितें उतारे पाछें मिलावनो ॥ ओर कदाचित् ओर ठिकाने पठावनो पडे तो वह लॉन पहले घरमें न मिलावनो ॥ सो जहां जाय कें प्रसाद लेनो पडे, सो तहांइ मिलावनो ॥ इति.

इति श्री बल्लभजी महाराज के सप्तम वचनामृत संपूर्णम् ॥७॥

( १४ )

❧वचनामृत-८ मो.❧

अब अष्टम वचनामृत आप आज्ञा करत हे ॥  
 सो एक समे प्रसंग चलयो, जो श्रीभगवान्सूं मिलवो  
 कैसे होय ॥ सो ता उपर वार्ता कही ॥ जो अकबर  
 बादशाहनें बीरबल सों पूछी ॥ जो साहेबसें मिलाप  
 कैसे होय ? सो कहो ॥ तब बीरबलकूं ओर बात-  
 को जुवाब तो तुरत उपजतो ॥ परंतु या बातकी बीर-  
 बलकूं कहा खबर ॥ सो कलु जुवाब न आयो ॥ सो  
 चुप होय रह्यो ॥ सो अैसे महिना ताइ पूछी ॥ तब  
 कही जो, आठि दिनामें जुवाब देउंगो ॥ तब बादशा-  
 हनें कही, जो ठीक हे ॥ आठ दिनामें जुवाब न देउ-  
 गे; तो तुमारो सब घरमें लूँटि लेउंगो ॥ तब वा बीर-  
 बल को बहोत चिन्ता भइ सो कलु खावे पीवे नाँहि ।  
 अैसे रातदिना चिन्तामें निकसे ॥ वाकी  
 बेटीने चिन्तातुर होय के पूछी ॥ जो आजकाल तुम  
 बहोत चिन्तातुर दीखों हो ॥ सो अेसी कहा चिन्ता हे ॥



( १५ )

तब बेटी तें एक दोय वार बात टाली परी बेटीनें  
बहोतही आग्रह करी कें पूछी तब बेटीसूं बीरबलनें  
सब बात कही जो बादशाहने असेँ हठ करीकें पूछयो  
हे ॥ तामें मेंनें आठदिनाको वायदो कीनो हैं ॥  
सो दिनतो निकसे जात हे ॥ परी कल्लु जुवाब उप-  
जत नाही हे ॥ तब बेटीनें कही ॥ जो या बातकी कहा  
हे ॥ जो अपने गुरु श्रीगुसांइजी हे ॥ तिनसों जाय के  
पूछो ॥ सो आप जुवाब बताय देयंगे ॥ सो बेटी वै-  
ष्णव हती ॥ ओर श्रीगुसांइजीको विश्वास बहोत हतो ॥  
ओर बीरबलने हु आपके पास नाम पायो हतो ॥ परि  
इन उपर आप प्रसन्नहि रहते ॥ जो दरबारी जानी  
आप सनमान करते ॥ तब बीरबलनें बादशाहसूं सीख  
मांग के कह्यो ॥ जो या बातको जुवाब में अपने गुरु-  
देवके पास जायके ले आउंगो ॥ सो तब बादशाहनें  
सीख दीनी ॥ तब बीरबल श्रीगुसांइजी के पास आयो ॥  
तब आपनें एकान्तमे बुलायकें पूछी ॥ जो केसँ

आवनो भयो ॥ तब बीरबलनें कही ॥ जो महाराज !  
 या बातको कारन कहो ? सो तब श्रीगुसांइजीनें आज्ञा  
 करी ॥ जो बीरबल ! सब बातको जुवाब तो हे ॥ ओर  
 या बातको हुं जुवाब हे । परि तोसो तो हम न कहेंगे ॥  
 जो बादशाह पूछेंगे तो कहेंगे ॥ तब बीरबलने अकबर  
 बादशाहसों आयके कही ॥ जो आपतो अैसे आज्ञा करें  
 हे ॥ तब बीरबलसों बादशाहने कही जो हम जा-  
 यके पूछेंगे ॥ तब एक दिन बादशाहने सिकारको  
 मिस करीके सवारी कीनी ॥ सो तब बीरबलको संग  
 लेयकें चारि, पाच, सवारसों, मथुरा आयो ॥ सो तब  
 बीरबलने जायके श्रीगुसांइजीसों खबर करी ॥ तब  
 आप पधारे ॥ तब बादशाहने पूछी ॥ जो “ साहबसों  
 मिलाप कैसे होय हे ” ? तब श्रीगुसाइजीने आज्ञा  
 करी ॥ “ जो जेसैं तुमारो स्नेह, हमारो मिलाप, तेसैं ” ॥  
 सो तब बादशाहतो कहेत मात्रही समझ गयो. और  
 बीरबल तो समझो नाही । तब बीरबलने कही, जो आ-

( १७ )

प समझे ॥ ओर में तो या बातमें समझयो नाही । तब  
बादशाहने बीरबलसों कही । जो आपने हमकूं साहबके  
ठीकाने द्रष्टान्त देयके आज्ञा करी हे ॥ जो तुम चाहते ।  
तो मिलाप भयो ॥ ओर हम उपाय करते तो नहो-  
तो ॥ तासों जब साहब चाहते हे ॥ तब मिलाप  
होत हैं ॥ जीव चाहेतो होत नाँही ॥ तब बादशा-  
हने कही ॥ जो महाराज ऐसेही जेहें कहा ? तब आ-  
पनें आज्ञा करी ॥ जो ऐसेहीहे ॥ साहिबके मनमें  
केसे आवे ॥ जो जब जीव उनको स्मरन करे ॥ दीनता  
भावसों विनती करे ॥ जो मेंतो ऐसो हुं ॥ सो या परतो  
आप दया करीके कृपा करोगे ॥ तब उद्धार होयगो ॥  
ऐसे दीनता करनी ॥ ओर श्रीभगवान् तो द-  
याल हे ॥ सो कृपा करेहीं गे. यामें सन्देह नाही ॥  
ऐसे आज्ञाकीनी ॥ तब बादशाह बहोत प्र-  
सन्न भयो और दंडवत करीके पाछो गयो ॥ ऐसे  
द्रष्टान्त पूर्वक भगवत्संबंधी मिलाप वार्ता कही ॥

इति श्री बल्लभजी महाराजके अष्टम वचनामृत संपूर्णम् ॥ ८ ॥

( १८ )

॥ वचनामृत ९ मो. ॥

अबनवम वचनामृत आप आज्ञा करत हे ॥ जो श्री ठाकुरजीकी सेवामें दुपेरकूं तथा रात्रकूं अनोसरमें पंखा आदि कल्लु सेवा नहीं होय हे. ताको प्रसंग चलयो ॥ तब आपनें आज्ञा करी ॥ याको हंतु ग्रंथमें हूँगे; तो कल्लु हे नहि ॥ ओर मर्यादातो ठेठ सूं श्री गुसाईजीकी बांधी चली आवे हे ॥ ताको सिद्धात एसो हे; जो श्रीगुसाईजी कृत श्लोकः—

सदा सर्वात्मना सेव्यो भगवान् गोकुलेश्वरः ।

स्मर्तव्यो गोपिकावृन्दैः क्रीडन्वृन्दावने स्थितः ॥१॥

सो सेवातो श्रीगोकुलेश्वर भगवान्, श्रीनन्दकुमार बाललीला अवस्थाकी करनी ॥ जो श्री वृन्दावनविषे श्रीस्वामिनीजी संयुक्त रास । ओर सबठोर बनक्रीडा रसात्मक भगवानकी हे । वाको स्मरन करतो ॥ वा सेवाको अधिकार आपुनकू तो हे नहि ॥ तासूं स्मरन मात्र ही करनो । सर्वोत्तम में श्रीआचार्यजी-

( १९ )

महाप्रभुनको नाम हे ॥ “ रासलीलैकतात्पर्य ” फेरी  
वार्ताहु में ऐसे हे ॥ आप श्रीभागवतमेंकी कथा अ-  
हर्निश करतहे ॥ एक बिरियां दमलाको आज्ञा करी जो  
आपुनको भगवद्वाता, रसात्मक लीला जेसी लगे हे ॥  
तातें वा लीलामें जीवको अधिकार नहीं हे ॥ जो अ-  
नोसरमें सज्या बीछे हे, झारी भरीके धरत हे, ओर  
भोग धरत हे, परन्तु सरावत नाहि ॥ जो आचमन  
मुखवस्त्र नाहि होयहे ॥ ताको कारन यह हे, जो बन-  
बिहारकी लीलामें अपनी गति नाँही हे ॥ सो वाकी  
सेवा तो ब्रजभक्त करत हे ॥ तातें सब तैयारी करी  
धरी, पीछे अनोसर करनो ॥ जो दिनको कद्यो सोतो  
ठीक हे ॥ जो पुरानान्तरादिकन सों मिलत हे ॥  
दुपेरको तो बनमें पधारत हे ॥ परन्तु रात्रिहिमें बन  
नित्य बिहारकी कही हे ॥ सो ए कैसे कहोगे ? यही  
बात एतन्मार्गीय ग्रन्थनमें बहोत ठीकाने हे ॥  
फेरी श्री हरिरायजीहु भावनामें खोलीके लिखेंहे ॥ जो

( २० )

श्रीयशोदाजी आप ब्यारु करावे हे पाछें आपकू निद्रा आवें हे ॥ सो पोढायके एक दोय कहानी कहैत हे ॥ पीछे आपकुं निद्रा आईजानीके आप श्री यशोदाजी उठी जात हे ॥ सो रात्रीको आप पधारी के उनको मनोर्थसिद्ध करवेकूं अनेक भांति क्रीडा करत हे तातें रात्रकोही बनबिहार हे ॥ तासुं रात्रीको सेवा नही करत हे ॥ बयोंजों पंखा खेंचनवारे आदमीको तो टोटा हे नाही ॥ जो चार आदमी पहेर पहेरके पंखा खेंचवो करे ॥ परन्तुं भावसों ठेठसूँहि रित नही हे ॥ जो अनोअरमें सेवाको अधीकार नहि हे ॥ तासों श्री-मुखतें अैसे आज्ञा करी ॥

इति श्रीवल्लभजी महाराजके नवमो वचनामृत संपूर्ण. ॥९॥

---

❧ वचनामृत-१० मो ❧

अब दशम वचनामृत आप आज्ञा करत हे ॥ जो सुरदासजी को पदहे ॥ सो पद ॥ देख्यो कलश एक

( २१ )

अपार ॥ सकलव्रजको सार यामें मृगरिपुनकी वार॥१॥  
 धर्यों चक्र संवारतापर वक्रजाकी धार ॥ शेषजाको पारन  
 पावे निगम गावें चार॥२॥शिव सनक शुकदेव नारद र-  
 हे पचीपची हार ॥ पीत ध्वजा फहरात तापर सुर बल-  
 बल हार॥३॥ या पदको आपनैं व्याख्यान कीयो ॥  
 सो एक पहर लग्यो सो हतोतो अनिर्वचनीय जीवकी  
 कितनीक धारना हे ॥ जो कलुक भाव जीतनो याद  
 रह्यो, सो लिखें हे ॥ आपनैं आज्ञा करी जो कलश  
 हे, सो श्री गुसाईंजीको स्वरूप हे ॥ कलशको रंग  
 लाल याहितें हे ॥ जो आपहु दक्षण भावको स्वरूप हे  
 सो तिनहुको आरक्त वस्त्र हे ॥ जो चार स्वामिनीजी  
 मुख्य हे ॥ तामें प्रथम तो वामभाग आदिशक्ति  
 मुख्य स्वामिनीजी व्यापि वैकुण्ठ विषे श्री राधि-  
 काजी हे तीनको पीत वरणहे । जेंमनी ओर श्रुती-  
 रूपा हे तामें मुख्य श्री चन्द्रावलीजी हे ताको लाल  
 वस्त्र हे ॥ सोई स्वरूप श्री गुसाईंजीको हे ॥ त्रीजी

( २२ )

ऋषिरूपा ताको श्वेत वरण हे ॥ ओरचोथेनको नाम  
 श्रीयमुनाजी स्वरूप हे ॥ ताको श्याम वस्त्र हे ॥  
 याहिभावतें फागुनमें चारी भावके रंगसो खेल क्रम  
 हे ॥ सो पहले केसर पीतरंग, पाछे गुलाल लाल रंग,  
 पीछे अबीर श्वेतरंग, पाछें चौवा श्यामरंग ॥ सो चार्यों  
 ठकुरानीनके भावसूं चार्योंरंग अनुक्रमसों खिलावे हे ॥  
 तब श्रीव्रजाधीशजी महाराज कूं संदेह भयो ॥ जो  
 महाराज ! हमारे श्री मथुरेशजीके घरमें तो ऐसी रीति  
 खिलावेकीहे नहीं ॥ जो पहले केसर, पीछे चौवासों  
 खिलावतहे ॥ ताको भाव केसें हे ? तब श्रीवल्लभजी  
 महाराजनें आज्ञाकीनी जो ठीक हे ॥ बडेनने जो रीति-  
 कीनी सोतो ठीक होयगी ॥ जो श्रीयमुनाजीमें दया-  
 लता अधिक हे । सो जीवके उपर कृपा करीके पुरुषो-  
 त्तमकूं वेगी श्री यमुनाजी मिलावे हे ॥ तेसेई ये स्वरूप  
 नमें नहि हे ॥ ओर आपुनेतो दान बडो के दाता बडो ॥  
 सो आपुनको तो श्री पुरुषोत्तमकी लीलामें वेगी मि-



( २३ )

लावे सोई बडो ॥ सोतो श्री यमुनाजीमें हे ॥ सो  
ता भावसूं प्रथम श्रीस्वामिनीजीके भावसुं  
केसरसूं खिलावे हैं ॥ ओर ता पिछे श्रीयमुनाजीके  
भावसों चोवासों खिलावत हे ॥ पिछे अबीर  
गुलालसों ॥ सो यह क्रम बडेननें कीयो हे ॥  
सो प्रमान हे ॥ जो यहां श्रीगुसांइजीको लाल  
स्वरूप हे ॥ तासों कलश हु लाल हे ॥ सो यहां  
जो “ देख्यो कलश एक अपार ” सो जाको पार  
नाहि ताको अपार कहिये ॥ सो कलशतो  
प्रमानम आवे; परन्तु श्रीगुसांइजीके भावसों कल-  
शको स्वरूप अपार हैं ॥ ओर मृगरिपुनकी वार ॥  
जोजेसे खेतकी आडी वार (वाड) होत हे काँटेनकी  
तेसँ कलसकी चोफेर चारो आडी सिंघ हे ॥ सो ता-  
कीवाड हे ॥ सो वे सिंहको कहा स्वरूप हे ॥ जो  
आपतो पुष्टि पुरुषोत्तम हे ॥ तातें तहां कममागाय-  
नकी गति नही हे ॥ क्यांजो सिंघचार हे ॥ सो चार्यों-

( २४ )

वेदके स्वरूप हे ॥ सो कर्ममार्गकी गति वेदतांड़ हे ॥  
सो वेदकी वाड होय के बेठेहें. सो पुष्टि स्वरूप  
कैसे जान्यो जाय. वेतो वेदहीमें अटके ॥ तब  
कोउ कहेगो ॥ जो कर्ममार्गीयनकी गम्य तो नाहि ॥  
परिभक्तिमार्गीयतो ॥ श्रीशुकदेवजी, सनकादिक,  
श्री महादेवजी, नारदजी प्रभृत जे जे भक्त हे ॥ सोतो  
पखेडुकीनांड़ उडिके वाडके भितर जात होयंगे ॥  
तातें कह्यो जो ॥ धर्योचक्र समारि तापर वक्र जाकी  
धार ॥ यही मर्यादामार्गीय भक्त गिनाये ॥ सो ति-  
नमें ते उडिके कोउ कदाचजाय; तो ताके लिये  
चक्रधारन कर्यो हे ॥ सो ताकी वक्रधार है ॥ सोवेचक्रको  
कहा स्वरूपहे ॥ जो कदाचित् मर्यादामार्गीय भक्त  
वाकुं उलंघन करीके भितर आवे; तो चक्रतांड़ गम्य  
होय ॥ कदाचित् विष्णुपास वैकुंठतांड़ पहुँचे ॥  
परि पुष्टि स्वरूपकी तो बात नहि ॥ जो मर्यादा मार्गी-  
यको मोक्ष वैकुंठ प्राप्ति होय ॥ तहां तांड़ अवधि ॥

( २५ )

और याको स्वरूप तो केसो हे जो; शेष ताको पार न पावे निगम गावे चार ॥ सो शेषनाग हजार मुखसों जस गावे परन्तु पार नहि पावे हे ॥ ओर चार्यों वेद जस गान करी रहे हे ॥ परि वेहु पार नही पावत हे ॥ ओर शिव सनकादिक नारद शुकदेवजी ये चार्यों वा स्वरूपको विचार करते हे परि प्राप्त नहि होयहे ॥ एसो आपको अनिर्वचनीय स्वरूप हे ॥ ओर फेरी कह्यो ॥ जो पीत ध्वजा ताको कहा कारन हे ? ओर श्री-नाथजीके मस्तक उपर विराजत हे ? ताको कहा कारन हे ? तातें आप आज्ञा कीनी ? जो तुम भरतके ग्रंथमे नायक नायिकाके भेदमें समझत हो ? ॥ तबमें कही ॥ जो कलुक तो जानुं हुं ॥ तब आपने कही ॥ जो गुरुमान कैसे छूटे ? सोतो ग्रंथमें कहां हे जो पावन पडेते गुरुमान होय सों छूटे ॥ सो यह गुरुमानको भाव हे ॥ तासूं मस्तक ऊपर विराजत हे ॥ सो गुरुमान छुडायवेकी ज्ञापना करते हे ॥ सोत

( २६ )

को भाव ऐसे हे ॥ जो राजानकी रिति हे ॥ जो दोय  
राजानमें युद्ध होय ॥ तब जो राज जीते सो वाको  
निसानको रंग अपने निसानमें डारे ॥ सो तेसैं यहां  
हे ॥ जो आपने श्रीगोवर्धनधरको जीते हे ॥ सोया  
भावसूं पीतध्वजा हे ॥ ऐसे रिति सो या पदको  
व्याख्यान भयो ॥ तामें जो याद रह्यो सो लिखे हें ॥  
॥ इति श्रीवल्लभजी महाराजके दशमो वचनामृत संपूर्णम् ॥ १० ॥

❧ वचनामृत-११ मो ❧

अब एकादशमो वचनामृत आपआज्ञा करत हे ॥  
सो अैसेही गीतगोविन्दमें गुरुमानको भाव आयो सो  
तहां पावन पडनो ॥ तो कैसे लिख्यो जाय ॥ सोता  
ठीकाने तुम अटक रहो ॥ जो जयदेवजीसूं तुक न  
बनत हती ॥ तब श्री ठाकुरजी आप जयदेवजीको  
स्वरूप धरिके तुक लिख गये ॥ “ प्रिये चारुशिले ”  
या अष्टपदीमें तुक ॥ “ स्मरगरल खंडनं मम शिरसि

( २७ )

मंडनं देहि पद पल्लव मुदारम् ॥” सोयह तुक श्रीठा-  
कुरजी लिखि गये ॥ क्यों जो जयदेवजी तो मर्यादा  
मार्गीय भक्त हते ॥ तातें या लीलाको अधिकार  
नाहि ॥ ओर पुष्टिमार्गीय कीर्तनमें बहोत ठीकाने  
याहि लीलाको भाव हे ॥ जो “ ऐसी प्रिती कहूं नही  
देखी ॥ यशुमतिसुत श्री वल्लभसुत जेसी । शेष सहस्र  
मुख जात न लेखी ॥१॥ ईनको कीयो सबेजिय भावे  
करत शृंगार विचित्र विशेषी ॥ सुनियत कथा जलद  
चातककी कुमुदिनी चंद्रचकोर विशेषी ॥ २ ॥ आज्ञा  
माग चले श्री गोकुलकूं छिन छिन झांख झरोखत  
पेखी ॥ गोविन्द प्रभु गोवर्धन पैं मागत जिनविलुखो  
पल अर्ध निमेखी ॥ ३ ॥ सोया पदमें वर्णन कीनो ॥  
जो “ ऐसी प्रिती कहूं नही देखी ” सो “ देखी ”  
पद केसे संभवे ॥ सो देखीवेमेंतो इतनोक पदारथ  
आवे हे ॥ सो सुनिवेको तो कलु पारहु नही हे ॥ जो  
अनेक जुगजुगान्तरकी बातें सुने हो तो यहां हु

( २८ )

न सुनी ॥ अैसे पद चहिये ॥ सो छोडिके कहुं न देखी ॥  
 अैसे पाठ क्यों धर्यो ? ताको कारण ऐसे हे जो  
 मर्यादामार्गीय भक्त होय तो अैसेही कहे ॥ अैसी प्रिति  
 कहुं न सुनी ॥ परन्तु ये गोविन्दस्वामि श्रीदामोका स्व-  
 रूप हे ॥ इनकोतो नित्य ब्रजभक्तन सहित ली-  
 लाको दर्शन होतहे ॥ सो प्रीति ब्रजभक्तनके आगे  
 अधिक हे ॥ सोतो गोविन्दस्वामि उन्हे देखत हे ॥  
 तासो कही “ कहुं न देखी ” ऐसे आज्ञाकीनी ॥  
 इति श्रीवल्लभजी महाराजके एकादशमो वचनामृत समाप्तम् ॥११॥

---

❧ वचनामृत १२ मो. ❧

अबद्वादशमो वचनामृत आपआज्ञा करत हे ॥  
 जो एक दिन राजभोग धरिवेकी बात चली ॥ तब  
 आपनें आज्ञा कीनी जो राजभोग धरे तब सामग्री  
 क्रमसों घरनी ॥ मीठी सामग्री प्रभूनके पास घरनी । ता  
 पीछे साक, तापीछे खाटी ॥ तापीछे फलफलेरी ॥ या

( २९ )

प्रकारसों भोग धरे ॥ पीछे भोजनके चार भाव कहे ॥  
जो एकतो श्रीनंदरायजीके घरको ॥ दुसरो वनके  
विषे छाकको भाव ॥ तिसरो नोतें जैमन जाय ॥  
चोथो भाव गोप्य राख्यो ॥ ये प्रकार तुमको कहि  
वेको नाँही हे ॥ अैसे आज्ञा करी ॥ सो या प्रकार  
श्रीनवनीतप्रियाजीके नित्य होत हे ॥

इति श्रीवल्लभजी महाराजके द्वादशमो वचनामृत संपूर्णम् ॥१२॥

❧वचनामृत-१३ मो❧

॥ अब त्रयोदशमो वचनामृत आप आज्ञा करत हे ।  
जो श्रीआचार्यजी महाप्रभुनकुं तथा श्रीगुसांइजीकुं श्री  
नाथजीतें अधिक जानने । सो ताको दृष्टान्त कहत  
हे ॥ जो एक श्रीगुसांइजीको सेवक, नागजीभट्ट गोधरा  
वारो, जो श्रीनाथजीके भितरीयानमें रहेतो ॥ सो श्री  
नाथजीकी सेवा करतो । ओर श्रीनाथजी वासों बातें  
करते ॥ परी वाको चित्त सेवामें लगे नहि ॥ तब श्री

( ३० )

गुसांइजीसों विनतीपत्र लीख्यो ॥ जो मेरो मन यहां  
लगे नहीं हे ॥ तब आपने लिखी ॥ जो तेरो मन उहां  
नाँही लगत हे ॥ तो यहां आयजा । ऐसे लिखीके वाको  
बुलाय लीनो ताको प्रयोजन यह हे ॥ जो इनको  
अधिक फल देवेकी इच्छा हे. सो तामें यही भाव  
निकस्यो जो श्रीनाथजीतें आपकी सेवा अधिक हे ।  
ताके समाधानके लीये एक वैष्णव हरिदास खवा-  
सीमें रहेतो । तानें एक श्लोकको अर्थ आपसों  
पूछ्यो ॥ तब श्रीगुसांइजीनें अर्थ करीके समुझायो  
॥ परी इनको चित्त समाधान न भयो ॥ तब श्री  
गुसांइजी आपने आज्ञा करी ॥ जो तुम कृष्णभट्ट  
साचोराके पास जावो जो वे तुमारो समाधान करेंगे ॥  
तब वे हरिदास सेवा छोडिके उज्जेनमें कृष्णभट्टके  
पास गये ॥ तब भट्टजीनें पूछी ॥ जो तुम सेवा  
छोडिके कैसे आये ? तब यानें कही जो आपके पास  
एक श्लोकके अर्थ पूछवें आयो हुं ॥ तब कृष्णभट्टने



( ३१ )

आछी रीतिसों अर्थको समुझायके समाधान कियो ॥  
 तब हरिदास वैष्णव समज्यो ॥ तामें प्रयोजन यह हे ॥  
 जो श्रीगुसांइजीने तो श्रीठाकुरजीपें अर्थ कीनो हतो ।  
 ओर कृष्णभट्टने श्रीगुसांइजीको श्रीठाकुरजीतें अधिक  
 विशेष करिके बरनन कीनो ॥ तब वे वैष्णव समुज्यो ॥  
 ओर आपकी खवासीमें हाजर भयो ॥ ताको प्रयो-  
 जन यह हे ॥ जो श्रीगुसांइजी फल देवेमें अधिक हे ॥  
 तासों आपकी शोभा आपुतें न कही जाय ॥ जासुं  
 भट्टजी पास भेज्यो हतो । सो अर्थ करिके बतायो ॥

॥ ओर एक बार आज्ञा करी ॥ जो श्रीनाथजीके  
 मुखीया रामदासजी जासों नित्य श्रीनाथजी बातें करते  
 ॥ सोवानें एक दिना श्रीनाथजीसों विनती कीनी ॥ जो  
 महाराज ! मोकों ब्रजभक्तन सहित दर्शन देउ ॥ तब  
 श्रीनाथजीने आज्ञा दीनी ॥ जो अबही तेरो अधिकार  
 नहीं हे । अब तेरी देह बेगी छूटेगी ॥ सो लीलामें आवे  
 तब दर्शन करीयो एसे आज्ञा भइ ॥ पीछे एक दिन

( ३२ )

श्रीगोकुलनाथजीको सिंगार हतो ॥ ओर दुजे स्वरूप तो भोग धरीके पधारी जात हे ॥ जो मुखीया सिंगारी होय सो रहे ॥ सो भोग समर्पे तब श्रीगोकुलनाथजी तुलसी समर्पत हे ॥ वा बीरीयां रामदास मुखीयाने पूछी ॥ जो आप चारिप्रकारके भोजनके भाव कहो हो ? तामें आजु कहा भावसों भोजन करत हैं ॥ तब श्रीगोकुलनाथजीने कही ॥ जो आजतो श्रीनवनीतप्रियाजी सहित घरहीमें भोजन करत हे । और कहूं नोतें हे ॥ सो ब्रजभक्त जेंमनको आवत जात है ॥ जो कटाक्ष अनेक करीके ओर कलु सामग्री परोसत जात हे ॥ तब मुखीयानें कही ॥ जो आज मोको ऐसे दर्शन होय गो ? तब श्रीगोकुलनाथजी हाथ अलगो करीके कहे, जो दर्शन कर ॥ सो श्रीगोकुलनाथजीनें दर्शन करवाय दीने ॥ तामें यहभाव निकस्यो ॥ जो श्रीठाकुरजी तें अधिक श्रीगुसांईजी हे ॥ ऐसे यह तीन प्रसंग सुं आपनें आधिक्यता जताइ । ऐसे आज्ञा करी ॥

इति श्रीवल्लभजीमहाराज के त्रयोदशमो वचनामृत संपूर्णम् ॥ १३ ॥

( ३३ )

❧वचनामृत १४ मो❧

अब चतुर्दशमो वचनामृत आप आज्ञा करत हे ॥ जो समर्पण पीछे कहा कर्तव्य हे ॥ जो न कछू करे ताको कहा फल ? ओर करे ताको कहा फल ? यह बात पूछी ॥ जो एतन्मार्गीयनमें कोउतो मार्गकी रीत सों सेवा करत हे ॥ ओर कोउ एतन्मार्गीय ग्रन्थनके प्रमाण बुद्धिसों रहे ॥ ओर वैष्णव उपर श्रद्धा नहीं हे ॥ ओर कोउ कछू बने तेंसे सेवाहू करत हे ओर वैष्णवपें भरभार हे श्रद्धाहे जो कोउ अैंसें हे ॥ कोउ अैंसें हैं ॥ तासों कछू सेवा बनत नहीं हे ॥ परन्तु कछू ग्रन्थादिकनको अभ्यास हे ॥ जो केवल एक वैष्णवताकी दढता हे ॥ एसी रीत सों हे ॥ तब श्री हरिरायजी आप आज्ञा कीये जो ॥ पहिले गीनाये ताको तो मारगकी खबर हे नहि ॥ ओर दूजे गिनाये ताकूंहु कछू मारगकी खबर नहीं हे ॥ ओर तीजे गिनाये तानें मारगको मुख्य सिद्धान्त पायो जाननो ॥ अैंसे आज्ञाकीनी ॥

( ३४ )

जो नाम निवेदन कीयो, पाछें कर्तव्य सेवातो हे; परि कछू सेवापनो न बन्यो ॥ परि निस्केवल श्रीहरि, श्री आचार्यजी महाप्रभूनको दृढ विश्वास, भरोंसो राखे, तो वाहिते उद्धार हे सो यामें सन्देह नहि हे ॥ जो आप निरन्तर निश्चय राखिये ॥ ओर नाम निवेदन कियो । परन्तु मर्यादा मार्गमें ई रुची रहि सो वाको हु फल जाय ॥ परि मर्यादा मार्ग सों इनको उद्धार होय जाय ॥ यापैं नारदजीकी कथा कही ॥ जो पुर्व जन्ममें नारदजी दासीके पुत्र हते ॥ सो चारि ऋषिश्वरननैं बागमें रहिके चतुर्मासो कियो तब वानें उनकी चार म-हिना टहेल करी तब उननैं कृपा करीके आपनी झूठिन दीनी ॥ तासों भक्ति उत्पन्न भई ॥ परन्तु पीछे आकाशवानी ऐसी भई ॥ जो या देह सों तोकुं दर्शन न होयगो ॥ सो पीछे दुसरे कल्पमें ब्रह्माजीके पुत्र होय प्रकटे तब दर्शन भयो ॥ सो यह मर्यादा मार्ग-को दृष्टान्त हे ॥ पुष्टिमार्गमें एसो नहि होय ॥ जो

( ३५ )

पुष्टिमें तो जीवको साधन कलु विचारे नहीं हैं केवल दया विचारके ही प्रमेय बलतें उद्धार करत हे ॥ तामें श्री भागवत षष्ठम स्कन्धमें इन्द्र उपर क्रया करी सो-  
ताकी कथा:-पुष्टि रीतसूं इन्द्र उपर दया करी तब इन्द्रने ब्रह्मस्पतिजीको अपमान कियो ॥ जो विश्वरूपको मार्यो ॥ जो गुरु अपराध, ओर हत्या कीनी ॥ ओर फेरी दधीचकों मार्यो जो ब्रह्महत्या ओर वैष्णवहत्या कीनी ॥ सो वृत्रासुर परम भक्त हतो ॥ सो प्रभु अपने दोष क्षमा करे ॥ ऐसो अनेक जगें लिखे हे परि इन्द्र उपर तो दया ही विचारी ॥ जो एकहु दोष याको न विचार्यो ॥ जो अपने भक्त के दोष क्षमा करे ॥ सोयह पुष्टि स्वरूपकी रीत हे ॥ जो पुष्टि मागीय हे ताको दोष आपु विचारत नांही ॥ जो केवल दया करीके उद्धार करे हे ॥ सो कीर्तन, आख्यान, धोलमें, वचन हे ॥ जो निःसाधनजन हित करवा श्रीनाथ विट्ठल आविया ॥ इत्यादि अनेक जगे वचन हे ॥  
इति श्रीवल्लभजी महाराजके चतुर्दशमो वचनामृत संपूर्ण ॥ १४ ॥

( ३६ )

❧ वचनामृत-१५ मो. ❧

अब पंद्रहमो वचनामृत आप आज्ञा करतहे ॥  
जो प्रथम श्रीनाथजी, श्रीआचार्यजी महाप्रभुजी तथा  
श्री गुसाइजीके सेवकनसूं बोलते ॥ बातें करते ॥  
पाछें जब श्रीगुसाइजीके पधारीवेकी तैयारी भइ,  
तब श्रीनाथजीकूं श्रीगुसाइजीनें बरजे ॥ जो अब  
काहुसों बोलीयो मति ॥ तब श्रीनाथजीने पूछी, जो  
क्यों न बोलुं ? सो तब श्री गुसाइजीने विनती करी,  
जो अब जीवहोंयगे तिनको भाव असो आपके उ-  
पर रहेगो नाही और एसे बोलोगे तो भक्तिमार्ग  
उच्छन्न होय जायगो । और हमारे वंसकूं हु बोलवे  
चालवे को हास्य विनोद देखके विश्वास मिट जा-  
यगो तो भक्ति कौनकी करेंगे तासों भक्ति विना  
जीवनको उद्धार केसैं होयगो ॥ तासूं श्री गुसां-  
इजीनें बरजे ॥ तब तें श्रीनाथजीने अधर ओष्ठ भिचि  
लीने ॥ सो तादिन सों अधरनको प्रकासित दर्शन

( ३७ )

आछि भाति सो नहि होत हे ॥ ता पीछेहु श्री-  
नाथजी मौनसोही विराजते ॥ अब जा जीवपे कृपा करे  
तासों बोलत हैं । परि बोहोत बोलबो छोडिदियो ।  
सो प्रथम श्रीगोकुलनाथजीने बुलायके मौन छूडाय  
दियो हे. ताकी वार्ता ॥ श्री गोकुलनाथजीको सेवक  
एक बनीया हतो सो व्योपार करीके भरन पोषन करे।  
श्रीगोकुलमें रहे । सो श्री गोकुलमेंते चीज वस्तु  
व्योपार करिके, श्री वृन्दावनमें ले जायके बेचे. अंस  
बरस दिनमें तिन चारि बेर वृन्दावनमें जाय ॥  
तब वृन्दावनमें एक मर्यादामार्गीय वैष्णव बोहो-  
त आछो रहेतो. सो मर्यादामें वाकी भक्तिकीहोड़  
करे नही एसो हतो ॥ ताके घर जायकेवे श्रीगोकुल-  
नाथजीको सेवक बनीया उतरतो जब जाय तब वाके  
घरमें उतरे ॥ सो इनकुं जाते बहोत बरस बीत गये ॥  
सो मर्यादामार्गीय यों कह्यो करे जो यह देह क्षणभं-  
गुर हे ॥ सो कबीतो पड़ेगी परन्तु अब या समे कोइ

( ३८ )

ऐसो गुरु नहीं हे जो साक्षात् श्री भगवान् तें मिला-  
यके बातें करावे ॥ ऐसे बेरबेर कहिवो करे ॥ सो वह श्री  
गोकुलनाथजीको सेवक उनके घरमें उतरे. सो  
सुनिवो करे ॥ सो ऐसे कीतनेक दिन बीते सो एक  
दिना वा बनीया घरमें सोवत हतो ॥ और वह  
मर्यादामार्गीय वैष्णव बेसेइ करुणा करीके कहे, जो  
या पृथ्वी में एसो कोउ मिल्यो नाँहि जो श्री भग-  
वान् सों मिलायके बातें करावे ॥ ऐसे वाकी करुणा-  
मय बहोत लय लागी देखी ॥ तब श्री गोकुलनाथजी  
को सेवक बनीया सुतो हतो, ताके मुखतें निकसी। जो  
अरे ! तूं अैसे कहा कहत हे ? जो पृथ्वीपैं ऐसे गुरु  
नहि हे । चल हमारे गुरु श्रीगोकुलनाथजी नजीक बि-  
राजत हे ॥ सो साक्षात् श्री गोवरधन धरसों मिला-  
यके बातें कराय देंय. सो वा वैष्णवको तो सुनतमात्र  
ऐसी चटपटी लागी ओर बोहोत हरखित भयो ॥  
ओर वासों कह्यो । जो अब वहां चलो ढील मति करो ।



( ३९ )

मोकूँ अँसे गुरुनको सेवक बेगी कराय ॥ सो आपुन  
अबही चलेंगे ऐसे बहोत आग्रह कीनो. तब श्री  
गोकुलनाथजीके सेवकने बहोत समझायो ॥ ओर  
कह्योजो, रात्रको कैसे चल्यो जाय. छः कोसको मारग  
हे. बीचमें श्री यमुनाजी उतरनी हे ॥ तासों दिनमें  
उठिके चलेंगे ॥ तब वाने कहि जो देह क्षणभंगुर  
हे ॥ प्रभातताँड़ कोनने देखी हे ॥ तब अँसे करत  
करत रात्री दोय प्रहर काटी ॥ पिछे आपनें निंद न  
लीनी. और बाहुको न लेन दीनी ॥ ऐसी दशा  
होय गइ ॥ पाछें प्रभात उठके दोउ चले सो श्री  
गोकुलमें आये । सो वैष्णवने वाकुं कहेतो दीयो  
परन्तु अब सिटपिटान लाग्यो मनमें विचारे जो  
आप अँसे करैगे नहीं अँसे विचारीके बाहेर बेठा  
यके आप भितर गयो ॥ जायके दर्शन किये. और  
दंडवत कीनी ओर याके मनमें चिन्ता लागी सो  
मोंह उतर गयो ॥ तब आपुनें पूछी जो तोकों कहा

( ४० )

। हे अँसे मोंह क्यों उतरी गयो हे ॥ ईतनो पूछ-  
। वैष्णव रोय दीनो ॥ तब दीलासा देयके पूछी ॥  
तेरे मनमें बात होय सो कहिदे ॥ तब वा वैष्णवने  
बात कही जो राज ! मर्यादामार्गीय वैष्णवको अँसे  
त बोहोत दिन भये परन्तु रात्रको बोहोत विलाप  
न लाग्यो: तब मेरे मुखतें निकसी गई सो वहमेरे  
बहोत आतुरतासों आयो हे ॥ ओर अंगीकारतो  
पुके हाथ हे ॥ मोसों केसे विनती करी जाय ॥  
। लीये उदासी हे ॥ तब यह बात सुन के आपु  
। त प्रसन्न भये ॥ ओर दिलासा देयके कह्यो, जो  
की ऐसी आरती हे, तो श्री ठाकुरजी तें बुलाउंगो ॥  
। भितर बोलाय लाउं सो भितर बुलायके दंड-  
कराई ॥ तब आपनैं उपवासकी आज्ञा दीनी  
। आप भोजन करिके असवार भये सो श्रीगिरि-  
। पधारे ॥ श्री गोकुलतें ग्यारहे कोस गिरिराज हे सो  
। समय पहोचे ॥ श्री गोकुलनाथजी आप जाय के

( ४१ )

सेन आरती कीनी श्री मुखकपोल उपर हाथ फेरीके  
कह्यो जो आपुको श्री गुसांईजीने बरजे हे जो अब  
काहुसों बोलीयो मति ॥ परंतु प्रभात आपको सेवक  
आवेगो तासोंतो बोलनो पडेगो ओर न बोलोगे; तो  
मार्गकी टेक जायगी ॥ तब श्री नाथजी बोले जो बर-  
जीवेवारो ओर होय तो उनके पूछे विना न बोले ॥  
परन्तु तुमही बरजन वारे ओर तुमही बुलावन वारे  
तब क्यों न बोलुं ? जैसे कहोगे तैसे बोलुंगो पाछें  
प्रभात भयो तब मर्यादा मार्गीय वैष्णव हतो ताको  
नाम निवेदन करवायो तासमें श्रीनाथजी बोलीके वाके  
मनोरथ सिद्ध कीये पाछें ओरहुं वैष्णवनसूं बोले तासूं  
बोलनको अधिकारी होय तासों आप बोले. सब-  
सों नहि ॥

इति श्री बल्लभजी महाराजके पंद्रहमो वचनामृत संपूर्ण ॥१५॥

---

( ४२ )

❧ वचनामृत १६ मो. ❧

अब षोडशमो वचनामृत आपु आज्ञा करत हे ॥  
 श्री गुसाईंजीके लालजी श्री गिरिधरजी । तीनके दुसरे  
 लालजी श्री दामोदरजी । तीनके बडे लालजी श्री बा-  
 लकृष्णजी । तिनको बंश न चल्यो ओर छोटे लालजी  
 श्री विठ्ठलनाथजी ( जन्मदिन सं. १६५७ श्रावण सु.  
 १४ ) श्रीनवनीतप्रियाजी वारे ॥ तिनको सेवक  
 माधोदास तासों श्री नाथजी बोले हे ताकी वार्ता ॥  
 श्री गुसाईंजीके पुत्र श्री गोकुलनाथजी विराजत हे ॥  
 ओर ईनके भत्रीजा श्री गोपीनाथजी—श्री दिक्षितजी  
 प्रभृत सबबालक एक भये ॥ ओर श्री विठ्ठलनाथजी  
 सों सेवाकी बात उपर विरोध भयो ॥ तब श्री विठ्ठ-  
 लनाथजी तो शांतस्वभावके हते सो कह्यो, जो मोसों  
 तो कजीयाकी पहोंच नहि हे ॥ सो मेंतो जाउंगो.  
 अैसे मनमें विचारीके श्री नाथजीसों विदाहोन गये ॥  
 तब प्रार्थना कीनी ॥ तब श्रीनाथजी बोले जो मोकोंतो

( ४३ )

तुमारी सेवा प्रीय लगे हे ओर तुम उपर बहोत प्रसन्न  
हुं ओर तुमारे लिये मोह याहि कोहे सो श्री गुसां-  
ईजी के बालक हे ताते दंडतो कैसे दीयो जाय परंतु  
तुमारे चले पाछें एक बाततो करुंगो. “ तुमारे हाथ  
विना टिपारे को सिंगार काहुसों न कराउंगो ” अैसे  
श्री नाथजीने प्रतिज्ञा लीनी ॥ पीछें श्रीनाथजी सों  
श्री विठ्ठलरायजी तो विदा होयके पधारे ॥ तब केतेक  
दिन पाछें श्रीअच्युतरायजी श्रीनाथजी को सिंगार कर-  
नको पधारे सो रात्रकों मनमें विचारे जो प्रभात  
टिपारेको सिंगार करेंगे ॥ तब श्रीनाथजी इनके मन-  
की बात जानके रात्रहीमें मुखीयासों स्वप्नहीमें कहीजो,  
श्री अच्युतरायजी आये हैं ॥ सो प्रातहोत टिपारेको  
सिंगारको मनोरथ हे सो मेंतो श्री विठ्ठलनाथजी विना  
टिपारेको सिंगार ओरसों न कराउंगो ॥ सो उनको बर-  
ज देउ ॥ अैसे स्वप्नमें कही ॥ पाछें प्रभात श्री अच्यु-  
तरायजी न्हायवेको पधारे तब मुखीयानें कहि, जो आ-

( ४४ )

पको टीपारेके सिंगारको मनोरथ हे ? सो तब श्री अच्युतरायजीने कही, जो तुमने कैसे जानी तब कही जो स्वप्नमें श्रीनाथजीने आज्ञा कीनी हे सो नांही कीनी हे तब टिपारेको सिंगार न कीनो । पाछें श्री गुसांइजीके चोथे लालजी श्री गोकुलनाथजी सब बालकनतें अधिक बिराजत हते ॥ सो तिनको स्वप्नमें श्रीनाथजी अैसे दर्शन दीने. जो जानो श्रीनाथजीके पास श्री विठ्ठलनाथजी खडे हे । तीनकूं श्रीजी आज्ञा कीनी तुम उदास क्यों होत हो ? मैंने तुमारे लिये स्वप्नमे अैसे जताइ हैं ॥ तो झगडामें मुख्य श्री गिरिधरजीके छोटे लालजी श्रीगोपीनाथजी जानें, श्री नटवरलालजी पधराये सो ॥ पाछें श्रीगोकुलनाथजीकों स्वप्नमें जतायो ॥ तब प्रभात श्री मथुरानाथजी, श्रीगोपीनाथजी—श्रीदिक्षितजीके बड़े लालजी, सो पराक्रमी शरीरके बहोत हते ॥ ओर झगडामें बोलीवे चालीवेमें अगाउ वेइ रहते ॥ सो

( ४५ )

सिंगारकूं आये तब श्री गोकुलनाथजी कहे ॥ जो हमकों स्वप्नमें श्रीनाथजी जताये हैं ॥ सो हमतो श्री विट्ठलशरायजी सो विरोध न करेंगे और ये सब श्रीगोकुलनाथजीके भतिजा श्रीगोपीनाथजीके बेटा लगे सो इन सबनसों कह्यो, जो हमारी आज्ञा मानो तो जीनकी और श्री नाथजी भए हैं. तिनसों आपुनको विरोध न करना चाहिये ॥ तासों जायके पावन पडिके मनाय लावो ओर अपराध क्षमा करावने चाहिये ॥ तब श्री गोकुलनाथजीकी आज्ञातें सब जायके पावन पडिके अपराध क्षमा करायो ओर श्री विट्ठलनाथजीकों पधरायलाये ॥ तब श्री विट्ठलनाथजीके सेवक माधुरीदासने श्रीजीके सनमुख आयके वधाइ खाइ ॥ जो महाराज श्री विट्ठलरायजी पधारत हैं ॥ तब श्रीनाथजीने श्रीहस्तमेंते कडा उतारकि भोगके दर्शन होत हते तासमें सबनके देखते माधुरीदासको वधाइमें दिये ॥ तासमें माधुरिदासको कीनो

( ४६ )

कवित है ॥ “ तबही दीने चूडा निज करके ” ॥ से  
श्री विठलनाथजीसों एसो सनेह जो माधुरिदासों  
ऐसी कृपा करी जो हाथमें ते कडा वधाइमें दीने  
श्रीविठलनाथजीके उपर श्रीनाथजी अैसे प्रसन्न होते ।

इति श्रीवल्लभजी महाराजके षोडशमोवचनमृत संपूर्णम् ॥१६॥

---

❧वचनमृत-१७ मो.❧

अब सत्रहमो वचनमृत आप आज्ञा करत है।  
श्रीआचार्यजीके सेवक कुंभनदास अष्टछापमें है  
तिनके बेटा सात होते परन्तु कोउ पूछे जो तुमारे  
बेटा कितने हैं । तब डेढ बेटा बतावते ॥ तामें एव  
बेटा तो चतुर्भुजदास अष्टछापमें हैं वे । ओर आधे  
बेटा कृष्णदास श्रीनाथजीको गाय चरावतो ॥ गाय  
नकी सेवा करतो ॥ ऐसे डेढबेटा गिनावते ॥ ओर  
बेटा होते सो भगवदीय न होते ॥ तीनकूं बेटा नहीं



जानते, अैसे भगवदीय कुंभनदास हते । कृष्णदासजी गौ चरायवेको जाते, सो तिनमें बलवा होत हतो सो एक दिना गौअनको लेके बनतें आवत हते, सो और गौतो आगे चली गइ ॥ एक गौ व्यानहार हती, सो पिछे रहि गइ सो ताको नाहार आय गयो सो छोरा दोरे जो गौको नहार मारे हे । तब कृष्णदास घरतांइ शस्त्र लेवेको जाय, तो नाहार गौको मारी डारे तासों कृष्णदास रीते ( खाली ) हाथनसों दोरे सो वा नाहारसों कह्यो जो या गौको कहा सतावेहें । जो मेरे सामनें आउ इतनो कहत मात्र नाहारनें गौकोतो छोडि दीनी । और कृष्णदासजी उपर आयो तब कृष्णदासजी वा नाहारसों धूंसा मुकीसों लडन लागे, सो नाहारनें मारी लीनो ओर आपहु वहांही काम आये ॥ पीछे यहबात कुंभनदासजीनें सुनी । तब कुंभनदासजीकुं मूर्छा आय गइ तब लोकनने कही बेटाको मोह असो हे । सो कुंभनदासजी सरीखे

( ४८ )

भगवदीयकूं बेटाको मोह आय गयो एकतो सबनके मनमें यही संदेह उपज्यो ॥ दूसरेकहे जो गौकीवार गयो सो अैसे कयों मर्यो ॥ सो यहदोय संदेह सबनके मनमें उपज्यो ॥ तब श्रीगुसांइजीतो अन्तर-यामी हे सो भगवदीय उपर संदेह पडे सो दूर करनो चाहिये वासमें श्रीगुसांइजी कुंभनदासके पास पधारे और आज्ञाकीनी जो कुंभनदास तुमको सोच भयो जो सूतकमें श्रीजीके दर्शन न होयंगे सो सूतकके दिन केसैं निकसैंगे असो श्रीजीके दर्शनको विरह भयो तासों मूर्छा आइ तासों तुम सोच मति करो, तुमकूं सूतकमेंही श्रीजी दर्शन करावैंगे ॥ तुम सावचेत होय जाओ ॥ इतनो कहत मात्रही कुंभनदासजीने दंडवत् करी तब श्रीगुसांइजीने सबनसों जनायके कही, जो कुंभनदासजीको बेटाके सोचते मूर्छा न आइ हती. इनसों श्रीजीको वियोग न सह्यो गयो तासों मूर्छा आइ हती ओर दूजो संदेह “गौकी-

( ४९ )

वार गयो सो कैसे मरी गयो ” परंतु वे मर्यो नही  
हे तुम जायके देखो गाय दुहि रह्यो हे ॥ सो बनमें  
जायके देखें तो वही गाय जाकूं नाहार के पासतें  
छूडाइ ताकूं वह दुहत हे ॥ असो चमत्कार भग-  
वदीय उपर संदेह आयो सो मिटायवेकूं दिखायो ॥  
पाछे सुतकमें कुंभनदासजीको दर्शन भयो ॥ तापीछे  
और हु सूतकीनको दर्शनकी छुट्टी भइ. पहले सूत-  
कीको दर्शन नही करावते ऐसे आज्ञा कीनी ॥

॥ इति श्रीवल्लभजी महाराजके सप्तदशमो वचनामृत संपूर्णम् ॥१७॥

✽ वचनामृत-१८ मो ✽

अब अष्टादशमो वचनामृत आप आज्ञा करत  
हे ॥ जो गोपालदासजी श्रीगुसांइजीके सेवक जीनने  
वल्लभख्यान बनाये हैं तिनकी वार्ता ॥ गुजरातमें राज-  
नगरके पास असारवा गाम हे तहां गोपालदासको  
सुसरो भाइला कोठारी रहते ॥ श्री गुसांइजी गुज-

( ५० )

रातके परदेशको पधारते तब भाइला कोठारीके घर उतरते ॥ सो एकवार आप परदेश पधारे ॥ तब भाइला कोठारी के घर उतरे सो ओर घरके छोटे मोटे सबनकुं तो आप ओलखते ओर जमाइ गोपालदासजी नये आये ताकों पहचानें नहीं । तब श्री गुसांइजीने पूछी, जो वह लरीका कोनको हे ॥ तब भाइला कोठारीनें कही जो महाराज येतो गोमतीको वरहे ॥ भाइला कोठारीकी बेटीको नाम गोमती हतो ॥ तब श्री गुसांइजी आज्ञा कीनी जो गोमतीको वरतो सागर हे ? तब भाइला कोठारीनें कह्यो जो महाराज ? सागर तो आपकी कृपातें होयगो ओर अबतो कलू बोलत हु नहि हे । गूंगा जेसो हे ॥ तब गोपालदास नव वरसके हते ताकूं श्रीगुसांइजीने गोदमें बेठारी लीनो ता समय आप बीड़ी आरोगत हते ताको उगार गोपालदासके मुखमें दीनो ओर अपने स्वरूपको अनुभव करायो ॥ सो तत्काल वाही

समय गोपालदासके मुखमें सरस्वती प्रकट होत  
 भइ ॥ सो नव बरसकेही गोपालदास श्री गुसां-  
 इजीकी गोदमें बैठीके वाहीबेर आख्यान बनाये ॥  
 “ वंदु श्री विदुलवर सुंदर नवघनश्याम तमालजी ”  
 यह आख्यान कह्यो ॥ तब श्री गुसांइजी पीठ फेरीके  
 बैठे ॥ काहे तें जो पहले श्री महाप्रभुजीको वरनन  
 कछु कीयो नाही तासूं पीठ दीनी ॥ सो गोपालदासनें  
 आपके मनकी बात जानी लीनी ॥ तब दूजो आ-  
 ख्यान ॥ “ लक्ष्मण सुत श्री वल्लभरायजी ” यामें श्री  
 महाप्रभुनको वरनन कीनो ॥ तब श्री गुसांइजी प्रसन्न  
 भये ॥ ता पिछे तीजे आख्यान तें फेरी श्री गुसांइजी  
 को वरनन हे ॥ सो वे गोपालदास प्रथम श्री कृष्णा-  
 वतारमें विदुरजीको अवतार हते ॥ सो विदुरजीनें  
 ब्रजकी लीला उद्धवजीतें सुनी ॥ उद्धवजीको ब्रज-  
 भक्तनने लीला करी दिखाइ तातें उद्धवजीने विदुर-  
 जीसों कही सो विदुरजीने सुनी परी देखी नही ॥

( ५२ )

तासों दुसरे जन्ममें नरसींह महेताको अवतार विदुरजीने लीनो ॥ तब महादेवजीको प्रसन्न करीके वर-  
माग्यो । सो महादेवजीने रासलीला के दर्शन कराये  
तब नरसींह महेतानें जेसी लीला देखी तेसी  
गाय सुनाइ परन्तु लीलामें प्रवेशको तो अधि-  
कार न भयो ॥ तब त्रीजो अवतार गोपालदा-  
सजीको प्रगट भयो ॥ सो अलौकिक पदारथ  
इनको नजर आवतो होय तो ये काहु सों बोले ॥ तासों  
लोग ईनको गुंगा कहते ॥ पिछे श्री गुसांईजीने आपके  
स्वरूपके दर्शन करवाये तब बोले ॥ तासों तीसरो जन्म  
विदुरजीको गोपालदासजीको अवतार भयो. ॥ तब  
पुष्टि लीलाको अधिकार भयो ॥ तब आख्यान वरनन-  
कीनो । तामें एक तुक अैसे हे “ सरस थया हुता जे  
प्रेत पाषाण । हतीत पतीतनुं जुवो तमे प्रगट अँधाण  
॥ १ ॥ ” तातें हतीत पतीत दोउ प्रेत हते. तीनको  
आप श्री गुसांईजीने उद्धार कीयो ॥ ताको गोपाल-

( ५३ )

दासजी एधाण बतायो ॥ सो एधाण तो केसे दीजे ॥ या  
वातपर तो श्रीगोकुलनाथजी के सेवकनको प्रश्न होत  
ई जोया बातमें श्रीगुसांईजीकी अधिकता कहा ? श्री-  
गोकुलनाथजीके सेवकनके स्मशानके धुंआतें प्रेतनको  
उद्धार भयो ताकी वार्ता ॥ श्रीगोकुलनाथजीको सेवक  
ब्राह्मण सो दक्षणसुं काशी जात हतो । सो रस्तामें गाम  
भावे तहां रहे ॥ एक गाममें वैष्णवको एकही घर  
हतो ॥ ताको बेटा मरी गयो हतो । तिनकु एक वृक्षके  
नीचे दाग दीनो ॥ ता वृक्षके उपर दोय प्रेत रहते हते ।  
तामें एक प्रेततो कहुं गयो हतो ओर एक वृक्ष उपर  
बैठयो हतो ॥ ताकूं वाणीयाके बेटाकी चिताको धूंआ  
लुग्यो सो वा प्रेतको उद्धार भयो ॥ ओर दुसरो  
प्रेत चेजाकुं गयो हो सो पाछली रात्रकों पीछो आयो ।  
खुव उपर देखेतो दूसरो प्रेत हे नहिं । सो वा प्रेतकुं  
कल्लु ज्ञान हतो तासूं जानी जो ये मसाण काहु भग-  
दीय जनको हे सोताके धूंआसों वाको उद्धार भयो ॥

परि अब तो मसाण ठंडो भयो हे तासुं धूँआ कहाँते आवे-  
 गो सो मेरो उद्धार होयगो ॥ अैसे मनमें चिंता करतहे ।  
 अैसेमें एक परदेशी ब्राह्मण काशीकूँ जातहतो ॥ सो  
 रात्र उनने वा गाममें वासो लीनोहतो सो नदी उपर  
 स्नानकूँ आयो ॥ तब जानी जो नित्य कर्म करिके आगे  
 चलयो जाउंगो ॥ सो नदीके उपर दातीन करतहतो ॥  
 सो वह प्रेतकी नजर आयो । तब प्रेतने वा ब्राह्मणके  
 पास जायके कही अरे भाई ब्राह्मण ! एक मेरो कार्य  
 हे सो तुं कर एसे केहेके वा प्रेतने सब हकिकत कही जो  
 मेरो उद्धार तुम करोगे तब होयगो । तासूँ या चिताके  
 ओर पास उपरापरे हैं ॥ तीनको चितामें डारी देउ  
 में वृक्षके उपर जायके बैठतहो सो मोकों धूँआ लगेगो  
 तब मेरो उद्धार होयगो ॥ सो अैसे उपगार तू मेरो करे-  
 गो ? तब वह ब्राह्मण उठीके ओर पाससूँ लकडी छाना  
 बीनके वा चितामें डारे सो ताको धूँआ निकस्यो  
 ओर प्रेतको लाग्यो सो धूँआ लगत मात्रही प्रेतको



( ५५ )

उद्धार भयो ॥ ओर ब्राह्मणकुं आशिर्वाद दियो । जो तेंने मेरो उपगार कियो हे । सो तोकुंभी भगवदीयपणो होयगो ॥ ऐसे कहीके प्रेततो जात भयो ॥ तब वा ब्राह्मणको बडो आश्चर्य भयो । ओर मनमें विचार्यों आजु तो फेरी यहाँ रहुंगो ओर ऐसे भगवदीय या गाममें रहत हे सोताके घरकी चरणरजलेउंगो ॥ ऐसे विचार पाछो गाममें आयो ॥ ओर पूछी जो काल्ही या गाममें कोन मर्यो हतो ॥ तब सबननें कही जो बनीयाको बेटा मर्यो हतो ॥ तब वा ब्राह्मणने मानी नही ॥ ऐसे भगवदीय कोई बनीया न होय ॥ ओर कोउ बडो ब्राह्मण होयगो ॥ तासों सब गाममें पूछत फीर्यों ॥ या गाममें व्होत घर हते नाँही सो ठीक न पडी सबननें कही ॥ ये केसो गामहे सो यामें मरेकी खबर न पडे ॥ यामें तो सब गिनती के घरहे । हम सबजानतहे जो काल्हितो एक बनीयाको बेटा मर्यो हतो तब इनके मनमें आई जो बनीयाही भगवदीय होयगो । तब

इनके घर गयो सो वहां वाके बाप भाई बैठे हते  
 तिनके आगे बेठीके बहोत बडाई करी ॥ जो तुमारो  
 बेटा बडो भगवदीय हतो ॥ तब वाको छोटो भाई  
 बोल्यो अरे काहेको भगवदीय हतो वहतो लंपट हतो  
 तब या ब्राह्मणको बुरी लागी । जो एसे भगवदीयको  
 लंपट कैसे कहत हो ॥ उनको माहात्म्यतो में नजरसा  
 देखी आयो हुं ॥ तब सब बात प्रेतकी मांडी के कही  
 सो वाके बापने कही । जो तुमहु सांचेहो ओर यहहु  
 सांचो हे ॥ ओर लंपट तो वह हतो ही संसारासक्ती  
 वाको छूटी नहती । परन्तु वामें एक बात हती ॥ जो  
 हमारे गुरु श्रीगोकुलनाथजी हे तिनके पासतें सेवा  
 विधिकी पोथी लीखायकें लायो हतो तो प्रमाण सेवा  
 विधि पूर्वक करत हतो ॥ तातें हमारे गुरुनकी कृपातें  
 तुम कहत हो सोउसाँच हे ॥ तब वा ब्राह्मणने विचारी  
 जो यह बल सब उनके गुरुनको हे ॥ ऐसे गुरु बिरा-  
 जत हे ॥ तो में अब कासी जायके कहा करुंगो अब

( ५७ )

तो श्रीगोकुलनाथजीको सेवक होउंगो ॥ ऐसे विचारी  
के श्रीगोकुलकूं चल्यो । मारगमें जो मिले तासों सव-  
नसों पूछत जाय श्रीगोकुलनाथजी विराजत हे ? ऐसी  
आरती वाकुं भई ॥ सो श्रीगोकुलमें पहुँचे तब उनको  
एक सेवक मिल्यो तासुं पूछी जो यहाँ श्रीगोकुलना-  
थजी विराजते हे ? तब वा वैष्णवने कही तूं क्यों पूछत  
हे ? तब ब्राह्मणनें कही जो में उनको प्रताप देखिके  
सेवक होन आयो हुं ॥ तब वह वैष्णव बहोत प्रसन्न  
भयो ॥ ओर कहि जो मेरे संग आउ में तोकूं सेवक  
कराउंगो ॥ सो वैष्णव हसत हसत श्रीगोकुलनाथजीके  
पास आयो ॥ तब आपने पुछी अरे ऐसो हसैहे सो  
तन कहा देख्यो ? तब वैष्णवने कही महाराज ! आप-  
को प्रताप देखिके हसूँहूँ ॥ तब आप आज्ञा करी अरे  
बावरे ! या वातमें कहाहे ! परन्तु हमकुं तो एक स-  
न्देह पडेहे जो हमारे सेवकके धूँआतें प्रेत वैकुंठ क्यों  
गये ! लीलामें प्राप्त क्यों न भये ! वैकुंठतें कहा ? ऐसे

( ५८ )

आज्ञाकीनी ॥ पीछे वा ब्राह्मणको सेवककीनो ॥ सो श्री-  
गोकुलनाथजीके सेवकके चिताके धुंआतेही प्रेतनको  
उद्धार भयो ॥ ओर गोपालदासजी नवाख्यानमें  
श्रीगुसाईजीके जस वरनन में प्रेतको यह अंधाण  
धर्यों सो यह कौनसी बड़ीबात हे ॥ सो वामें अ-  
धिकता कहा ॥ ताको कारण यह हे ॥ श्री गोकुल-  
नाथजीके सेवककी चिताके धुंआतें प्रेत उद्धरे ॥  
परिवे 'प्रेत' तो कोइ सहज दोषतें भये हते ॥  
ओर श्री गुसाईजीनें उद्धारकीनो सो प्रेतनकी वार्ता  
ऐसे हे ॥ जो वे दोउ प्रेत पूर्व जन्मके ठग हते । सो  
साहुकार एक मर्यादा मार्गीय भक्त हतो ओर वाकी  
बहु घर हती सो वाके घरमें दोलत बहोत हती ॥  
सो वे ठगनें विचार्यों जो काहु गरीबके घर जायके  
कहा करेंगे । या साहुकारके घर चलो ॥ वा साहुकारकी  
बहु वैष्णवहती ॥ सो और बातसों तो ठगवे नहीं  
पाये ॥ तब वैष्णवपनेको भेष ठगनने बनायो ॥ सो

( ५९ )

वाके घरगये तब वार्ते बोहोत भगवत स्मरण कीयो  
॥ तब वैष्णव जानिके वार्ने बहोत आदर कीनो ॥  
और प्रसाद लीवायो । रात्र पडि तब ठगनने कही कछु  
भगवद्वार्ता करेंगे तब साहूकारकी बहु तो घरमें ए-  
कली हती ॥ ओर चाकर चाकरनी कामकाजमें लगी  
उनको कामकाजमें भुलायके शेठाणी एकान्तमें भग-  
वद्वार्ता सुनवे लगी ॥ सो याके मनमें तो कछू नही  
ओर ठगनके मनमें तो कपट । सो मनमें विचार्यों जो  
यानें गहना बहोत पहयों हे । सो मारीके ले जायेंगे  
सो एक जनो आगें बैठयो ॥ ओर एकजनो पीछे  
बैठयो ॥ बीचमें शेठाणी सो वार्ता करतमें जो शेठाणीके  
पीछे बैठयो हतो वार्ने फांसी डारीके मार डारी ॥  
ओर गहना सब उतारीके भाजी गये ॥ कोस दसपें  
एक गाम हतो तहां जायके रहे ॥ सो ओरहु चोर वा-  
गाममें आयके रहे हते ॥ उनके पासतो कछू द्रव्य  
नही ओर ईन दोउनके पासतो द्रव्य । सोवेदुसरे चोर

उनके पास आये और पूछी जो तुम कहाँ जाओगे ?  
 सो तब काहु गामको नाम बताया तब इनने कही  
 जो हमहू वा गामको चलेंगे ॥ तब रात्रको चार्योंजने  
 आगेकूँ चले परन्तु पिछे सूँवे जो मिले हतें तिनकों  
 रस्तामें दाव लग्यो सो उनदोउ ठगनको मारिके दुसरे  
 आये हते वे द्रव्य ले गये और ये दोउ मरे ॥ सो  
 गुजरातकी धरतीमें प्रेत होयके भिलनके गामके नजीक  
 कुआके पास वृक्षनमें रहे ॥ ऐसे कितनेक वर्ष बिते। पिछे  
 चाचा हरिवंशजी कोईक दिन उहां आय निकसे सो  
 चार पांच वैष्णव ओरहू चाचाजीके संग हते ॥ सो  
 रस्तामें कहुं जल न मिल्यो वैष्णव बहोत तृषातुर  
 भए । वहां भिलनको गाम हतो, तहां कुवा हतो । सो  
 जलके लिये कुवाके पास जाय उतरे पानी खेंचीके  
 काढयो सो सब वैष्णवननेंजल पीयो पीछे एक वृक्ष निचे  
 बैठे सो भगवद्वार्ता करी । तहां नजीक वेही प्रेत रहत  
 हते सो उनको भगवदीयनको दर्शन भयो और भ-

( ६१ )

गवद्वार्ता सुनि । तासों दुर्बुद्धि जात भई ओर ज्ञान  
भयो ॥ ओर पूर्व जन्मको स्मरण भयो ॥ ओर  
विचारी जो हम भगवदीय को मारी के द्रव्य लाये हते  
तासों प्रेत भये सो भगवदीयको अपराध भगवदीय  
सों छूटे हे इतनो ज्ञान वा प्रेतनकू चाचाजीके संगते  
भयो ॥ पीछे दोउ प्रेत चाचाजी पास आये ओर आप-  
नी सब व्यवस्था चाचाजीसूं कही ॥ ओर विनती  
कीनी जो अब हमारो उद्धार आपसूंही होयगो ॥  
तब चाचाजीने कही जो भाइ यह सामर्थ तो हमारे  
गुरुनकी हे ॥ तुम श्री गुसांइजीके पास जाओ ॥ तब  
उद्धार होय ॥ तब प्रेतने कही ॥ हम वहां कैसे जाय ?  
चाचाजीने कह्यो जो उहां जायवेको एक उपाय बताउं  
यहां ते कोउ संघ जातो होय ॥ “ तामें वैष्णव विना  
कोई नयो वैष्णव होयवेजात होय तिनके शरीरमें  
तुम बैठ जाओ सो एसे जानो होयगो ॥ सो पीछे  
चाचाजी तो वहांते आगे चले ॥ पीछे प्रेतनने असेही

( ६२ )

कीनो ॥ एक संघ जात हतो सो दोय जनेनके शरी-  
रमें प्रवेश होयके पहाँचे ॥ पीछे संघके वैष्णवनको बोहो  
तनको नाम निवेदन भयो तब उनके संग विनकूं हु  
भयो ॥ आख्यानमें वर्णन हे “हतीत पतितनुं जुवो तमे  
प्रकट एधाण” ओर श्रीगुसांईजीकी वधाईमेंहू “प्रकट  
हुते द्वे प्रेत अदिक्षित तिनहूं मागी लइ । अब उद्धरे  
कहत अपुने मुख पत्री लीख पठई ” पिछे श्रीगुसां-  
ईजी उनदोउ वैष्णवनकुं आज्ञाकीनी आज तुम फेरी  
उपवास करीयो तुमको निवेदन नही भयो हे ॥ तब  
संगकेनने विनती कीनी । जो महाराज ऐसे कैसे होय  
काल सबनके संग इनहूको निवेदन भयो हे ॥ आपतो  
अंतर्यामीहे तब आपने सबवार्ता सबनके आगे कही ॥  
जो काल तो उनप्रेतनको निवेदन भयो ओर आज इ-  
नको निवेदन होयगो ॥ पीछे दूजे दिन उनको निवेदन  
करवायो ॥ सो गोपालदासजीने आख्यानमें याके लीये  
अंधाण लिख्यो हे ॥ सो शास्त्रमें सब ठीकाणे कह्यो हे ॥



( ६३ )

जो ओर सब अपराध सूं छूटे परन्तु भगवद् अपराधतें ओर भगवदीयके अपराधतें नहीं छूटे॥ओर श्रीभगवान के वचन बहोत जगे हैं॥ कदापि मेरो अपराधहोय तो क्षमा करूं परन्तु भगवदीयको अपराध मोसुं क्षमा न होय असो भगवद्वाक्य हे॥तासों भगवदीयको अपराध क्षमा करायवेकी श्रीगुसांइजीकी सामर्थहे तासों याही ज्ञान करायवेकूं गोपालदासजी हतीत पतितको अंधाण कियो हे ॥ ताहिसों श्रीगुसांइजीको नाम श्रीरघुनाथजी कृत नामरत्न ग्रन्थमें अष्टोत्तर शत नाम हे ॥ तामें “ महापतितपावन ” यही नाम हे ॥ ओर श्रीसर्वोत्तमजीमें श्रीमहाप्रभुजीको नाम हे “ पतितपावन” सो ताकी टीकामें असाधारण वरनन कीनोहे ॥ कछु बाकी नहीं राख्यो हे॥असो आख्यानकीनो हे॥ताको फेरी अधिकी कहा होयगो॥परन्तु श्रीगुसांइजीको नाम “महापतित पावन” हे सो भगवदीयको महा अपराध श्री ठाकुरजीतें हु न छूटे परन्तु श्रीगुसांइजी छूडाय

( ६४ )

देतहे ॥ असे आज्ञा कीनी ॥

इति श्रीवल्लभजी महाराजके द्वादशमो वचनामृत संपूर्णम् ॥१८॥

❧वचनामृत-१९ मो❧

अब उन्नीसमो वचनामृत आप आज्ञा करत हे ॥  
एक दिन आज्ञाकीनी ॥ जो हम गुजरातके परदेशकों  
पधारे हते ॥ तहां श्रीगोकुलनाथजीको एक सेवक  
हतो ॥ सो वे सब वैष्णवनके आगे श्रीगुसांईजीके  
सेवकनकी ओर श्रीआचार्यजीके सेवकनकी निंदा कयों  
करे ॥ जो हमारे श्रीगोकुलनाथजी लीलाम पधारे तब अ-  
ठोतर वैष्णवनने संग सहगमन कीनो ओर श्री गुसांईजी  
तथा श्री आचार्यजी प्रभृत काहु के सेवकनमें तें ए  
कहु जनेने सह गमन न कीनो । असे सबनको धमकावे  
तब काहूसों जुवाब न दियोजाय ॥ असे सब वैष्णवने  
हमारी पास आयके कही ॥ तब मेंने कही वह आवे  
तब बात चलाईयो ॥ पीछे वह श्रीगोकुलनाथजीको

( ६५ )

सेवक आयो तब सब वैष्णवनने मिलिके हमसों विनती कीनी महाराज ! यह वैष्णव ऐसे कहत हे । वाको कहा कारन हे ? हमसों तो कलु जुवाब उपजे नही हे॥ तब आप बोले ॥ इनको तो न तो श्रीआचार्यजीके स्वरूपको ज्ञान हे ओर न तो श्रीगुसांईजीके स्वरूपको ज्ञान हे । वाकों तो कलु मारगकी खबरहु नही । न स्वरूपकी खबर। स्वरूप तो एकतें एक अधिक हे॥ कोउ न्यून अधिक नांही हे ॥ सगरी सामर्थ्य सबनमें हे कोउ तो दीखावत हे ॥ श्रीगोकुलनाथजीने अठोतेर जनेनकूं संपूर्ण माहात्म्य दिखायो तासों संगलीने बाकी सेवक ओर हु अनेक हैं । परी उनकूं संपूर्ण ज्ञानको माहात्म्य नही दिखायो । ओर श्रीआचार्यजी तथा श्री गुसांईजीकी वार्ता करे सो तो वे दोउ पिता पुत्रनने लीला विस्तारी होय । देह परित्याग कीनो होय । तो काहूको विरह होय ॥ ये तो सदा सर्वदा विराजत हे । सबनको दर्शन देत हैं । ओर भगवदीयनकों तो सदा

दर्शन देत हैं कितनेक दिन जुदे स्वरूपसों दर्शन दीनो॥  
 पीछे श्रीनाथजीके स्वरूपमें श्रीआचार्यजी तथा श्री  
 गुसांइजीके नित्य दर्शन होत हे ॥ सो उनके सेवकनकूं  
 तो स्वरूपको वियोग होय तो देह त्याग करनी पडे।  
 श्रीनाथजीके दर्शनमें गुरुनके दर्शन नित्य होत हे  
 तब वियोग काहेको होय अैसे गुजरातके सब वैष्ण-  
 वनको संदेह निवर्त कीनो ॥

॥ इति श्रीवल्लभजी महाराजके नवदशमो वचनामृत संपूर्ण ॥ १९ ॥

❧ वचनामृत-२० सो, ❧

अब विसमो वचनामृत आप आज्ञा करतहे ॥  
 अक दिन स्वरूप निर्णयकी वार्ता चली ॥ तब आप-  
 न आज्ञा कीनी ॥ श्रीगुसांइजीके सात स्वरूप ठाकुर  
 अरु श्रीबालकृष्णजी श्रीनटवरलालजी ये सब स्वरूप  
 श्रीआचार्यजी तथा श्रीगुसांइजीके सेव्य हे ॥ श्रीगु-  
 सांइजीके घरहु एक सिंघासन पर विराजत हते ओर

( ६७ )

भोग सेवा सब भेली होती इतने में न्यून अधिक स्वरूप कोइ नही। पाछें सब श्रीठाकुरजी तो बेटानको पधराय दीने ॥ श्रीनवनीतप्रियार्जी आपु सेवामें राखे। ओर श्रीबालकृष्णजी तथा श्रीनटवरलालजी हुं आपके श्रीनवनीतप्रियार्जीके पास रहे ओर श्रीबाल कृष्णजीकूं छठे लालजी श्रीयदुनाथजीकूं पधराय देत हते सो न लीने ओर कह्यो जो छोटे ठाकुरजीकूं कहा करूं? तब श्रीगुसांइजी आज्ञा दीनी। जो एतो बडे महाराजजी हे श्रीठाकुरजीको कहा बडो कहा छोटे? तब उनको नाम तादिनातें महाराजजी भयो ॥ ओर श्रीबालकृष्णजी श्रीगुसांइजीके घरही बिराजे ॥ ओर श्रीनाथजीकाहूके उपर पधराये नही ॥ श्रीनाथजी सबके ठाकुरहें एसे आज्ञा कीनी ॥ ओर श्रीबालकृष्णजी तथा श्रीनटवरलालजी गोदकें ठाकोर केसैं बाजत हे? ताकी आज्ञा कीनी ॥ जो पहले तो कितनेक दीना जुदे जुदे अन्नकूट आप आपके घर होतो ॥ सो

( ६८ )

घरसेवातें पहोचिके ॥ श्रीनाथजीके दर्शनकों आवते । श्रीनाथजीकी सेवामें तो पहोचते नहीं तब श्रीबाल-कृष्णजी श्रीनटवरजी श्रीनवनीतप्रियाजीके पास बि-राजते ॥ श्रीगुसांइजीके तीन स्वरूप अन्नकूट भेलो आ-रोगते ऐसे कितनेक बरसतांइ चलयो । पीछे एक बरस श्रीगिरिधरजीने श्रीगुसांइजीसुं विनती कीनी ॥ जो स-बही स्वरूप श्रीनाथजीके यहां पधारें ओर भेलो अन्नकूट आरोगे तो बहोत सुख होय ॥ तब श्रीगुसांइजीने एक बारतो नांही कीनी तब दुसरी बखत फेरि विनती कीनी तब श्रीगुसांइजीके चित्तमें आइ जो श्रीगिरिध-रजीने दूसरी बारफेरि कह्यो तातें श्रीनाथजीकी इच्छा एसी दीसतहे परन्तु यामें लौकिक बढि जायगी । तब श्रीगुसांइजीने श्रीनाथजी सों पूछी ओर विनती कीनी जो महाराज ! यामें लौकिक बढि जायगी ओर दूजे स्वरूप विषे लौकीक भाव बढी जायगो तब श्रीनाथ-जी आज्ञा कीनी जो हमारी इच्छा हे सो श्रीनाथजी

( ६९ )

की ऐसी इच्छा जानीके सातों स्वरूप श्रीजीके यहां पधराये। सो श्रीठाकुरजीके स्वरूपतो नव ओर श्री गुसांइजीके सात बालक सो ता भावसों सातों स्वरूप कहत हे ॥ तब श्रीनवनीतप्रियाजी प्रभृति दूजे स्वरूप तो झांपीमें पधराये ओर श्रीमथुरेशजी श्रीद्वारिकानाथजी एतो बडे स्वरूप हे सो झांपीमें केसे पधराये जाय तब श्रीगुसांइजी आज्ञा कीनी जो पालकीमें पधरावो तब दोउ स्वरूप पालकीमें पधराये । तब सात स्वरूपनकों ऐसी रितसों पधरायवेकों सबननें अपने अपने घरतें तैयारी कीनी तब श्रीबालकृष्णजी श्रीनटवरलालजी रहे तिनकुं कोन जुदे पधरावे ओर श्रीनवनीतप्रियाजीकी झांपीमें तीन स्वरूप केंसे विराजे तब श्रीनटवरलालजी श्रीमथुरेशजीकी पालकीमें पधराये ओर श्रीबालकृष्णजी श्रीद्वारिकानाथजीकी पालकीमें पधराये तातें गोदके ठाकुर कहत हे ॥ परन्तु गोदके हैं नही जेंसे सात स्वरूप तेंसेइ ये स्वरूप हे ॥

( ५० )

इन स्वरूपनमें भिन्नभाव नहीं है ॥ ऐसे सब स्वरूप श्री गुसांइजीके घर एक सिंघासन उपर बिराजके भोग आरोगवेवारे हैं ॥ ऐसे आज्ञा कीनी ॥ ओर श्रीनाथजी सबनकेहे ॥ परन्तु हुकम सिरकार टीकायत श्रीगिरिधरजी तिनके हाथ भइ ॥ श्रीनवनीतप्रियाजी श्रीगुसांइजीके ठाकुर हे सोहु श्री गिरिधरजीके माथे बिराजे श्रीमथुरेशजी श्रीनटवरलालजी पहले श्रीगुसांइजीने ही पधराये हते ॥ ऐसे तिनठाकुर घरके ओर चोथे श्रीनाथजी सिरकार टीकायत श्रीगिरिधरजीके माथे बिराजे ॥ पीछे श्रीमथुरेशजी तथा श्रीनटवरलालजी जुदे पधारे तिनकी वार्ता जुदि हे ॥

॥ इति श्रीवल्लभजी महाराजके वींशमो वचनामृत संपूर्ण ॥ २० ॥

---

❧ वचनामृत २१ मो. ❧

अब इकीसमो वचनामृत आप आज्ञा करतहे ॥ सो बेटीजीके अन्नकूटके प्रसंगके हे ॥ एक दिना आज्ञा



( ७१ )

कीनी ॥ जो वीशमें वचनामृतमें सात स्वरूप ओर श्रीनाथजी अन्नकूट भेलो आरोगे । ताको प्रसंग हे । तहां श्रीगुसांइजीसो श्रीगिरिधरजीने श्रीनाथजीके मनके अभिप्रायसों वीनती कीनी । तब श्रीगुसांइजीने जान्यो जो, यामें लौकिक बढी जायगी । परन्तु श्रीनाथजीने आज्ञा कीनी । जो हमारी ऐसी आज्ञा हे । तब सातो स्वरूप श्रीनाथजीके यहां पधराये । तब श्रीगुसांइजीकी बेटीजी ओर भट्टजी सेवा परायण हते । सो उहांइ रहत हते । तिनकुं एकठाकुरसेवा पधराय दीनी हती । सो बेटीजी अपनेघर श्रीठाकुरजीको अन्नकूट भोग धरीके जान्यो जो; श्रीजीके यहां सातो स्वरूप पधारे हे ॥ सो बहुत सुख होयगो । चालो दर्शन करीये ॥ सो बेटीजी दर्शनको पधारे । तब श्रीगुसांइजीने देखे तब पूछी, तू सेवा सों पहोंचके आइ कहा ? तब बेटीजीने कही जो भोग धरी के दर्शन करीवेकों आइ हों ॥ तब आप खीजी कें गारी देयके कही ।

जो श्री ठाकोरजीकी सेवा छोडीके यहां आइहे सो कहा वहां श्रीठाकुरजी ओर हे ? मेने तो पहीलेही कही हती । जो लौकिक बढी जायगी । परन्तु श्रीनाथजीकी इच्छा ऐसी हे ताकों में कहा करूं । पीछे बेटीजी अपने घर गइ ॥ सो जायके दर्शन करे तो श्रीनाथजी ओर सातो स्वरूप अपने घरमें अन्नकूट आरोगत हे । सो दर्शन करीके बहोत आश्चर्य भयो ॥ ऐसो श्रीगुसांइजीकी कृपातें बेटीजीकूं दर्शन भयो इति श्रीवल्लभजी महाराजके इकीसमो वचनामृत संपूर्णम् ॥ २१ ॥

### ❧ वचनामृत २२ ❧

अब बाइसमो वचनामृत आप आज्ञा करत हे ॥ जो भगवदीयको दोष श्रीठाकुरजी क्षमा न करे ॥ ताको द्रष्टान्त ॥ अन्याश्रय, असमर्थ कथा—अपराध कदापि न करनो ॥ ता उपर वार्ता कही ॥ श्रीगुसांइजीके तिसरेपुत्र श्रीबालकृष्णजी ॥ तिनके उपर

( ७३ )

श्रीद्वारिकानाथजी पधराये ॥ सो उनके लालजी श्रीद्वारिकेशजीनें श्रीगोकुलमें श्रीद्वारिकानाथजीको मंदिर छो-  
टो हतो सो मोटो कराववेकूं नीमखुदाइ सो वा नीममें  
पांच पत्थरकी एक गुफा निकसी, चार पत्थर चायों  
बाजु ओर एक पत्थरकी छात। ऐसी गुफा देखी। सो  
कारीगरने जायके श्रीद्वारिकेशजी महाराजसों मालूम  
करी तब आपनें उपरको पत्थर अलग करवायो ताके  
भितर देखें तो एक महापुरुष बैठयो हे ॥ अपने  
ध्यानमें भजन करत हे ॥ तीनकुं श्रीद्वारिकेशजीने  
कही जो यहां तें उठी जाओ। दुसरी जगह जाय  
बैठो। तब वे महापुरुषने कही जो हमे उठायके कहा  
करोगे ? पाछो पत्थर धरीके नीम चुनलेउ। हम तुमारो  
कहालेतहे ॥ ऐसे महापुरुषने एक दोयवार कही ॥  
परन्तु श्रीद्वारिकेशजी मानें नही ॥ महापुरुषको उठा-  
यदीनो। सो वे तो भगवदीय हते सो परे गये। पाछें  
श्रीद्वारिकानाथजी श्रीठाकुरजी। श्रीद्वारिकेशजी सों

रिसाये ॥ ओर अरूढ भये ॥ सो राजभोगधरे तहां  
 ताड़तो सामग्री आछी रही ॥ ओर भोग सराये पाछें  
 देखे तो सब सखड़ी अनसखड़ीमें कीड़ा परी गये ।  
 तब श्रीद्वारकेशजीने मनमें विचार्यो ॥ जो मेंनें भग-  
 वदीयकों उठायो । तासों श्रीठाकुरजी अरूढ भये  
 हे ॥ सो ए सब बात श्रीगोकुलनाथजीने सुनी ॥ तब  
 श्रीगोकुलनाथजी आप आयके कह्यो ॥ जो ये बात  
 तुमने अयोग्यकीनी ॥ अब चलो हमारे यहा भोजन  
 करो । तब श्रीद्वारिकेशजी बोले मोकूं तो श्रीद्वारिका-  
 नाथजी महाप्रसाद देवेंगे ॥ तब भोजन करूंगो ॥  
 ओर बहु बेटीनकों ले जाय के भोजन करावो ॥ तब  
 ओरतो सबने श्रीगोकुलनाथजीके यहां भोजनकीनो ॥  
 पाछे श्रीगोकुलनाथजीने श्रीद्वारकानाथजीके पास जा-  
 यके विनती कीनी । महाराज ! आचार्यनके कुलके विषे  
 ऐसे कैसे विचारों हो ? या प्रकार बोहोत विनती  
 कीनी । परी श्रीठाकुरजी कटू बोले नहीं । ओर पीठ

( ७५ )

फेरी लीनी॥तब श्रीगोकुलनाथजी आयके कहीजो, श्री  
ठाकुरजी बहोत रीसमें हैं पीठ फेरीके बेंठे हैं सो स-  
वारे श्रीनाथजीसों विनती करूंगो ॥ पाछे दूजे दिन  
श्रीनाथजीसों बहोत विनती कीनी ॥ तब श्रीनाथजी  
बोले हमतो कछु तुमतेँ कहत नाही परन्तु तुमकूं  
विचारनो चहीये । ओर हमारो दोष होय तो क्षमा करूं  
परन्तु भगवदीयको दोष सर्वथा क्षमा न करूं ॥ परन्तु  
आचार्यनको कूल हे तासों मेरो जोर नही ॥ जाओ स-  
वारे श्री द्वारिकानाथजी महाप्रसाद देवेंगे॥परन्तु आज  
तेँ आगे कोउ ऐसेँ भूलके हु मति करीयो॥पाछें दूसरे  
दिना महाप्रसादमें विघन न भयो ॥ एसे तीन दिना  
श्री द्वारिकेशजी भोजन न कीनो॥सो भगवदीयके अप-  
राधको इनके कुलकूं इतनो जतायो॥तब ओर जीवकी-  
तो कहागति हे॥तातेँ भगवदीयको अपराधतो सर्वथा  
न करनो ॥ अैसे आज्ञा कीनी ॥

इति श्रीवल्लभजी महाराजके बावीसमो वचनमृत संपूर्ण ॥ २३ ॥

---

✽ॐ वचनामृत त्रेवीसमो ॐ✽

अब तेइसमो वचनामृत आप आज्ञा करत हे ॥  
जो एक समय श्रीगुसांईजीके तीसरेलालजी श्रीबाल-  
कृष्णजीके वंशके श्रीगिरधरलालजीके लालजी । श्री  
द्वारकेशजी परदेश पधारे हते ॥ सो पढे तो माफकही  
हते॥सो सभामें बिराजे हते।तहां पंडितननें कछू शा-  
स्त्रकी बात पूछी सो शास्त्रके ज्ञान विना कहा जुवाब  
देवे।सो आपतें जुवाब नही आयो॥तब आपनें विचारी  
जो अब में पढ़ूंगो ॥ अैसे विचारीके पांच सात पंडितन  
कों बुलाये, ओर कही जो हमकों पढावो।तब पंडितननें  
कही जो विद्या तो बाल अवस्थामें आवे हे बाल अव-  
स्था गये जोबन अवस्थामें आवे नही।तब एक पंडि-  
तने कही जो मोकों सरस्वतीको मंत्र आवें हे सो  
जीभ उपर लिखावो।सो एकवार ही कहेसो श्लोक कंठ  
हे जायेंगे । सो फेरि भुलोगे नही ॥ तब आप अैसे  
ही मंत्र लीखायके शास्त्र पढे सो थोरे से दिन-

नमें संपूर्ण विद्या सीखे ॥ सो सरस्वतीके मन्त्र करीके  
 पंडित तो होय गये परि अन्याश्रयको दोष लाग्यो तब  
 श्रीठाकुर जी श्रीद्वारिकानाथजीने इनके पिता श्रीगि-  
 रिधरजी सूं आज्ञा कीनी ॥ जो तुमारे लालजी परदेशतें  
 आवे हे तिनकों अन्याश्रय भयो हे ॥ सो इनसूं या  
 जनममें तो मिलूंगो नहीं ॥ सो वे मंदिरमें आवेंगे तो मैं  
 अन्तर्ध्यान होय जाउंगो ॥ एसे आज्ञा भइतब श्रीगिरि-  
 धरजीने कही ॥ जो आप अंतर्ध्यान होवो तो मेरे बेटासों  
 कहा काम हे ॥ एसे श्रीद्वारिकानाथजी आगे कहीके  
 आप लालजीके सामें गये ॥ जायके लालजीसों कही  
 तोको अन्याश्रयको दोष लाग्यो हे तातें श्रीठाकुरजी  
 तोकों या देहसों न मिलेंगे तातें मेंहु तेरो परित्याग  
 कियो हे ॥ आजतें मैं तेरे नामको स्नान करीके मंदि-  
 रमें जाउंगो ॥ ओर तूं हमारे नामको स्नान करीयो ॥ एसे  
 लालजी सों कहीके स्नान करीके मंदिरमें पधारे ॥  
 पिछे लालजी श्रीद्वारिकेशजीने विचार्यो । जो श्री

( ७८ )

ठाकुरजी या देहसों नही मिलेंगे तो मेरी यह देह कोन कामकीहे। तब आप अनशन व्रत धरीके देहको त्याग कीनो ॥ सो भगवदीयके अपराधको ओर अन्याश्रयको दोष श्रीगुसांइजीके बालकनसूं ऐसे जतायो तो जीवको कहा ठीकाणो ॥ तातें इन दोउ बातनको सर्वथा परित्याग करनो चाहिये ॥ अन्याश्रयको त्याग करनो बहोत कठीन हे। बचन दोषतें अन्याश्रय होय जात हे ताके उपर एक वार्ता कही ॥ जो उज्जेनसूं कोस एक गाम हैं तहाँ एक वैष्णव डोकरी ब्राह्मणी श्रीगुसांइजीकी सेवक रहती ताको आपनै वस्त्र सेवा पधराय दीनी हती ताकी सेवा वे करती ॥ सो श्रीठाकुरजी आपतो सानुभाव जतावें वस्त्र सामग्री जो चाहिये सो मागीलेय। एसी कृपाभइ ॥ सो उज्जेनमें कृष्णभट्टजीके ठाकुरजी विराजत हते सोता प्रमाण वस्त्र सामग्री पहोचावे ॥ तब वैष्णव निहालचंदभाइ कृष्णभट्टजीसों कहते जो वह डोकरीने वस्तु तो भलीपाइ परन्तु पात्र ओछो हे सो रस ठहरे



तब जान्यो जाय सो श्रीआचार्यजी श्रीगुसांइजीकी कानीतें श्रीठाकुरजी साक्षात् बोलतहे । सो फल प्राप्ति तो होय चूकी परन्तु सत्संग विना कलु समझे नही ॥ तासों ठहरवेको भरोंसो कम हे ॥ एसें निहालचंदभाइ नित्य कहत रहे ॥ पाछे गाममें हाकीमको आदमी तथा चोधरी कानूगो जमीन नापवे आये । तब वा डोकरीके हूं कलु जमीन हती ताकूं नापन लगे । सो डोकरी तो दुपेरकों घरमें चोखा बीनत हती तब जेवरीवारनमें तें एकजनो डोकरीके पास आयो सो वानें कही जो तेरे दृष्टिबल तो थोरो हे । सो चोखा उपर इतनो श्रम क्यों करत हे तब डोकरीने कही मेरे श्रीठाकुरजीकों विगर बीने चुने कैसें भोग धरूं । तब वानें कही जो तेरे श्रीठाकुरजी कैसें हैं हमकूं दर्शन करावेगी ? तब कह्यो बेठो उत्थापनके दर्शन करीयो तब उनकूं दया आई जो डोकरी हे, ठाकुर सेवा करे हैं, तो इनकी जमीन ओछी नापनी अरु स्यायत करावनी सो कछूटूटूट

( ८० )

करायके डोकरीसों आयकें कही तेरी जमीन इतनी स्या-  
 यत कीनी हे। तब वानें कही जो तुमने बड़ी कृपा क-  
 री गरीबनी जानीके छोडि तो तुमने मोकूं जीवाई ॥  
 ऐसे कह्यो। तब ताही समय श्रीठाकुरजी तो अन्तर्धान  
 होय गये ॥ सो उज्जेनमें वैष्णव निहालचंदकू खबर  
 पडी। जो डोकरीके यहां तें श्रीठाकुरजी पधारी गये ।  
 तब निहालचंदने आयके कृष्णभट्टजीसों कही ।  
 जो महाराज ! मैं कहत हतो जो फल अधिक  
 पायो हे परंतु पात्र ओछो हे सो मार्गके सिद्धान्त बीना  
 रस ठहरेगो नही सो वैसेइ भइ डोकरीके घरतें श्री  
 ठाकुरजी पधारी गये। सो वाकोंतो अब खबरहु नही हे  
 प्रभात खबर परेगी तब रोवत पीटत आवेगी । जब  
 प्रभात भयो तब डोकरी न्हायके श्रीठाकुरजीकों जगा  
 बन लगी देखे तो श्री ठाकुरजी नही हे तब रोवती  
 पीटती कृष्णभट्टजीके घर गई तब भट्टजीने वाको स-  
 माधान कीनो ओर डोकरीसों कही जो श्रीठाकुरजीकी

( ८१ )

ग्रहल-क्यों करि। तब डोकरी वहाँई श्री ठाकोरजीकी  
ग्रहल करत भइ। सो डाकरीने इतनो कह्यो “जो तेनें जी-  
गाई ” तासों अन्याश्रय संबंधको दोष लग्यो ताते  
या मार्गको संबंध बहोत कठिन हे वैष्णवकूं विचार  
के बोलनो अन्याश्रय अन्य संबंध सर्वथा न करनो  
ऐसे आज्ञा कीनी ॥

इति श्रीवल्लभजी महाराजके तेइसमो वचनामृत संपूर्णम् ॥२३॥

❧ वचनामृत-२४ मो ❧

अब चोवीसमो वचनामृत । आप आज्ञा करत  
हे जो एक दिन श्रीमहाप्रभुजीको ओर कृष्णचैतन्य  
को चर्चा भई कृष्णचैतन्यने कही जो बलदके सिंग  
उपर सरस्योंको दानो ठहरे इतनोही भगवत्स्मरण  
कोई राखे तो जीव कृतार्थ होय । तब श्री महाप्रभुजी  
आज्ञाकीनी हमारे सिद्धान्ततो ऐसे हे जो बलदके  
सिंग उपर सरस्योंको दानो टीके इतनोही भगवद्

( ८२ )

भजन विना रहे तो आसुरावेश होय । ओर एसेही श्रीभागवतमें कहे हैं। ओर निबंधमें आप आज्ञाकीनीहे जो अष्ट प्रहर न बने तो एक प्रहर करे तो जीव कृतार्थ होय ऐसो वचन हे । ओर श्रीवल्लभजीमहाराज आपु आज्ञाकीनी जो श्रीपुरुषोत्तमकी एक प्रहर सेवा स्मरण करो ओर श्री आचार्यजीकी एक घडि, पल, क्षण, एकाग्रमन होय स्वरूप चिंतवन करे तो कृतार्थ होयातासूं श्री आचार्यजीको फल देवेमें ऐसी सामर्थ्य हे । तासों पुरुषोत्तमते श्रीआचार्यजी उपर भाव रहे सो अधिक हे । जो वैष्णव उपर इष्ट भाव आयो तब जाननो जो इनकूं फल नजीक हे । ऐसे आज्ञाकीनी तापें एक वार्ता कही । श्री गुसांईजीके पुत्र श्रीरघुनाथजीके सेवक हरजविनदास सो रमनरेतीमें जायके भजन करते सो लीलाको साक्षात अनुभव होय जाय सो सीत, वर्षा, धूप, कलू लागे नही ओर अन्नपानी विना तीन चारि दिन यों ही निकस जाय परन्तु या

( ८३ )

वैष्णवकों तो कलू बाधा न करे । चोथे पांचमें दिन सावचेत होय तब भुख लगे तब शहरमें आवे सो गामके वैष्णव जानी रहे हते सो वे वैष्णव गाममें आवे तब जीनकों मीले सोई लेजाय के इनको प्रसाद लिवावे सो प्रसाद लेयके रमन रेतीमें जाय के रहे । सो या वैष्णवकी श्री हरिरायजी बोहोत खबर राखीवो करो एक खवास इनकी खबर के लिये ही करी राख्यो । सो एक दिन श्रीहरिरायजी तो अपने श्रीठाकुरजी श्रीविठ्ठलेश्वरायजीकी सेवा सिंगार करत हते । सो तां समें खवासने आयके खबर दीनी जो वैष्णव हरजी-वनदास उठयो हे । सो फलानी डोकरीके घर गयो हे सो आप सुनी परन्तु सिंगार छोडिके कैसे आवे ओर मनमें विचारी जो डोकरीके अबही प्रसाद कहांते होयगो राजभोगको तो समय नहीं हे सो वैष्णवको समाधान कैसे होयगो अैसे मनमें विचारी पिछे सिंगार करिके बाहिर पधारे तब श्रीहरिरायजी वा डोकरिके

( ८४ )

घर पधारे ओर पूछी वह वैष्णव आयो हतो ताको  
कैसे समाधान कीनी ? तब डोकरीने कही जो महा-  
राज ! ओर तो वा बखत कलु व्योत हतो नार्हीं परंतु  
श्रीठाकोरजीके लिये खीरको डबरा सिद्ध कियो  
हतो । सो वैष्णवके मोहोडे आगे धरी दीनी सो खीर  
लेके वैष्णव पाछो गयो तब श्रीहरिरायजी सुनीके बो-  
होत प्रसन्न भये ॥ ओर कहे जो मार्गको सिद्धांत तेने  
हि पायो हे । अैसे कहीके घर पधारे सो दूजे वैष्ण-  
वने यह बात सुनी । तब श्रीहरिरायजी सों विनती  
कीनी । जो अपने मार्गकी तो ऐसी रीति हे ॥ जो  
सामगरी भोग धरे विना काहूसों प्रकास करनो नांही  
सो लेवकी तो कैसे बने ? तब श्रीहरिरायजी आज्ञा-  
कीनी जो तुमको शंका उपजी सो ठीक हे तुम वा  
डोकरीके पास जाउ तब तुमारो संदेह मिटेगो । तब  
वा वैष्णव वे डोकरीके घर गयो । इतने डोकरी पहाँचके  
प्रसाद लेयके सोइ हती । सो वैष्णव जायके देखेतो

( ८५ )

डोकरीके पेट उपर श्रीठाकुरजी बिराजे हैं । ओर मो-  
हडे आगे खीरको डबरा भर्यो धर्यो हे सो श्रीठाकुर-  
जी आरोगत हे। अैसे वैष्णवकूं दर्शन भये सो दर्शन  
करीके पिछे फीयों ओर मनको संदेह मिटि गयो ॥  
वैष्णवके हृदयमेंतो श्रीठाकुरजी बिराजत हे यही भाव  
निकस्यो। अैसे आज्ञाकीनी ॥ श्रीठाकुरजीकी सेवा  
तें एकही सेवा सिद्ध होय । ओर गुरुनकी सेवामें  
पुरुषोत्तमकी सेवा हु होय । तासों दोय सेवा सिद्ध  
होय । ओर वैष्णवकी सेवाकीये तें श्रीपुरुषोत्तमकी, गुरु  
नकी तथा वैष्णवकी ये तिनसेवा सिद्ध होय हैं। क्यों  
जो वैष्णवके हृदयमें श्रीठाकुरजी ओर श्रीगुरुदेव बि-  
राजतहे सो तामें तिन सेवा सिद्ध होय अैसे आप  
आज्ञा कीनी ॥

इति श्रीवल्लभजी महाराजके चोवीशमो वचनामृत संपूर्णम् ॥२४॥



( ८६ )

❧वचनामृत २५❧

अब पचीसमो वचनामृत आप आज्ञा करत हे ॥ एक दिन आज्ञा कीनी जो श्रीगुसांइजीके बडे लालजी श्रीगिरिधरलालजी तीनके तीन पुत्र तामें सबसो छोटे श्रीगोपीनाथजी तिनकों दिक्षीतजीकहते हे ( प्रा-१६३४ पौष कृष्ण-४ ) तीनके चार पुत्र तामें सबसो छोटे श्रीरामकृष्णजी ( प्रा-सं. १६७८ चैत्र कृष्ण-१ ) हते सो छोटे पांचवरसके हते तब एक दिन श्रीनिवनीतप्रियाजीको भोगधरीके श्रीदिक्षित-जीके भितरीया बहार निकसे । ओर किंवाड जाली दे दीनी । ओर वे श्रीरामकृष्णजी छोटे पांच वरसके हते । सो भितर रहि गये ॥ सो बालक हते सो डरपीके रोयवे लगे ॥ तब श्रीनिवनीतप्रियाजी आज्ञा कीनी ॥ रोओ मति यहां आउ । तब श्रीराम-कृष्णजी नजीक गये । सो भोगघरमें श्रीठाकुरजी पाट उपर बिराजे हे । अँसी रितसो भोग आरोगे ।



सो चोकी उपर बीचमें तो थार धरें हे दाहीनी बाजु खीरको डबरा धरे हे । पाट उपर श्रीठाकुरजी बि-  
राजे हे । ताकी दाहीनी बाजु झारी जलकी धरी  
हती ॥ सो श्रीनवनीतप्रियाजी सरकायके आपके  
निकट श्रीरामकृष्णजीकों बेठाये । चमचा हाथमें दीने ।  
ओर आज्ञा कीनी खीर जेंमों । सो पाट उपर बैठनो  
ओर जेंमनो ताकी श्रीरामकृष्णजीने तो बोहोत नाँही  
कीनी जो मोपर दादाजी बोहोत खीजेंगे । तब आप  
आज्ञा कीनी । ओर हाथ पकर बरोबर पाट उपर  
बेठायके भेले जीमाये पीछे भोगसरायवेकूं श्रीदीक्षि-  
तजी भीतर पधारे । तब लालजीकूं श्रीठाकुरजीके  
भेले जेंमते देखे ॥ तब बहोत क्रोध करी के गारी  
दीनी । तब लालजीने कही ॥ जो मोकोंतो बाबाजी  
आज्ञा करी, तब जेंयो हुं । परि आपने क्रोधके आगे  
कलू गिने नही । लालजीको एक तमाचो मायों ।  
सो पिछे भितर ते श्रीठाकुरजी आयके हाथ पकरी

( ८८ )

लीनो । लालजीकूं अलग ले गये ॥ श्रीदीक्षितजीसूं  
 श्रीनवनीतप्रियाजी सानुंभव हते ॥ सो दिक्षितजीसूं  
 कह्यो जो तुमने तमाचा मार्यो सो मेरो गाल सूज  
 गयो हे । अंसो वचन श्रीनवनीतप्रियाजीको सुनी  
 के । श्रीदिक्षितजीने बहोत पश्चात्ताप कीनो गुनेगा-  
 रीसूं बोल के वीनती कीनी जो महाराज ! मोकों  
 खबर नाहि पडी जो आप श्रीआचार्यजीकों वंश-  
 जानी एसी कृपा करो हो । सो मेरो दोष क्षमा करीयो  
 ॥ श्रीदिक्षितजी जायके लालजी श्रीरामकृष्णजीके  
 पायन पडे ॥ अैसे अनुग्रह श्रीनवनीतप्रियाजीने श्रीरा-  
 मकृष्णजीको जनायो ॥ अैसे आज्ञा कीनी ॥  
 ॥ इति श्रीवल्लभजी महाराजके पचीसमो वचनामृत संपूर्णम् ॥ २५ ॥

—♦—  
 ❧ वचनामृत २६ ❧

अब छवीसमो वचनामृत आप आज्ञा करत हे ॥ श्रीरा-  
 मकृष्णजीके काकाजी श्रीदामोदरजी जीनके लालजी

( ८९ )

श्रीगिरिधारीजी॥सो वे श्रीगिरिधारीजी सों श्रीरामकृष्ण-  
जी के बोहोत विरोध हतो ॥ श्रीगिरिधारीजीके ला-  
लजी श्रीदामोदरजी तिनको श्रीदाउजी कहते । सो  
इनको पहले सोइ विरोध हतो । तासों दोउनके आ-  
वन जानको व्योहार न हतो ॥ पीछे लालजी श्रीदा-  
उजीके बडे भाइ सो तिनको व्याह भयो ॥ सो श्री-  
दाउजी बडे दुलहेनको संग लेयके । श्रीरामकृष्ण-  
जीसों नमस्कार करायवे लाये ॥ तब काहुने श्रीराम-  
कृष्णजी सों कही । श्रीदाउजी पधारतहे । सो तब  
आपुने मानी नही । आपुने कह्यो । हमारे ओर इनको  
व्योहार नही । ओर कहुं जात होंयगे । तब फेर कह्यो ।  
जो महाराज आपुनी पोरीमें आय पहुंचे । तब आप  
सामें जायके पधराय लायकें बेठकमें मिले । सो  
तब श्रीरामकृष्णजी नें श्रीदाउजी सो कही । अपुने  
तो ठेठ तें आयवेको व्योहार न हतो ॥ ओर आज  
अकस्मात् चले आये ताको कारन कहा ? तब एक

( ९० )

वार तो श्रीदाउजी सहजही जुवाब दीनो जो आगे  
तो काकाजी भतीजा हते ॥ सो ताकी बात आप  
जानो ओर मेरे तो आप तातजी लगो सो मोकुं  
तो आयोही चाहिये ऐसैं उत्तर दीनो ॥  
सो श्री रामकृष्णजी न मान्यो ओर कही । जो  
तुमही अहंकारी बहोत हो । सो मेंतो ऐसे न मानों।  
परन्तु सांच होय सो कहो ॥ सो तब श्रीदाउजी  
महाराजने कही । सांचतो यही हे जो हमारे सेव्य  
श्रीनवनीतप्रीयाजी हे । सो आपकी जुठन खाइ हे ॥  
तिनसों विरोध हम कैसे राखे । यह जानी के मेंतो  
आयोहूं । ऐंसे कह्यो तब श्रीरामकृष्णजी सांच मान्यो ।  
फेरि पीछे विरोध भाज्यो ॥ ओर स्नेह भयो ॥

॥ इति श्रीवल्लभजी महाराजके छवीसमो वचनामृत संपूर्ण ॥२६॥



❧ वचनामृत २७ ❧

अब सताइसमो वचनामृत आप आज्ञा करत हे । सो

( ९१ )

एक दिना आज्ञा कीनी चार वर्णहे तामें राजा होय के  
ब्राह्मण होय ओर वैष्णव होय चाहे जा जातको  
होय परन्तु वे भगवद्भक्त होय सोइ ब्राह्मणतें हु अ-  
धिक हे ॥ सो श्रीभागवत सप्तमस्कन्धमें प्रल्हादजीको  
वाक्य हे ॥ श्वपचं वरिष्ठमा\* इत्यादिक बोहोत  
ठिकाने हु वाक्य हे ॥ सो कहत हे ॥ फेर भारतकी  
कथा भइ । पुरातन कथा हे ताकी वार्ता कही ॥  
राजा युधिष्ठिर के यज्ञमें जगतमें जीतने ब्राह्मण हते  
तीनको भोजन होय ॥ सो बोहोत ब्राह्मण जेंमे ।  
ताकी गिनती कछू न पडे । सो गिनती के लिये ।  
एक शंखध्वनि प्रमाण बांध्यो । सो दशहजार ब्राह्मण  
जेमें तब एक शंखध्वनि होय ॥ सो एक लिखवे  
वारो बेठायो । जब धुनि होय ॥ तब दशहजारको

---

\* विप्राद्विषड्गुणयुतादरविन्दनाभ पादारविन्दविमुखाच्छ्वपचं  
वरिष्ठम् । मन्ये तदर्पितमनोवचने हितार्थमाणं पुनाति सकुलं न तु  
भूरिमानः ॥ १० ॥ श्री भा० स्कं० ७ अ० ९, श्लो० १० ॥

( ९२ )

अंक एक ठोर लिखे ॥ सो अैसेही सांज तांइ धुनि होय । ताको लेखो जोड भेली संख्या करि के राजा तें मालुम करे जो इतने लाख ब्राह्मण जेमें ॥ सो अैसी रीत सों शंखधुनीकी गीनती राखे ॥ पिछे श्री-कृष्णभगवान् राजा युधिष्ठिरके घर पधारे । ओर भोजन कीनो । सो एक चांडाल वैष्णव ताकूं आपकी जुठन को नेंम हतो ॥ सो वानें आपके नजीक वालेसुं सूं मेल मीलाय राख्यो जो तिनकेद्वारा आपकी जुठन वाकूं मिले ॥ जब राजा युधिष्ठिरके यहां श्रीठाकुरजी पधारे ओर भोजन कीनो । सो तिनकी जूठनकी पातरि वा चांडाल वैष्णवकों आयके दीनी । सो वा चांडालने जूठन मोहोडे में डारी ॥ वैसेही शंखधुनि अैसी उपरा उपरी होन लागी । सो लिख सके नही । अैसें जलदीसों बाजे सो कटू लिख्यो नहि गयो ॥ पाछें रात्रिको राजानें बुलायके लेखो पुछ्यो सो कटू लिख्यो होय तो बतावें ॥ तब राजा युधि-

( ९३ )

धिरने श्रीकृष्णभगवान्‌सों पूछी जो शंखध्वनि भइ  
ताको कारन कहा हे ? तब श्रीठाकुरजी आप आज्ञा  
कीनी । जो हमारो वैष्णव एक चांडालहे । वानें हमारी  
जूठनि लीनी । सो वा जूठनमें तेरो अन्न हतो ॥ सो  
वैष्णवनें लीनो । ताकी एशंखध्वनी भइहे सो तितने  
ब्राह्मण भोजनकरायवेको फल भयो ॥ एसे ब्राह्मणसुं  
वैष्णव जमावनो सोइ आछोहे ॥ वैष्णव जेमाये ते ब्रा-  
ह्मणको कलु कारण नहि हे ॥ तामें जो ब्राह्मण होय  
ओर वैष्णव होय तो ओर अधिक हे तासुं चार वर्ण-  
नमें वैष्णव—मेरे भक्त अधिक मोकुं प्रिय हे “कृष्ण-  
दास पंचवरण छाप छापी ” सोइ भगवदीयनने गायो  
हे ॥ ओर एक दिना श्रीगोकुलनाथजी अपरसमें  
श्रीनाथजीकी सेवाकों जात हते ॥ सो कमलचोकमें  
जात काहु वैष्णवको आपके उपरनाको छेडो लग्यो ॥  
तब आपने फीरके पूछी जो तुं कोन हे ? तब  
वानें कही में वैष्णवहूं ॥ अैसे तीन बेर आपने

( ९४ )

पूछी ॥ परंतु वानें तो तीनो बेर वैष्णवही नाम लीनो तब आप न्हाये नहीं । अैसेही सेवामें पधारे तब काहु भितरीयाने श्री गुसांइजीके आगे कही तब आपने श्रीगोकुलनाथजीसों पुछी जो तुम छूयेसो न्हाये नहीं ? तब श्रीगोकुलनाथजीने कह्यो मैंने वासों तिन बेर पूछी सो वा वैष्णवने तीन्यो वार कही “ में वैष्णव हूं ” अैसे कह्यो सो वैष्णवते कैसे छुयो जाय ? जो जातको नाम लियो होतो तो छूयके न्हाय लेते तातें वैष्णवको कछु जातपातको कारण नहि जो प्रभुको पही-चानें ताइके प्रभु हैं तब श्रीगुसांइजी बहोत प्रसन्न भये ॥ इति श्रीवल्लभजी महाराजके सताइसमो बचनामृत संपूर्ण. ॥ २७ ॥

---

❧ वचनामृत-२८ मो ❧

तब अठाइसमो वचनामृत आप आज्ञा करतहे ॥ एक श-  
बरी भीलनी दंडकारण्यमें रहेती तहां ऋषीश्वर ब्राह्मण  
बोहोत रहेते सो स्नान ध्यान संध्यावंदन गोदावरीके



( ९५ )

जलमें करते ॥ सो एक दिन कोइ ऋषीश्वर ब्राह्मण  
संध्यावंदन करिके जात हतो । सो पवनसों शवरीको  
पह्लो ब्राह्मणकूं आय लग्यो सो मध्यम जानि लुथो गयो  
तासों फेर स्नान करनो पर्यो । ओर शवरीपें क्रोध  
करिके गारीदेकें थोरोसो पोता-धक्का दीनो सो शव-  
रीतो बुढी हती सो पडि गई कलु बोली नही उठिके  
अपने आश्रममें गइ । ओर पिछे तें दंडकवनमें गं-  
गाजी गोदावरी हे तामें ब्राह्मण स्नान संध्या करते  
सो ताको जल लोहि जेसो होय गयो। सो ब्राह्मण ऋ-  
षीश्वर बडे बडे हते वे सब अनेक उपचार मन्त्रनसो  
करे परन्तु पानी शुद्ध न भयो ओर पानी विना  
स्नान संध्या केसे करे ॥ सो बहोत अरचज पायो ।  
पीछे श्रीरामचन्द्रजी दंडकवनमें पधारे ॥ तब सब  
ब्राह्मणननैं मिलिके श्रीरामचन्द्रजीसों पूछी जो महा-  
राज ! गोदावरीको पानी असो बीगरी गयो हे ताको  
कहा कारण हे ? तब श्रीरामचंद्रजी आज्ञा कीये जो

( ९६ )

हमारी वैष्णव शबरी ताको अपराध तुमनें कियो ता-  
 सों अँसो जल भयो हे । सो शबरीको बुलायके वाके  
 पांव श्रीगोदावरीमें धोओ तब तीर्थको जल शुद्ध होय  
 गो॥तब ब्राह्मण गये सो शबरीतो बूढी हती तासों आयो  
 जाय नही तब सब ब्राह्मण मीलके उठाय लाये शब-  
 रीके पाय गोदावरीमें धोये सो धोवतही जल शुद्ध  
 होय गयो॥तासोंवैष्णवकी जाति पांतिको कारण नही  
 हे। वैष्णवके परसतें तीर्थाद्रिक पावन होय जात हे ॥  
 ओर तीर्थनके पाप कटत हैं ॥ अँसे भगवदीयनको  
 माहात्म्य आप श्री मुखतें कहे ॥ ओर खाटे खारेके  
 कारनतें शबरीके बाखरके मीठे बोर सो श्रीरामचंद्र-  
 जीके लिये जुदे राखे हते सो बोर श्रीरामचंद्रजी आ-  
 रोगे यामें जूठनको कारण स्नेह करीके गिन्यो नही  
 अँसे आज्ञा करी ॥

इति श्रीवल्लभजी महाराजके अठाइसमो वचनामृत संपूर्णम् ॥२८॥



( ९७ )

॥ वचनामृत २९ मो ॥

अब उनतीसमो वचनामृत आप आज्ञा करत  
हे ॥ एक दिन आज्ञाकीनी ॥ जो मीरांबाई मेडताके  
राजाकी बेटी हती ओर उदेपुरके राणाकू व्याही हती  
परन्तु राणाजीसों संभाषणहु नही कीनो । वैष्णवनमें  
मिलिके कीर्तन करती॥मीरांबाईके कीये कीर्तन बोहोत  
हे । परन्तु इनकी चाल राणाजीको बुरी लागी जासों  
झेरको प्यालो भरिके पठायो ओर कहवाइ जो राणा-  
जीने कही हे ॥ जो यह पी जाउ॥तब मीरांबाईने पूछी  
यामें कहा हैं॥तब काहूने कही यामें झेरहे । तब श्री  
ठाकुरजीकूं भोग धरीके पी गई सो कलू झेरको वि-  
कार न भयो तब राणाजी डरपवे लगे सो मीरांबाईने  
पुष्टिमार्गके स्नेहमें असो बटो लगायो श्रीठाकुरजी-  
को भोग धर्यो तब स्नेह कहां रख्यो ॥ तासों मीरांबाई  
के कीर्तन या मार्गमें नही गाये जाय ॥ ओर नरसिंह  
महेतानें श्रीठाकुरजीकों श्रम करवायो तासों स्नेह न

( ९८ )

भयो तासों नरसिंह महेताके स्नेहके पदहु नही गाये जाय॥सो बे मीरांबाई एक समये ब्रजमें गई तहां राधावल्लभी गुसाई बाजे हैं तामें कृष्णचैतन्य मुख्य भये ताकूं श्रीस्वामिनीजीने दर्शन दीनो हतो । सो बे कृष्णचैतन्यके वहां मीरांबाई गई । जायके कह्यो ॥ में कृष्णचैतन्यके दर्शनकों आइहों ॥ तब उनके शिष्यने कही आपतो ध्यानमें हे सो मिलाप होयगो नही ॥ तब मीरांबाईने कही ॥ मेंतो दर्शनकों आइहों सो जरूर मिलोंगी तब उपर बुलाई । तब मीरांबाईने कृष्णचैतन्यसूं कह्यो, जो आंख मींचके ध्यान कोनको करतहो ? तब कृष्णचैतन्यजी कह्यो जो ध्यानतो श्री-कृष्ण भगवानको करतहूं ॥ तब मीरांबाईने कह्यो जो जहां साक्षात न होय तहां ध्यान करना पडे यहां ब्रज-मेंतो वन वेली लता पता सब पदार्थहे सो श्रीकृष्ण कोई स्वरूप हे फेरि तुम आंख मींचके ध्यान कोनको करोहो ? सो कहो । ब्रजकुं छोड कहूं अन्यत्र बेठे

( ९९ )

होउ, तो ध्यान संभवे ॥ तब कृष्णचैतन्यजी कान  
 पकरे ओर कही तूं मेरी गुरु भई ॥ पीछे मीरांबाई कृष्ण-  
 चैतन्यको चेला, रूपसनातन हतो सो वोहोत भावमें  
 हतो तिनके पास गइ । सो भितर जायके उनके सेव-  
 कन सुं कही जो मीरांबाई आपके दर्शनको आई हे  
 तब रूपसनातननें भितर बैठे कहवाइ होंतो स्त्रीको  
 मोहोडो नहीं देखूंहुं । तुम पीछे परे जाओ ॥ तब मीरां-  
 बाइने कहि हूंतो देखिवेको आइ हूं तुम पुरुषपनेकी  
 ठसक राखोहो ॥ जो ब्रजमें पुरुष तो एक श्रीकृष्णही  
 हे ॥ ओर पुरुष यहां कोन हे ? ऐसैं कहीके मीरां-  
 बाई पीछी फीर गई ॥ सो मीरां पुरुष तो एक श्रीकृ-  
 ष्णकोही जानती वहां सो राणाजीके पास गई ॥ पीछे  
 श्रीद्वारकाजीमें श्रीरणछोडजी के मंदिरमें गई सो देह-  
 हू न रही मंदिरमें जाततो सबनने देखी फेर नजर  
 नहीं आइ ॥ ऐसे सदेह सों लीन होय गइ ॥ सोवे मीरां-  
 बाइ ऐसी भगवदीय हती ॥  
 इति श्रीवल्लभजो महाराजके गुनतीसमो वचनामृत संपूर्ण ॥ २९ ॥

( १०० )

ॐ वचनामृत ३० मो. ॐ

अब तीसमो वचनामृत आप आज्ञा करत हे ॥  
जो अपने मार्गमें स्नेह मुख्यहे सो ता उपर वार्ता कही  
जो एक श्रीआचार्यजीको सेवक गदाधरदास ब्राह्मण  
अपने जीजमानके यहां ते भीख मागी के निर्वाह  
करे । एक दिन अँसो व्योत आय बन्यो जो घरमें  
तो कछू हतो नांहीं । ओर बाहर तें कछू आयो नही ।  
श्रीठाकुरजीको भोग कहा धरे । सो सब भोगनमें  
यानीछानी के जलही भोग धर्यो ॥ अँसे चार प्रहर  
दिन काढयो ॥ पीछे रात्रिकों श्रीठाकुरजीकों जल-  
सोही पहोचके सोयो ॥ सो रात्रको याके जीजमानके  
यहा ते कोइ चार पांच रूपैयालेकें आयो ॥ सो ले-  
यकें बजारमें गये । एक हलवाइनें ताजी जलेबी कीनी-  
हती सो लायकें श्रीठाकुरजीको भोग धरी वैष्ण-  
वनकों महाप्रसाद लीवायो । आपु कछू न लीनो ॥  
अैसेही रहे । पीछे दूजे दिने भोग धरी के आप हू

( १०१ )

प्रसाद लीनो ॥ सो यह बातमें मार्ग ते विरोध दीसेहे  
हलवाइकी जलेबी श्रीठाकुरजीको कैसे भोग धरी  
जाय ? फेरी वैष्णवनको लिवाय दीनी ॥ परन्तु वाके  
चित्तमें एसो स्नेह आयो जो श्रीठाकुरजी चार ग्रह-  
रमें कछू आरोगे नही हे ॥ ओर हाटपें ते सीधो  
सामग्री लायके रसोइ करिके भोग धरें तो चारघडी  
फेरी लागी जाय । इतने प्रभु भुखे रहे ॥ तासों ढील  
होय सो न करनी । तासों जलेबी लायके भोग धरी।  
स्नेह जाकूं चित्तमें आय जाय तहां आचारकी बा-  
धाको दोष नही हे । सो आगें मर्यादामार्ग में भील-  
नीके बेरकी वार्ता लीखी हे ॥ पुष्टिमार्गमें श्रीगुसां-  
इजी को सेवक बाघजी रजपूतकी वार्ता कही ॥ सो  
घनी धन्यानी घरमें दोय जने हते । मार्गकी रीति  
सों आछी सेवा करते । सो एक वैष्णवकों नित्य महा-  
प्रसाद लिवाये पाछे आपु लेय ॥ असो नैम राखी-  
के राजकी चाकरी करे । वैष्णव प्रसाद लेवे वारो न

( १०२ )

मिले तो एक दोय दिन प्रसाद लीये विगूर भूखें रहे । ऐसे निर्वाह करे ॥ सो एक दीन एक वैष्णव गाममेंही रहे तो ॥ ताके घर हु सेवा बिराजे । ताकूं जाय के कह्यो जो काल तुम मेरे यहां कृपा करी के प्रसाद लेवेकूं आइयो । तब वैष्णवने कही भले आउंगो । तब बाघजी पीछो अपने घर आयो ॥ रात्रिको आनन्द मान्यो । प्रभात भयो सेवामें न्हायो तब तवापुरीकी सामग्री करवाइ । अैसेमें सवारी राजा की आइ । सो नकीम आंयके हेला पाडी गयो ॥ जो असवारीमें बेगे आइयो । तब श्रीठाकुरजीको शृंगार करी के बाहिर निकस्यो । कसर में पांचो हथीयार बांधके घोडापें चढिके असवारी में गयो ॥ ओर अपनी स्त्रीसों कहि गयो जो सेवातें पहुँचीयो । ओर वैष्णवकूं कह्यो हे ताकूं बुलायके प्रसाद लिवाइयो ॥ अैसे कहिके वहतो गयो ॥ पीछे स्त्री सब सेवातें पहुँची ॥ राजभोग धरी के तवापुरीके पास घृतकी



( १०३ )

कटोरी धरायवेकी रीत हे सां वाकी स्त्रीनें घृत  
धर्यो नही ॥ सो श्रीठाकुरजी वाघजी सो सानुभव  
हते । सो राजाकी असवारी में घोडापें चढयो जात  
हतो । तहां प्रभूनने जतायो. जो तेरी स्त्रीने तवापुरी  
के पास घृत धर्यो नही हे ॥ सो घृत विना मेरेगरेमें  
तवापुरी उतरत नही हे । अंसे सुनत मात्र घोडा  
दोढायके घर आयो । ओर घोडा तें उतरके क-  
मर बांधी घरमें तेघृतकी कटोरी भरी भितर जाय  
के भोग धरी आयो । ओर तुरत घोडापें चढिके  
पीछो गयो ओर वाकी स्त्रीतो रसोइ पोतत हती । वाकूं  
तो धनिके आये गयेकी कलु खबर नही ओर वह  
वैष्णव जो नोत्यो हतो वानें जान्यो जो वेगो जोउंगो  
तो दर्शनही करुंगो । तासों आयके वाकी स्त्रीसों मि-  
लिके बाहर वेठ गयो । सो वा वैष्णवकी वाघजीकूं तो  
स्नेहके आगे कलु खबरहु नही रही । स्त्रीसों कलु कही  
नही । वैष्णवकूं देख्यो नही । घृतभोग धरीके घोडा-

( १०४ )

पर सवार होय के गयो। सो राजाकी असवाहीमें प-  
होच्यो। वह वैष्णव बेटयोहतो वानें सब तमासो  
देख्यो। सो मनमें विचार्यो जो ये तो बडे आचा-  
रभ्रष्ट दीखे हैं। मेंतो यहां प्रसाद न लेउंगो। यहां प्र-  
सादकी तो कहां परंतु जलहू नही लेनोचहीये। आ-  
गेहू दोय चार बेर प्रसाद लीनो हे। सो खोटो काम  
भयो। अबतो सर्वथा न लेउंगो। ऐसे वीचारके घर  
जायके प्रसाद लेयके उपर जायके सोय रहे ॥ ओर  
अपनी स्त्रीसों कही जो कोउ बुलायवेको आवे तो  
कहियो जो जरुरीयतको कामहतो तासों गाम गये  
हे अैसे कहियो। अैसे स्त्रीसों सिखायके घरमें सोय  
रह्यो ॥ पीछे वाघजीकी स्त्रीने समय भयो तब भोग  
सरायो। आरतीके समय वैष्णवकूं हेला दीनो दर्शनके  
लिये सो उहां होय तो आवे तब वानें आरती करी,  
अनोसर करि महाप्रसाद ढांक के वा वैष्णवको बुला-  
यवेकूं गइ। तब वा वैष्णवकी स्त्रीने जेसे धनीने कही

( १०५ )

हती तेसे जुवाब दीनो । जो वेतो गाम गये हे । तब पाछी घर आई । उत्थापनको समय भयो तब सब सेवातें पहुँची जीतने असवारीमें ते वाको धनी घर आयो । ओर स्त्रीसों पूछी वैष्णवकूं प्रसाद लिवायो तब स्त्रीने कही मेंतो बुलायवे गइ हती परन्तु वेतो गाम गये हैं । तब महाप्रसाद सब गायनकूं खवाय दीनो ॥ आप धनिधन्याना भूखे सोय रहे । दुसरे दिन फेरि वैष्णवकूं बुलायवे गये सोवे तो वेसेही दगा करी गामको नाम लेयके घरमें सोय रह्यो हतो । तब पीछी घर आई सो सांझताइ वैष्णवकी राह देखी सो वैष्णवतो न आयो । तब सब प्रसाद गायनकूं खवाय दीनो फेरि दोउ जने असेही सोय रहे । ओर जा वैष्णवकूं नोत्यो हतो । ताकी स्त्रीसूं श्रीठाकुरजी सानुंभाव हते सो रात्रिकूं आपने आज्ञाकीनी आज हमतेरे घर तें पधार जायंगे । दोय दिन भये तेरो धनी प्रसादकूं न गयो वे वैष्णव भूखे होंयह कपट करी घरमें सोय

( १०६ )

रह्यो हे तब स्त्रीने तो बहुत विलापकीनो ओर विज्ञप्ति करिके श्रीठाकुरजीकूं राखे॥ओर अपने धनिकूं रात्रमें-ही वाके घर प्रसाद लेवेकों पठायो ॥ सोवेतो दोउ-जने धनिधन्यानी सोय रहे हते सो यानें जायके जगाये तब मिलिके बोहोत प्रसन्न भये । तब वैष्णवनें कही मेंतो प्रसाद लेवेकूं आयो हुं ॥ परंतु वानेंतो प्रसाद सब गायनकूं खवाय दीनो हतो॥कलूक उत्सवकी सामग्री घरमें सूकी पाकी होती । सो तिन्यो जने बैठिके महाप्रसाद लीनो दोउ धनीधन्यानी ओर एक वैष्णव॥ तब वाघजी रजपुतने कही । तुम गाम गये परि हमने बहोत अनाचार कीनो ॥ सो आपु बडे हो क्षमा करोगे । तब वा वैष्णवने कही । हमारो आचार कहां रह्यो । प्रभु तुमारेइ आचारतें प्रसन्नहैं ॥ ओर हमारें लिये तुमने दोय दिन प्रसाद नही लीनो॥ सो हमने बहोत अपराध कीनो हे ॥ सो आप क्षमा करोगे । अैसे परस्पर क्षमा कराय के । वैष्णव आ-

( १०७ )

पने घर गये ॥ ऐसे आप आज्ञा कीनी “ अपने मा-  
रगमें स्नेहही मुख्य हे ” सो स्नेहके पिछे देहानु-  
सन्धानहु भूलि जाय । तव आचार वन्यो न वन्यो  
कछू नेम नहि हे । देहानुसंधान रहे । स्नेहको लेशहु  
न होय तव तो आचार कियोही चाहिये । न करे तो  
आचारभ्रष्ट वाजे । ओर प्रभु । भोग आरोगे नही ॥  
स्नेह की बाततो जुदी राखी हे । सो होनी कठिन  
हे । ऐसे स्नेह उपर एक पुत्रको दृष्टान्त दीनो । जो  
बोहोत आपत्तिकाल आय पडे । दोय चार दिन अ-  
न्नपानि न मिले ॥ ओर पुत्र अन्नपानि बिना मरतो  
होय तो निचकर्म करिवेवारेको हू अन्न आय प्राप्त  
होय तो पुत्रको खवावेही पुत्र जीवतो रहेगो  
तो शास्त्रमें प्रायश्चित वचन होयगो तेंसे करि लेयगें  
सो पुत्रतें तो श्रीठाकुरजीमें हजार गुनो अधिक स्नेह  
चाहिये ॥ सो अैसे आप आज्ञा कीनी ॥

॥ इति श्रीवल्लभजी महाराजके तीसमो वचनामृत संपूर्ण ॥ ३० ॥

( १०८ )

❧ वचनामृत-३१ मो. ❧

अब एकतीसमो वचनामृत आप आज्ञा करत हे॥सो एक दिन आज्ञा कीनी । श्रीगुसांइजी के बालक जेंसे करे तेंसे प्रभूनको रुचे “ इनको कीयो सबे जीय भावत ” अैसेहु वाक्य हे ॥ फेरि एक वार्ता कही। श्रीमथुरेशजी के घर के श्रीगिरिधरजीके लालजी हमारे देखते चालीसातांइ बिराजे हते ॥ सो उनके (श्रीगिरिधरजी के ) आचार बोहोत हतो ॥ सो खर्चुके हाथपांव धोवते । तब दशवीश घडापानी उपर डारते ॥ सो राजभोगताइ देहकृत्यसों पहोचते नही। सो जाको सिंगारहोतो वे श्रीगुसांइजीके बालक, ओर भीतरीया राजभोग सराय आरतिकरिके सब सेवातें पहोच जातोपरन्तु सिंघासनकी झारी न भरतोओर अनोसर न करते । ओर किंवाडकी ओट लेयके मुखीयातो चाकर, सो बेतो बेठ्यो रह्यो करे । सो श्रीगिरिधरजी आप झारी भरी चरन परस करी के अनोसर

( १०९ )

करते. पीछे भोजन करते ॥ सो एक दिन श्रीगिरिधरजी के काका श्रीगोवर्धनजी को शृंगार हतो ॥ सो राजभोग आरति पिछे आपनैं विचार्यो ॥ जो श्रीगिरिधरजी के लिये श्रीठाकुरजीको कहा तांड़ बिराज राखे ॥ सो बेतो झारि भरि अनोसर करीके गये । ओर भितरीया तो चाकर । केंसे जाय सो बेठे रहे । पिछे श्रीगिरिधरजी पधारे । तब मुखीयाने कही । जो श्रीकाकाजी महाराजतो । झारि भरी अनोसर करी गये । तब आप बोहोत प्रसन्न भये । जो हमारे लिये श्रीठाकुरजीकूं न बेठाये । सो बोहोत आछो काम कीनो ॥ पिछे उत्थापनमें श्रीगोवर्धनजी सेवामें आये तब श्रीमथुरेशजी ऐसी रीसकीनी । जो तुम अनोसर क्यों करि गये ? हमतो वेसेही प्रसन्न हे । सो श्रीगोवर्धनजीको श्रीठाकुरजीने ऐसे धमकाये । सो धूजते धूजते आये । ओर लालजीके पायनमें पड़े । ओर कही जो मेंने अैसे न जान्यो हतो जो श्रीम-

( ११० )

थुरेशजी तोसूं प्रसन्नहे॥तब श्रीगिरिधरजीने कही ॥  
जो काकाजी मेंतो कछू ऐसो नही हूं। मेंतो महा  
आलसी हूं। परन्तु श्रीआचार्यजीकी कानी करीके  
आप कृपा करतहे।सो कानीतो श्रीआचार्यजीकी ऐसी  
हे जैसे करें तेंसें अवेर सवेर सो सब आप अंगीकार  
करे हे। परन्तु आपकुं क्षण १ अवेरकीनी न चहिये  
यही आपनो धर्म हे। ऐसे आज्ञा कीनी ॥

इति श्रीवल्लभजी महाराजके एकत्रोसमो वचनामृत संपूर्णम् ॥३१॥

❧ वचनामृत ३२ ❧

अब वत्तीसमो वचनामृत आप आज्ञा करतहे जा नित्य-  
की सेवाके समेकी रिततो ऐसी हे॥सो सबेरे दिन उगे  
पहले श्रीठाकुरजीकुं जगावनो सो सवापहर डेढ पहर-  
की सेवा हे। पीछे राजभोग आरती पीछे तेर घडीको  
अनोसर करनो ऐसे श्रीगुसांईजीको लिखत हे। पीछे  
सांझको सात घडि दिन रहे तब उत्थापन करावनो ॥



( १११ )

इतनेमें दिनमुंदे पीछेतें पहले सेंन करनी पुष्टिमार्ग-  
कीतो मर्यादा ऐसी हे पिछे तो श्रीठाकुरजीतो भक्त  
वत्सल होसो जैसे करे तैसे आप अंगीकार करिलेत  
हे।ओर सितकालमें श्रीठाकुरजी वेगी जगावने।ओर  
राजभोग आरती पहरदिन पहिले भई चहिये पिछे  
दोय प्रहर अनोसर होय ताकी तेरह घडी भई फेर  
तेरह घडिते अधिक होय ताकोतो कछू कारण नहि  
परन्तु तेरह घडितें न्यून करी न चहिये ॥ ऐसी  
आज्ञा कीनी ॥

॥ इति श्रीवल्लभजी महाराजके वत्तीसमो वचनामृत संपूर्णम् ॥३२॥

---

❧ वचनामृत ३३ मो ❧

अब तेतीसमो वचनामृत आप आज्ञा करतहे ॥सो संवत  
१८५२ के कार्तिक वदी ३ ॥ वैष्णव रंगा जेठमलजी,  
व्यास जेरामजी। प्रोहित ब्रजजीवनजी।लोढा कल्याण  
दासजी। वोहरा मेघजी आदिसमस्त वैष्णव बैठे हते।

( ११२ )

तब रंगा जेठमलजीने आपसों पूछी । महाराज !  
जीवशरण आयके गुरुन के पास कोइ तो चित्र सेवा  
पधरावे हैं । कोइ वस्त्र सेवा पधरावें हे । ओर कोइ स्वरूप  
रूपसेवा पधरावें हे । सो इन तीन स्वरूपमें कछू तारतम्य  
हे । के न्यून अधिक हे के बरोबरहे ? सो आप कृपा  
करीके आज्ञा करो ॥ तब आपनें आज्ञा करी जो स्वरू-  
पमें तो कछू तारतम्य नहि हे । अपने अधिकारमें  
कसर हे । अधिकारमें कसर होय तहां तांइ चित्र सेवामें  
आर वस्त्र सेवामें पूर्ण आनन्दको अनुभव होय नहि  
अपनो पूर्ण अधिकार होय; तब चित्र सेवा ओर वस्त्र  
सेवामेंहि आनन्द होय हे ॥ सो स्वरूप सेवामें सेवा  
सिंगार आछी रीते बनि आवे । तासूं अधिकार वा-  
रेकूंही स्वरूप सेवामें भाव ओर आनन्द आवे हे ॥  
तासों स्वरूप सेवाकी विशेषताहे । पूर्ण भावसूं देखो  
तो तारतम्य तीन्यो स्वरूपमेंहु नहि हे । श्रीभाग-  
वतमें कहें हे । ओर श्रीआचार्यजी माहाप्रभुजीकेग्रंथ

( ११३ )

हे तामें हु अैसे वाक्य हे ॥ ता उपर आप आज्ञा करी जो श्रीगोकुलेशजीसों कल्याणभट्टने पूछी महाराज ! कथा कीर्तनमें तो हमकूं आनन्दको आवेश होय आवेहें ओर श्रीनाथजी के दर्शन विषे तो आनन्द न होय हे ताको कारण कहा ? तब श्रीगोकुलनाथजी आज्ञाकीनी॥आछी पुछी॥जो मनको अधिकार पूरो न भयो होय तासों आपके दर्शन सेवामें आनन्द न होय । ओर कथाकीर्तनमें होय तो कथा कीर्तनतो साधनहें ओर श्रीजीके दर्शन सेवा हे सोतो फलहे तासों तुमकू अजहू साधनको अधिकार भयो हे फलको अधिकार नहि तासों दर्शनमें आनन्द न होय ॥ श्रीजी विषेको अधिकार एक ब्रजभक्तनकों ही भयो हे अैसेवचन हे “पादौ पदं न चलास्तव पादमूलात्”॥ तथा “त्रुटिर्युगायते” इत्यादि वाक्य करिके असो भावतो उनहीको भयोहे॥फेरि अष्टछापके वाक्य हे “किते दिन हेजु गये विन देखे” रूप देख नयना पलक लागे नही”इत्यादि

( ११४ )

वाक्य हे ॥ सो फलको अधिकारी होय तब स्वरूप निष्ठा  
ओर आसक्ति होय तासों जेसो अधिकार होय ता  
प्रमाण आनन्द होय अैसे आज्ञाकीनी ॥

इति श्रीवल्लभजी महाराजके तेन्नीसमो बचनामृत संपूर्ण. ॥ ३३ ॥

❧वचनामृत- ३४मौ❧

अब चोतीसमो वचनामृत आप आज्ञा करतहे ॥ वैष्णव  
जेठमलजी प्रभृति सबननें पूछी जो महाराज ! श्री  
आचार्यजी महाप्रभूनको नवरत्न ग्रंथहे तामें वाक्य  
हेजो जीवको चिंता न करनी सो जीवतो सब चिंता-  
को स्वरूपही दिसतहे ताको कारण कहा ? तब आप  
आज्ञाकीनी जो जीवकूं अज्ञानता हे तब तांइ चिंता  
करतहे ओर प्रभुतो सदा जीवको भलोई करतहे ताकूं  
जीव बूरो करी माने हे ॥ ता उपर काकरीके चोरको  
द्रष्टान्त दीनो ॥ जो आपुन तो कोइको लाख  
रुपैयाको खाय जाय ओर कोइ मागे तो एक पैसा हु

( ११५ )

न देय। ओर कोइ लाख रुपैयाके बदले १ पैसातें छोडदे ताको यह कहत हे जो हमारो बुरो कीनो॥बेटा मरी गयो,स्त्री मरी गइ,शरीर कष्ट पायो, ताकी चिंता करत हे॥अरे मूरख लाख रुपैया साटे पैसा में पीछो छूटे हे ताको हरख मान्यो चाहिये के चिंताकरनी चाहियो।परन्तु जीवको कहा खबरि ॥ नर्कके वर्णनमें सुवर्णके चोरको तथा परस्त्री गमनको दंड बहोत लिख्यो हे सो कथाद्वारा सब लोक सुनेहे परन्तु भुगत्यो नहि तासों भय नहि मानेहे॥अरु कदाचित् ऐसे कहे जो या दोषतें तत्काल ज्वर चढी जाय; तथा राजाको दंड, सो खूटा बांधिके कोडा मारेंगे, सूलि देईगे, हाथ पांव नाक कान काटेंगे ऐसे कहेतो देहेसत खाय भय उपजे अरु मनमें डर लागे ॥ जेसे चोरी जारी करते यहांके राजाको डर लगेहे तैसे धर्मराजाको भय न होयहे ताको कारन कहाहे ॥ धर्मराजाके दंडकी बात तो सुनीहे ओर राजाके दंडकी बात

केसीहै सो प्रत्यक्ष देखीहै; जो तत्काल दंड लगे हे  
 ओर खबर पडेहे। तब जाने जो राजा दंड जरूर देवेंगे  
 ओर धर्मराजाकूं तो पाप करो भावे चोरी करो सो  
 सब उनकूं तो खबर पडे हे तासूं उहांतो दंड मिले  
 विना रहेगो नही परी वाको तो जीव अज्ञान करी भय  
 नही राखे हे सो जीवको एसोही स्वभाव हे सहज  
 धर्म जीवको यही हे द्रष्ट पदारथको सुख दुःख मान्यो  
 हे ओर अद्रष्ट सुख दुःख शास्त्रमें सुन्यो होय । सो  
 नही मानें हे ॥ सो तो जाको प्रभु ज्ञान बतावे ताको  
 होय प्रभु तो जीवको भलोही करत हे ओर जीव बुरो  
 मानें हैं ताउपर मर्यादामार्गीय वैष्णव पुरुषोत्तम  
 पुरीके राजाके गुरु माधोदास तीनकी वार्ता कहि ॥  
 श्री जगन्नाथरायजी सानुभव हते सो एक दिन श्री  
 जगन्नाथरायजीने माधोदासतें कही ॥ जो राजाके  
 बागमें चलि के कटहरके फल चोरके खायंगे ॥ तब  
 माधोदासने कही जो । निज इच्छा । तब आप श्री-

( ११७ )

जगन्नाथरायजी, ओर माधोदास, राजाके बागमें गये।  
कटहरको फल बडो होतहे। ओर ब्रक्षहु बडो होत  
हे। पक्को फल तीस सेरके आशरे को होत हे।  
सो ता फल कों काचो तोरके साग होत हे। ओर  
पक्क्यो मीठो होत हे। अैसे आज्ञा कीनी। ओर भूज  
के खाय तो बोहोत स्वाद लगे हे। सो फल तोड-  
वेकूं माधोदासकूं ब्रक्षपें चढायो। सो पक्क्यो फल भारी  
होत हे। तासों तोरीके पास राखे तो उतर्यो न जाय।  
तब फल तोडिके उपरतें पटक्यो। ताको धमाको  
भारी भयो। वहां राजाके मनुष्य हते सो सुनिके  
दोरी आये। तब श्रीठाकुरजी तो अन्तर्ध्यान होय  
गये ॥ ओर माधोदासकों चोर जानीके पकरि लीनो।  
ओर बहुत पीटे। परन्तु माधोदास कलू बोले नहीं।  
सो पीटतें पीटतें दिन भयो तब पहिचाने। ओर राजाके  
गुरु जानि के चोकीदार डरपे ॥ तब माधोदासनें  
कहि तुम डरपो मति में राजासों न कहुंगो। पीछे

( ११८ )

श्रीजगन्नाथरायजी के मंदिरमें माधोदास गये । तब श्रीजगन्नाथरायजी देखी के हसे । ओर आज्ञा कीनी जो माधोदास तेरे कोटि जन्मके पाप हते सो हमने तोकूं एक रात्रमें भुगताये ॥ सो प्रभु भगवदीयको सूलीके दंडमें कटहरको दंड भुगतायो । परन्तु जीव समझत नाहीं ॥ तासों दुःख मानिके चिन्ता करें हैं । सो माधोदासतो मर्यादा भक्त हतो ॥ तासों एसें भुगतायो । ओर पुष्टिमें तो इतनो नहि भुगताये हैं । परन्तु जीव सहज दुःख मानिके चिन्ता करत हे । परी वैष्णवकूं तो ऐसो सर्वथा न करनो । सो नवरत्नमें आप आज्ञा कीनी हे ॥ टिका सहित सुने तो सब ठीक होय परन्तु सुनके ही जीव चिन्ता किये विना नहि रहत हे । एसो जीवको माया जनित सहज स्वभाव हे । एसे आज्ञा कीनी ॥

॥ इति श्रीवल्लभजी महाराजके चोतिसमो वचनामृत संपूर्ण ॥३४॥





( ११९ )

✽ वचनामृत ३५ मो ✽

अब पैंतीसमो वचनामृत आप आज्ञा करत हे। सो संवत  
॥ १४५२ ॥ के पोस वदी १४ । हवेलीकी पोल सामें  
दिवांनखाना हतो । तहां आपनैं बेठक कीनी हती ।  
ताके सन्मुख २ कोठा हे ॥ तामें जेमनैं हाथ के को-  
नामें कोठा हे । तामें बिराजत हते । तब आज्ञा  
कीनी दुष्टके मारवेको दोष नही ॥ सो गीतामें कह्यो  
हे ॥ “ गहना कर्मणो गतिः ” । या श्लोकमें श्रीव्रज-  
रायजी लिख्यो हे ॥ काहु पुराणकी कथा हे ॥ सो  
एक कोउ बडो जनावर हतो ॥ ताकूं भूख बहोत  
लगती तबवानें कोइ देवता प्रसन्न करिके वर माग्यो ।  
तबवानें इनके हाथ लंबे करी दीने ॥ सो वह अनेक  
जीवपकरे ओर खाय जाय । सो अैसे करत करत  
कोउ सिकार खेलवे वारो मांस भक्षी आय निकस्यो ।  
वानें जान्यो जो याकूं मारुंगो तो मांस हाथ बहोत  
लगेगो अैसे विचारिके वाको मार्यो ॥ सो मारतही

( १२० )

वाहिकाल मारिवेवारेकूविमान आयो सो सदेहही विमानमें बैठके स्वर्गको चलयो गयो । सो वानें तो हत्या कीनी ॥ परन्तु बहोत धर्म करेको फल भयो । सो क्यों ? जो अनेक जीव पक्षी मारत हतो ताकों यानें मायों ॥ तासों बहोत जीव मरत बचे ॥ तासों वाको धर्म भयो । जीवके अभयदानको फल भयो तासों विमान आयो ॥ ओर श्रीरामचंद्र अवतारमें लंबे हाथवारो कमंडलु हतो । ताकों श्रीरामचंद्रजीने मायों ॥ तासों एसी करमकी गहन गति हे ॥ ताके उपर एक दुसरी वार्ता कही ॥ काहु पुराणकी कथा हे ॥ एक रजपुतनें सरसठ (६७) हत्या कीनी हती । सो वे हत्यायें वा रजपुतमें हती ॥ जब वे बूढो भयो तब इनको डर लाग्यो ॥ तब वा शहर बाहर एक महापुरुष कोउ रहत हतो । ताके पास गयो । वार्ते विनती कीनी ॥ जो मैंने सडसठ हत्या कीनी हे । अब मोकों ज्ञान भयो हे ॥ तासूं डर लागे हे । सो आपके दर्श-

( १२१ )

नको आयो हूं । सो कलु उपदेश देके सेवक करो ॥  
तब वे महापुरुष वाके मनकी समझत हतो । सो  
मनमें विचार्यो । जो आपनो सामर्थ्य उद्धार करिवेको  
न होय तो शीष्यको पाप गुरुकुं लगे हे ॥ तासों  
वानें वा रजपुत सों कही ॥ जो तेरी हत्या उपदेशतें  
न उतरेगी । असें महापुरुषने कही । तब रजपुतने  
पूछी कैसें उतरे ? तब महापुरुषने कही एक चादर  
रंगायके लाउ सो तामें में निसानी करि देउंगो ॥  
सो वह चादर लेके तीर्थयात्रा करीयो । जहां स्नान  
करे तहां तीर्थ के जलसों चादर धोवत जाइयो । सो  
धोवते धोवतें चादर श्वेत होय जाय तहां तांइ तीर्थ  
यात्रा करियो ॥ चादर श्वेत होय जाय तब जानियो  
जो मेरो पाप उतर्यो । तब पाछे फेरि आइयो । तब  
तोकुं उपदेश देउंगो । सो रजपुतको तो सडसठ हत्या  
को भय लग्यो हतो । तातें वेसेइ चादर रंगाय महा-  
पुरुषके पास आय सेंधानी कराय के तीर्थयात्राकों

निकस्यो । सो जात जात मार्गमें गंगाजीको, कोइ संघ जातहतो । ता संगमें रजपुत हु गयो । तब रस्तामें एक तलाव उपर उतरे । तहां एक चोकीवारो दानलेयवेकुं बेठ्योहतो । वह सबसों तकरार करवे लग्यो । सबनके डेराडंडा देखवे कें लिये सबनको अटकायो तब सबननें कही हमतो गंगास्नानको जात हे । हमारे पास कल्लु व्योपारकी वस्तु तो हे नहि । परन्तु वहतो काहूकी बात माने नही । तब वह रजपुतने दानवारे के पास जाय के हुक्का तमाकुकी मनुहार करि के पूछी तब वानें कही जो यहां तें तीन कोस तांइ हमारे राज्यको अमल हे । आगे दूसरो राजा हे ॥ यहांते तीन कोसपें दूसरो गाम हे । तहां हमारो सिरदार रहे हे । ऐसे सगरी हकिकत पूछी के मनमें विचार्यो जो याकूं मारडारूं तो सबनको संकट कटे । सडसठ हत्या भइ हती तेसी अडसठ सो भेली उतारुंगो । याके मरेकी खबर तीन

( १२३ )

कोस ताँड़ जायगी । दरबार चढेगी । जहाँ ताँड़ तो दूसरे राजाकी हदमें पहुँच जायेंगे । तब यह कहा करेगो । ऐसे विचारि के संगके लोकनने कह्यो । तुम चलवेकी तैयारी करो हमने ऐसे विचार्यों हे ॥ तब संगके लोकनने कह्यो । तुम ऐसे मति करो । ऐसे करी के कहा हम सबनको मरवावोगे । ऐसे बहुत बरज्यो । तब वानें कही । तुम काहेको डरपत हो ॥ तुम सब हमारो नाम लेलीजो । ऐसे कही के दान-वारे को माथो काटि डार्यों । तब सबनको संकट मिट्यो । सब संघ आगे चलयो ओर रजपुतनें अपनी चादर संभारी सो देखे तो स्वेत होय गई ॥ तब वानें अपने मनमें विचारी जो गुरुने कही सोतो भई । अब आगे जाय के कहा करुंगो ऐसे विचारिके गुरुके पास पीछो आयो चादर देखी सो श्वेत होय गई तब गुरुने कही तैनें कोन कोन बडे तीर्थ कीने तिनके नाम बताउं ज्ञासों चादर श्वेत होय गई ॥ तब रजपुतने कही मैंने

( १२४ )

तीर्थतो कटू नाँही कीनी मेंनेतो एक ओर हत्यकीनी सरसठ भइ हती तेसें अडसठ तापिछे रजपुतनें सब बात कही तब गुरुने जानी एक के मारे सबको संकट कटयो सो ता पुन्य सों याकी सडसठ हत्या निवर्त भई हे॥पिछे उपदेश दीनो ॥ असें दान उपर बेठवेवारको दोष हे॥असे आप आज्ञाकीनी॥ओर कही हमारो एक सेवक दानपें हतो ताकों हम नाँहि कीनी जो तूं यह रुजगार छोडिके दूसरो रुजगार कर ॥ भाग्यमें लिख्यो होय सो रुजगार कर । असे कहिके दानपेंतें उठाय लीनो ॥ ताकी वार्ता कही॥हम दक्षणके परदेश खान-देश पधारे हते, तहां एक विजापुर गामहे, ताके उपर मारगमें एक वैष्णव दान मागत हतो सो तानें आयके पांच रुपैया भेट कीने । तब हमनें पूछी तूम कहा कामपें हो ? तबवानें कही दानपें हू, तब हमनें भेट फेरिदीनी ओर वैष्णवकूं ललकार्यो पाछे वाके गाममें उतर्ये तब उनके मातापिता सबनसों कही । जो ये

( ૧૨૫ )

વૈષ્ણવકો ધર્મ નહીં હે જો દાનપેં રહેનો તબ યાને  
દાનકી ચાકરી છોડિ દિની । એસે આજ્ઞા કરી ॥

॥ઈતિ શ્રીવલ્લભજી મહારાજકે પેંતીસમો વચનામૃત સંપૂર્ણમ્ ॥ ૩૫ ॥

આ વચનામૃતથી વૈષ્ણવોપ પવો સાર છેવવાનો નથી કે  
હિસાને પણ વૈષ્ણવધર્મના સિદ્ધાન્તોમાં સ્થાન આપવામાં આવ્યું  
છે. વૈષ્ણવધર્મનો સ્વરો સિદ્ધાન્ત સર્વ કંઈ પ્રભુમય છે પવો છે, અને  
તેથીજ સર્વ પ્રતિ પ્રેમ તથા દયા દેખાડવી જોઈયે પવું આ ધર્મના  
પ્રત્યેક ગ્રંથોમાં કહેવામાં આવ્યું છે. વૈષ્ણવ ધર્મરૂપી ઇમારત પ  
પ્રેમ અને દયાના સ્તંભ ઉપરજ ટકી રહી છે. પ બે સ્તંભોને જો  
લઈ લેવામાં આવે તો આ ઇમારત તૂટી પડે એમાં કોઈ પણ જા-  
તનો સંશય નથી. દરેક વૈષ્ણવનું ધ્યેય પ્રભુ પરાયણ જીવન  
ગાલવાનું હોય છે અને તે આ સૃષ્ટિના સર્વ પદાર્થોને પ્રભુમય  
અવલોકે છે. શુદ્ધાદ્વૈત મત પ્રમાણે જે કંઈ સ્થાવર જંગમ છે તે  
બ્રહ્મરૂપજ છે, તો પણ ક્વચિત્ મહાત્માઓને લોકનું સંરક્ષણ ક-  
રવાને વ્યવહારની મર્યાદા સાચવવી પડે છે, અને તેથી જો અમુક  
વ્યક્તિ પોતાની અમુક પ્રકારની કૃતિથી જન સમૂહને અગરસમા-  
જને મોટી હાની કરતો હોય તો તે વ્યક્તિને સમાજની ધિરતાને  
માટે દૂર કરવો પ આશ્ચર્ય ગણે છે. માટેજ ભગવાને શ્રીનૃસિંહ  
અવતાર લઈને હિરણ્યકશિપુને માર્યો અગર કૃષ્ણવતારમાં કંસા-  
દિનો નાશ કર્યો. પણ આ નાશ કરવાનું કામ સામાન્યકોટિના  
વૈષ્ણવનું નથી-ભગવાન જો વ્યવહારની મર્યાદા ન સાચવે તો  
જગતું તન્ન ચાલી શકે નહિ માટે તે આ રીતે રાક્ષસ પ્રકૃતિના

( ૧૨૬ )

અગર આસુરી યોનિના જીવોની હિંસા કરે તો તે ઘાસ્તબ્ધિક છે. વૈષ્ણવે તો પોતાના જીવનને વ્યવહારના બંધનોથી દૂર કરવાનું છે. અને આ વ્યવહારનાં બંધનો તેને સ્પર્શ કરી ન શકે માટે તેણે કોઈ પણ પ્રકારનું અનુચિત કર્મ કરવું જોઈએ નહિ. હિંસા એ વૈષ્ણવના જીવનને હાનિકારક છે માટે તેણે તો કદી પણ કોઈ પણ પ્રકારની હિંસા કરવી ન જોઈએ. વઢી પોતાને માથે ગમે તેટલું દુઃખ આવી પડે તો પણ પોતાના સ્વાર્થની યાતર ફક્ત પોતાનાજ પ્રાણનું રક્ષણ કરવાની યાતર હિંસાને ભૂલે ચૂકે પણ આચરવી નહિ, યમ કરવાથી તો તે પોતાના જીવનને અધોગામિ કરે છે. એ હકીકત વૈષ્ણવે યાસ લક્ષમાં રાખવી જોઈએ.



( १२७ )

• वचनमृत ३६ मो० १४

अब छत्तीसमो वचनामृत आप आज्ञा करत हे जो अन्य द्रव्य खाय हों। ताको दोष लगें हे। सोता उपर वार्ता कही जो पुराणान्तरकी कथा हे ॥ काहुको कोढ़ भयो हो। तबवानें श्री महादेवजीको सेवा करिके प्रसन्नकीये। तब श्री महादेवजी कहे वरमाग? तबयान विनतीकीनी जो महाराज मेरो कोढ़ जाया। तब महादेवजीने कही काहु चांडालको कोरो अन्नलेके खायगो तो तेरो कोढ़ जायगो। तब यानें काहु चांडालके पास जायके कही जो एक पैसा तेरो लेके बनीयाके यहांतें कोरो अन्न लिवायदे। सो में खाऊं तो मेरो कोढ़ जाय। तब चांडालने कही मेरो अन्न खायगो तो तेरो कोढ़ न जायगो मेंतो देहते चांडालहूं मेरो कर्म चांडाल नहीं हे ॥ तासों राजाको कामेती होय जाके हुकमसों दंड दियो जायहे ताको अन्न लेयेके खायगो तो तेरो कोढ़ उतर जायगो ॥ तबवानें अैसेही जायके राजाको

( १२८ )

चाकर हतो जाके हुकमसों दंड दियो जाय, ताको अन्न लेके खायो तब कोढ़ मिट गयो । सो अन्नको दोष कामदारीको असो अपराध हे । परि लिखवे पढ़-वेकी शुद्ध जीविका करे । ताको दोष नही हे । ऐसे आज्ञा कीनी । सो ये वार्ता होय चुकी इतने में । जोषी नंदराम आयो । वानें छेवटके प्रसंग सुन्यो । जो दंड देवे वारे कामेतीको असो दोष हे । तब नंदरामने विनती कीनी । महाराज ! असो चांडाल कर्म सर्वथा न करेगो । परन्तु रांड व्यभिचारणी व्यभिचार बाहोत करत हे ॥ सो काहुको वीर्य लेयके आवे तेसोइ गर्भ होय ॥ ता उपर वार्ता कही । जो सुरत गामको वैष्णव रघुनाथदास, ताकी ब्राह्मण पर निष्ठा आछी हती । सो गामको हाकीम नवाब हतो ताके पास रघुनाथदास रहते । सो यह नवाब ब्राह्मणनको कहा जाने । परन्तु रघुनाथदास ब्राह्मणनको बखान करीवो करे । जो ब्राह्मणहे सो भगवानको अवतार हे । भग-

( १२९ )

वानकी विभूत हे ॥ ब्राह्मण हे सो मेरोस्वरूप हे एसे  
गिनायो हे । फेरि आपको वाक्य हे । “ब्राह्मणऽस्य मुख  
मासीत् ” एसो वेदमें कहे हे ॥ ब्राह्मण हे सो मेरो  
मुख हे । अैसे वचन कही के नवाब के आगे ब्राह्म-  
णनके बखान करिवो करे ॥ ताको कारण यह जो  
नवाब दुष्ट हे । सो कलू ब्राह्मणनसों भय खाय तो  
दुःख न देख तासों ब्राह्मणनको माहात्म्य सुनायवो  
करे । सो उहां एक तीर्थहतो । तामें कार्तिक महि-  
नामें कोउ पर्वको दिन आयो । सो गामके मरद  
लुगाइ सब कोइ रात्रको न्हायवे गये । सो एक स्त्री  
अपने पुत्रको बेठायके आप देह कृत्यकों गइ । ओर  
वा बखत भीरहु मिट गइ हती । तब एक ब्राह्मणको  
मन डिग्यो । जो यह लरिका एकलो बेठ्यो हे । गहनो  
पहर्योहे । याकूं मारिकें गहनो लीजें तो आछो । सो ओर  
तो कलू दाव न लग्यो । तब वाकूं पांव निचे दाबि  
राख्यो । विचारी जो पीछे याकूं बाहार काढीके सब

( १३० )

गेहनो ले जाउंगो । सो ब्योत न भयो । तीर्थ हतो  
सो लोगनको आयवो जायवो बहोत हतो तासों अ-  
वकाश न पायो । तासों पांव निचे छोरा जलमें ओर  
आप तीर्थ उपर ठाडोरहि जप कयों करे।इतनेमें छोरा  
की मा आइ। तब छोकराको न देख्यो । तब सबनकूं  
पूछी ओर वा ब्राह्मणकूं पूछी तब वानें कह्यो जो में  
कहा जानूं । तब याने छोराकूं बहुत देख्यो । परिपुत्र  
पायो नही । तब एक घाटवारेकूं वा ब्राह्मणपें भरम  
गयो । जो यह ब्राह्मण कबको बेठ्यो हे । उठे नही,  
सो क्यों । तब याकूं कही । जो सब न्हाय न्हायकें  
गये तोकूं पहरभर भयो उठे क्यों नही हे ? तब वा  
ब्राह्मणने कही । में तेरो कहा लेतहों । मनमें आवेगो  
तब उठूंगो । तब वा घाटवारेने हाथ पकरके ब्राह्मणकूं  
उठायो । सो पांव निचे जलमेंते छोरानिकसि आयो ।  
तब ब्राह्मणकों नवाबके पास ले गये । तब नवाबने  
याकूं मरवावनो तो विचार्यो । परन्तु जान्यो जो

( १३१ )

रघुनाथदासकों ब्राह्मणके कर्म दिखाउंगो । तब रघु-  
नाथदासकों बुलायो । बुलायके नवाबनें कही । जो  
तुम ब्राह्मणकी बडाइ करते हते । परिब्राह्मण तो  
एसो कर्म करत हैं । तब रघुनाथदासनें कही । ब्राह्मण  
एसो सर्वथा न करे । यानें कयों सो ये ब्राह्मण  
सर्वथा न होयगो । यह ब्राह्मण होय तो तुम कहो  
सो गुनेगारीमें भरूं । आप ठीक करीये । जब रघुनाथ  
दासने इतनी खेंचीके कही तब वानें वा ब्राह्मणकी  
माताको बुलाइ । ओर एकान्तमें बुलायके नवाबने  
पूछी । जो सांच बोलेगी तो तेरे वेटाको में छोड़ि  
देउंगो । ओर नहीं तो में सर्वथा मरवाय डारुंगो ।  
तब वा ब्राह्मणीनें सब सांच कही । जो में यौवन  
अवस्थामें हती । तब मेरेमें रूप बहुत हतो । तासों  
एक कसाइ मेरे उपर आसक्त होयके गेल गेल मेरे  
पीछे फीरे । ओर द्रव्यकी लालच दिखावे । परन्तु  
मेंने हामी न भरी । ओर बोलूं नहीं । तब तो वह

( १३२ )

कसाइ बोहोत खीज्यो । सो एक दिन मेरे घरकी गौको वध करीवे लग्यो । तब मेंने कह्यो । गौको मति मारे तब वानें कही मेंतो मारुंगो । तब मेंने कही कैसेऊ छोडेगो ? तब वानें कही में कहूं जैसे करे तो छोडूं । तब गौको छूडायवेको कसाइके पास गइ। तबही वाकी आसा (गर्भ) रही । ताको ये पुत्र हे । सो मोकों वाहिस्स्यायत खबर परी । जो गर्भ भयो । सो ताके अंशको यह प्रकट भयो हे । तब नवाबने सारी बात सुनके कह्यो । कसाइको वीर्य होयके एसो काम करे ताको कहा आश्चर्य हे । तब नवाब रघुनाथदास उपर बोहोत प्रसन्न भयो । ओर कही तुम सांचे भये । ऐसे आप आज्ञा कीनी । नंदराम! ब्राह्मण होयगो सो तो एसो चांडाल कर्म कबहु न करेगो । रांड काहूको वीर्य लावे हे । तासूं ऐसे ब्राह्मणके घर जन्म भयो तो कहा ॥

इति श्रीवल्लभजी महाराजके छत्रीसमो वचनामृत संपूर्णम् ॥ ३६ ॥



( १३३ )

❧ वचनमृत ३७ मो ❧

अब सैंतीसमो वचनमृत आप आज्ञा करत  
हे ॥ जो अन्न ओर द्रव्य बुरी ठोरको होय सो अनर्थ  
करे हैं । ताकी वार्ता करी । एक पुराणकी कथा हे ।  
सो एक ब्राह्मण पुराणीक सो आछी रीतसूं अपने  
धर्ममें सावचेती सूं चले । ताको एक बेटा वरस  
छे अथवा सातको, सो खेल खेले । सो वानें माटीकी  
गाय बनायके तिनको माथो काटी डार्यो । ऐसो  
खेल खेले । सो ए खेल वाके पिताने देखि लीनो ।  
तब मनमें विचारी । जो मेंतो ऐसो अधम हूं नही ।  
जो मेरो पुत्र एसो होय ! ओर वामें ऐसैं लक्षण होय !  
गरन्तु मेरी लुगाइ कहूं अन्यको वीर्य लाइ होयगी ।  
ऐसैं मनमें विचारी ॥ सो छोरा दूसरे दिन खेलत  
इतो । तब अपनी लुगाइकूं बुलाइ । हाथ पकरिके  
बेटाको ख्याल दिखायो । ओर कह्यो रांड यह वीर्य  
मेनको लाइ हे । सो सांच बोल । तब लुगाइने

( १३४ )

सोगंध खाय के कही । मैंने तो आज पर्यन्त मन व-  
न कार्य करि परपुरूष धार्यो होय तो सगरो जगत  
पप करे सो मोकों लगे । ओर हुं अनेक सोगंध  
वायके सांच दिखायो । तब प्रतीत आइ । जो  
प्रन्य वीर्य तो हे नहि । तब ब्राह्मण पंडित पुराणिक  
तो हतो । सो फेर विचार्यो । जो कोइ ओर दोष  
देखे हे । तब अपनी कमाइपे द्रष्टी कीनी सो वा-  
र्षमें एक बनीयाके घर पारायण वांची हती । सो  
राके रूपैया चारसो आये हते । तब मनमें विचारके  
नीयासो पूछी । जो तेनें कथा उपर रूपैया चढाये  
हते । सो तेरे रूपैया कहाँते आये हते । सो सांच  
गेल । तब बनीयाने सांची हती सो कही ॥ जो एक  
कसाइ छेसो रूपैया मेरे यहां धरी गयो हतो ॥ सो  
कसाइ तो मरि गयो ॥ तब वाके रूपैया मेरे पास  
रहि गये । तामें तें चारसो रूपैया कथा उपर तुमकूं  
दीने । ओर दोसो रूपैया मेरे पास धरे हैं । सो घरमें



( १३५ )

मिलाये नहीं । तब ब्राह्मणनें विचारी जो इन रुपैया-  
नको अंस छोराके पेटमें गयो । तासों एसी बुद्धि  
भइ । तब वनीया तें कही । तेने आछो धर्म कीनो ।  
में प्रायश्चित करुंगो तब पेडो छूटेगो । ता पाछें  
शास्त्रमें कहे प्रमाण प्रायश्चित कीनो । तब दोष  
मिटयो ॥ सो द्रव्यको एसो कारन हे । एसे आज्ञा  
कीनी । जो प्रतिग्रह लेय ताको द्रव्यको दोष लगे हे ।  
हक्ककी कमाइ लेवे । ओर चाकरी करीके लेवे । ओर  
रोजगारमें लेवे ताकूं दोष नहीं लगे । ओर सतायके लेवे  
तो चाकरीवारे को ओर रोजगारवारे कोहु दोष लगे  
हे । एसे आज्ञा कीनी ॥

इति श्रीवल्लभजी महाराजके सैंतीसमो वचनामृत संपूर्ण ॥ ३७ ॥



❧ वचनामृत ३८ मो. ❧

अब अडतीसमो वचनामृत आप आज्ञा करत  
हे । सो एक दिन आज्ञा कीनी । सुरतको हाकीम

( १३६ )

नवाब सो बाको नाम गेबरखां हतो । सो बाने, सगरे  
पुराण दो-दो चार चारवार चलायके आछी तरेह  
सूं सुने हते । तासूं पुराणको ज्ञान आछी तरेहसूं  
स्फूरत हतो ओर । यवनके शास्त्र तो सब देखेही हते ।  
सो दोउ मारगमें प्रवीन हतो । जब नवाबके मनमें  
एक संदेह पर्यो । सो सोचके । वह संदेह पंडितन  
तें पूछतो, परन्तु बाको सन्देह कोइने दुरि न कीनो ।  
सो नवाबको कामेती एक कायस्थ हतो । सो आछो  
समझत हतो । ओर वैष्णव हतो । श्री गुसांइजीके  
घरको सेवक हतो । तासूं नवाबने कह्यो । हमारे म-  
नको संदेह मिटायवे वारो कोइ नहि मिल्यो । तब  
कायस्थ रघुनाथदासने कही । याही गाममें हमारे  
गुरु श्रीगुसांइजी श्रीपुरुषोत्तमजी महाराज बिराजत हे ।  
सो तुमारे मनको संदेह मिटावेंगे । तब नवाबको हर्ष  
भयो । बिनती कराय मिलाप करनो चाह्यो । जो  
आप पधारे तो ठीक नहि तो में उहां आउंगो ।

( १३७ )

एसे विचारके विनती करवाइ तब श्री पुरुषोत्तमजी महाराजने आज्ञा कीनी । हमारे घर म्लेच्छ आवे सो ठीक नहीं । तासों नवाबने मीरीबाग करायो सूनेहे । सो हम हुं देखन जायेंगे । ओर नवाब हु उहां बागमें आवे । सो मिलाप होयगो । तब एसेही आप पधारे ओर नवाब गयो तब नवाबने कह्यो । पुराण, गीता मेंन सब सुनेहे । परन्तु मेरे मनको संदेह मिट्यो नहीं । हमारे शास्त्रमें तो ऐसे कहत हे । जो यहां जन्मे हे । सो वह पीछे जन्म नाही लेत हे । ओर पुराणमें असें कहे हैं । जो जीव जैसी कमाइ करी होय ताको आछो बुरो फल भुक्ते हे । फिर जनम मरण वारंवार होत हे । सो यह सन्देह होत हे । जो तुमारे शास्त्र सांचे के हमारे सांचे । सो ये संदेह काहु सो मिट्यो नहीं । तब श्री पुरुषोत्तमजी महाराजने आज्ञा कीनी ॥ जो तुमारे मतके शास्त्रमें कह्यो हे । सोहु सांच हैं । ओर हमारे पुराणमें

( १३८ )

कह्यो हे सोउ सांच हे । परन्तु समझवे में भेद हे ।  
तब नवाबने पूछी । जो समझनमें भेद हे । सो कैसें  
हे ? सो आप आज्ञा करो । तब श्री पुरुषोत्तमजी  
महाराज आज्ञा कीनी शास्त्रकी बात हैं । सो कछू  
बुरो भलो न माननो । तब नवाबने कही । सुखेन  
कहो । हम बुरो नहीं मानेंगे । तब आप आज्ञा  
कीनी॥हमारे पुराणमें सुनेंहे । गौको दूध अन छानें  
कोइ ले, ओर तामें एकबार गौका आवे तो ताको  
कितनो दोष हे । सो कंइ जन्मतांइ नर्कके भोग  
भोगे एसो तुमने सुन्योइ हे । ओर तुमारे मार्गमें  
तो मारके भक्षण करें हे । ताको कितनो अपराध  
होयगो । ताके पापसों तुमारे जीवको पेंडो नर्कतें हु  
नहीं छूटत हे ॥ फेरी जन्म लेनो न पडे तासों वे  
जीव नर्कमेंही पड्यो रहे हे । फेरी उन जीवनको जनम  
काहेको लेनो पडे । ओर हमारे जीवतो छोटे मोटे अप-  
राध करे । जीनके लिये प्रायश्चित शास्त्रवारेनैं हुं लिख

( १३९ )

दिने हे । परन्तु गोप्य करीके लिखें हैं । सो कोउ समझत नाही हे । तब नवाब मनमें समझ गयो । ओर बहोत प्रसन्न भयो ॥ ओर कह्यो । जो आप-बीना मेरो संदेह कोन मिटावेगो । अैसे कहिके दंड-वत् करीके डेरापें गयो । सो नवाब धर्मात्मातो पहलेइतें हतो ओर पहलेइ शास्त्रमें सुन्यो तब सूंही गौको बधतो त्याग कीनो हतो । फेरी आप के वचन सुनीके बहोत विश्वास भयो ॥

इति श्रीवल्लभजी महाराजके अडतीसमो वचनमृत संपूर्णम् ॥३८॥

---

✽ वचनमृत-३९ मो ✽

अब उनचालीसमो वचनमृत आप आज्ञा करत हे । सो संवत् ॥ १८५२ ॥ पोष वदी ४ कुं सेन आरती पीछे आप बिराजे । तब आप आज्ञा कीनी । हम कृष्णगढ गये । तब राजा विजेसिंगने प्रश्न पूछ्यो । काहे तें जो निमानंदी संप्रदायको वैष्णव बेल्यो हतो ।

( १४० )

ताकुं सुनायवेकुं पूछीजो महाराज चारि संप्रदायमें  
 चारि आचार्यतो पहिले प्रगट भये । ओर श्री वल्ल-  
 भाचार्यजी पिछे भये । ताको कारन कहा । तब आप  
 आज्ञा कीनी । जो आगे श्री वल्लभाचार्यजी प्रगट  
 होय । ओर चार संप्रदाय जुदा जुदा चलावें । तबतो  
 ओरनकूं प्रगट होयवेको कलू प्रयोजन नहतो ।  
 ओर चार संप्रदाय तें जुदो अधिक मार्ग प्रकट कर-  
 नो होय । तब तो जुदो प्रगटवो प्रमाणही हे । सो  
 सांचो होय हे । तबतो निमानंदी संप्रदायवारे बेटे  
 हते सो बोले । श्रीआचार्यजीनें यामें कहा अधिक  
 प्रकट कीनो । तब आप आज्ञा कीनी । हम बोले  
 हैं सो तुमकूं जुदो करिके फेरि अधिक दिखाय देंगे  
 तो सांच नही तो झूठ । ओर हमने कही । हमारे तो  
 चारी वाक्य प्रमाण हे । “ वेदाः श्री कृष्ण वाक्यानि  
 व्यास सुत्राणि चैवहि । समाधिभाषा व्यासस्य प्र-  
 माणं तच्चतुष्टयम्”॥ चार्यों वेद, गीताजीमें श्रीकृष्ण

( १४१ )

वाक्य, अर्जुन संजय प्रभृतके वचन नहि सुनने ।  
बाकी श्लोक ॥ ५७४ ॥ श्रीकृष्णके वचन हे सो प्रमाण  
हे, ओर समाधि भाषा श्रीमद् भागवतमें वेदव्यासजीने  
समाधिके प्रसंगमें प्रकट कीनी हे । सो चार्यों हमारे  
तो प्रमाण हे । तब उननें कहि हमारे तो श्रीभागवत  
प्रमाण हे । तब आप कही । हमही श्रीभागवतके  
वाक्यतें जुवाब देयंगे । श्रीभागवत एकादश स्कंधमें  
श्रीभगवानके वचन हे । “आचार्यमां विजानीयात्” ।  
आचार्य हे सो मेरो स्वरूप हे । आचार्यनमें ओर  
मेरेमें भिन्नभाव नहि हे । अैसे कह्यो हे । परन्तु आ-  
चार्यको लक्षण तो कछु कह्यो नहि । जो असो लक्षण  
होय ताकुं आचार्य कहिये । सोतो कहे नहीं । तब  
आचार्य केसें जान्यो जाय । तब नीमानंदी बोले ।  
व्यास सूत्र हे ताकेउपर भाष्य करे सो आचार्य कह्यो  
जाय । यह बात तो प्रसिद्धही हे । तातें जुदो लक्षण  
कहे नहीं । तो कहा भयो । तब आप सुनिके प्रसन्न

( १४२ )

भये । आज्ञा दीनी जो ठीक जुवाब दीनो । सोइ हमा  
 आचार्यनने आधो भाष्य कीनो । ओर आधो श्री  
 गुसांइजीके लिये राख्यो । सो आपने संपूर्ण कियो  
 तासों दोउ वाप बेटानको आचार्य पदवी है । ऐसे  
 आचार्य पदवीको सिद्धान्त कह्योः—फेरी आचार्य होय  
 सो जूठो न बोले । सो यह बात प्रमाण हे के नहीं  
 तब नीमानन्दी बोले । महाराज ! यह बात केसी  
 आचार्य जूठ बोले तो सब बातको प्रलय होय जाय  
 तब आप आज्ञा कीनी । आचार्य भये हे सो निबन्ध  
 सबनने कीनो हे । तामें अपनो अपनों स्वरूप कह्यो  
 हे । सो तुम सब जानतही होउगे । विष्णुस्वामी ॥१॥  
 मध्वाचार्य ॥२॥ नीमादित्य ॥३॥ रामानुजाचार्य ॥४॥  
 सो ऐसे चारि अवतारनके चारि आचार्य भयें हे  
 ऐसे चार्यों अवतार श्रीभागवतके द्वितीय स्कन्धमें  
 गिनार्यें हे । सोउ सब अवतारनको पुरुषावतार मूल  
 बीज हे । श्रीपुरुषोत्तम अवतारतें सब अवतार हैं



( १४३ )

सो अंश कला प्रगट होय अपनो कार्यकरिके पीछे  
पुरुषावतार सों ही लीन होत हे । सोइ कार्य चार्यों  
संप्रदायके आचार्य करत हे । जो उनके शरण जाय  
सो पुरुषावतार तांइ जाय हे । पहलेसों जन्म मरण  
छूट जाय । चार प्रकारकी मुक्ति हे । सोलोक्य ॥  
सारूप्य ॥ सामिप्य ॥ सायुज्य ॥ सो तो तुमारे मारग  
तें ही पावत हे । परन्तु पुरुषावतारके आगे तो अक्षर  
ब्रह्म हे । ओर अक्षर ब्रह्मके आगे पुरुषोत्तम हे । सो  
पुरुषोत्तम तांइतो पहाचवो तुमारे मारगमें नहीं हे ।  
ताके लिये श्रीवल्लभाचार्यजीको प्रागटय पीछेतें भयो  
हे । ओर द्वितीय स्कंधमें फेरिहु पीछे जुदो कह्यो हे ।  
“ एते चांशकलाः पुंसः कृष्णस्तु भगवान् स्वयम् ”  
सो श्रीवल्लभाचार्यजीने निबंध कीनो हे । तामें अपनो  
स्वरूप लिख्यो हे । श्रीसर्वोत्तमजीमें आपको नाम हे ।  
“ श्रीकृष्णास्य ” श्रीकृष्णको मुखारविंदरूप अवतार  
हम हे । सो सब अवतारनतें इनको अवतार मूल हे ।

( १४४ )

श्रीभागवतके द्वितीय स्कन्धमें द्वितीयाध्यायमें—  
 केचित्स्वदेहान्तर्हृदयावकाशे प्रादेशमात्रं पुरुषं वसन्तम्॥  
 चतुर्भुजं कञ्जरथाङ्गशङ्खगदाधरं धारणया स्मरन्ति ॥८॥  
 प्रसन्नवक्त्रं नलिनायतेक्षणं कदम्बकिञ्जल्कपिशङ्गवाससम् ।  
 लसन्महारत्नहिरण्मयाङ्गदं स्फुरन्महारत्नकिरीटकुण्डलम्  
 उन्निद्रहृत्पङ्कजकर्णिकालये योगेश्वरास्थापितपादपल्लवम्।  
 श्रीलक्ष्मणं कौस्तुभरत्नकंधरमम्लानलक्ष्म्या वनमालया-  
 श्रितम् ॥ १० ॥

विभूषितं मेखलयाङ्गुलीयकैर्महाधनैर्नूपुरकङ्कणादिभिः  
 स्निग्धामलाकुश्रितनीलकुन्तलैर्विरोचमानाननहासेपश-  
 लम् ॥ ११ ॥

इनके अर्थमें श्रीसुबोधिनीजी, टिप्पणीजी तथा  
 लेखमें अवतारनके लिये लिखें हे जो प्रादेशमात्रं=  
 श्री वराहजी । १। पुरुष=श्री यज्ञपुरुष । २। वसन्त=  
 श्री कपिलजी। ३। चतुर्भुजं=श्री दत्तात्रय॥४॥ कञ्जरथाङ्ग  
 शङ्ख गदाधरम्=आयुधरूप—सनकादिक ॥ ५ ॥

( १४५ )

प्रसन्नवक्त्रं=नरनारायण ॥ ६ ॥ नलीनायतेक्षणं=ध्रुवजी  
॥ ७ ॥ कदम्बकिञ्जल्कपिशङ्गवाससं=पृथु ॥ ८ ॥  
लसन्महारत्नहिरण्मयाङ्गदं=ऋषभदेवजी ॥ ९ ॥  
स्फुरन्महारत्नकिरीटकुण्डलं=हयग्रीवजी ॥ १० ॥ उन्नि-  
द्रहृत्पङ्कजकर्णिकालये योगेश्वरास्थापितपादपल्लवम्=  
मत्स्यजी ॥ ११ ॥ श्रीलक्ष्मणं=कच्छपजी ॥ १२ ॥  
कौस्तुभरत्नकन्धरम्=श्रीनृसिंहजी ॥ १३ ॥ अम्लान  
लक्ष्म्या वनमालयाञ्चित=श्रीहरि अवतार ॥ १४ ॥  
मेखलया विभूषितं=श्रीवामनजी ॥ १५ ॥ अंगु-  
लीयकैर्विभूषितम्=श्रीहंसावतार ॥ १६ ॥ महा-  
धनैर्नूपुरकंकणादीभिः विभूषितं=श्री मन्वन्तरावतार  
॥ १७ ॥ स्निग्धामलैः=धन्वन्तरि ॥ १८ ॥ कुञ्चित  
नीलकुन्तलैः=श्री परशुरामजी ॥ १९ ॥ हासपेशलम्  
श्रीरामचन्द्रजी ॥ २० ॥ ( अदीनलीलाहसितेक्षणो-  
ल्लसत् । या श्लोकमें ओर हु अवतारनको निरूपण  
हे ॥ या प्रमाण अवतार तो अनेक हे परि जो “जाकूं

( १४६ )

सेवे सो ताकूं पावे ” “ तांस्तथैव भजाम्यहम् ”  
 इत्यादिक स्थलनमें श्रीगीताजीमें तथा श्रीभागवतमें हु  
 लीख्यो हे । सो सब तुम जानत ही हो । क्यों जो तुमको  
 श्रीमद्भागवत, श्रीगीताजी विगेरेको ज्ञान हे । तब  
 निमानंदी सम्प्रदायवारे सुनिके चुप होय गये । ओर  
 आपको श्री मुख देखिवे लगे ॥ क्यों जो पढे हते  
 तासूं सब समझि गये । तब निमानंदीनने फेरि  
 पूछयो, जो महाराज ! हम श्री कृष्णकूं नही पावेंगे  
 कहा ? तब आपश्रीने आज्ञा करी जो ‘ जेसो  
 स्वरूप जानिके भजे तेसोइ फल पावे । उपर कहे ता  
 प्रमाण द्वितीयस्कन्धमें अंशावतार--कलावतारनकी  
 गिनाइ हे तामें हु श्रीकृष्णावतारकी गिनाइ हे ।  
 सो तुमारे आचार्यनकी वा श्री कृष्णतांइ गम्यता हे ।  
 तासूं उनकोही भजन तुमकूं बतायो । सो उन श्री  
 कृष्णको तुम पाओगे । वे श्रीकृष्णावतार युग युगमें  
 होत हे ताकोइ तुम भजन करत हो । तासूं उन-

( १४७ )

कूँही तुम पाओगे । ओर अंशावतारनमेंहु श्रीकृष्णावतार गीनायो हे । ओर ता पिछे हु श्री शुकदेवजी कहे हैं जो “ ए ते चांशकलाः पुंसः कृष्णस्तु भगवान् स्वयम् । ” सो युग युगमें अवतार लेत हैं । ये श्री कृष्ण तो अंशावतारनमें गीनाये । ओर या वाक्यमें जनाये वे तो श्रीकृष्ण पूर्णपुरुषोत्तम हे । उनके मुखारविंदको अवतार श्री बृहभाचार्यजी हे । ओर उनकोही भजन सेवन हमकूँबतायो हे । तासूं हम सब उनही श्री कृष्णको भजन करत हैं। सो उनकूँहि प्राप्त होत हे । ओर तुम युग युगमें प्रगटवेवारे श्रीकृष्णकूँ प्राप्त होवोगे । इतनो तुमारे ओर हमारे श्री कृष्णमें भेद हे । सो जेसो स्वरूप जानीके भजे तेसोइ फल पावे । ऐसे आपश्रीने नीमानंदीन प्रति आज्ञा करी । ओर कदापि तुम उन पूर्ण श्रीकृष्णको भजन करोगे । तोउ गुरुके उपदेश विना तो भजन सिद्ध होयगो नही । जो तुमारे आचार्यननें मन्त्र

( १४८ )

दीनो हे । ता मन्त्रसूं तो अंशावतार श्रीकृष्णको भजन होत हे । ओर पूर्ण मन्त्र तो श्रीमद्वल्लभाचार्यजी देत हे । तासूं उनके शरण आय मन्त्रोपदेश लेयके पूर्ण श्रीकृष्णको भजन करे । तो पूर्ण पुरुषोत्तमको पायवो होत हे । ओर कोइ उपायतें नही ॥ पूर्ण पुरुषोत्तम जानिके भजन करे । परन्तु गुरुके उपदेश विना उनकी प्राप्ति नही होत हे एसें आज्ञा करी ॥

इति श्रीवल्लभजी महाराजके उनतालीसमो वचनामृत संपूर्णम् ॥३९॥

✽ वचनामृत ४० मो ✽

अब चालीसमो वचनामृत आप आज्ञा करत हे । संवत् १८६२ के चैत्र शुदि ॥ १२ कूं आज्ञा कीनी । जो राजा विजयसिंघजीने हमसों अंतरकी बात कहनो पूछनो बहोत हे । तो एक दिन गोस्वामि श्रीबालकृष्णजी पधारे । सो जोधपुरसों विदा भये ।

( १४९ )

तब महाराज विजयसिंघजीने उनके डेरामें जाय रुपैया हजारकी एक थेली भेट कीनी । सो श्रीबालकृष्णजी प्रसन्न भये । ओर कह्यो हमारे यहां आठ हजारकी हुंडी चाहिये । सो देउ तो लें । नहि तो ये हजारकी थेली पाछी ले जाउ । तब दरवारने मालजी सेवकके संग पूछवाइ । तब सवाइ राम महाराज हसत हसत आठ हजारकी हुंडी करवाय दीनी पीछे उहांते विजयसिंघजी विदा होयके हमारे पास आये । ओर हमसूं कही महाराज ! श्रीबालकृष्णजी हुंडी मांगीके लीनी । सो वाकी बात चलाइ ॥ तब हमने कह्यो । श्रीगुसांइजीके बालक तुम पास ऐसैं हठ करीके द्रव्य मागत हे ताको कारण तुम कहा जानत हो ? तब दरवारने विनती कीनी । में तो जानत हो ईश्वर हे । कर्तु, अकर्तु अन्यथा कर्तु समर्थ हे । जो इच्छा होय सो आप करें । तब हमने कही । महाराज ! ऐसे नहीं हे । प्रभु ईश्वरता भाव राखें; तब तो आपुन कहा सेवा करिके

( १५० )

प्रभूनको प्रसन्न करेंगे ! जो लक्ष्मी धरीके प्रसन्न करे ।  
तो साक्षात् रूपवान् लक्ष्मीजी दासी जेसी आज्ञा कारी  
होयके चरणके पासही रहत हे।ओर कदाचित् परचा-  
रगी करीके प्रसन्न करे । तो गरुडजी सरिखे श्रीमुखके  
आगे आज्ञाकारी हे । सो मनतेंही हजारगुनो चले  
हे । ताको एक श्लोक हे ॥ “ भगवति जीवैर्नमनमेव  
कर्तव्यं नाधिकं शक्यमिति सिद्धान्तः ॥ किमासनं ते  
गरुडासनाय किं भूषणं कौस्तुभभूषणाय । लक्ष्मीकल-  
त्राय किमस्ति देयं वागीश किं ते वचनीयमस्ति ॥ ”  
इति वचनात् ॥ ये श्लोक पुरानको हे ॥ सो आपने  
निबंधमें लिख्यो हे । सो अपनी सामर्थ्य कहा । जो  
सेवा करिके प्रभूनको प्रसन्न करेंगे ऐसे शास्त्रमें कहेंहे  
सो इश्वरता भाव राखें; तबतो अपनी काहु सेवासों  
प्रभू प्रसन्न न होय।परन्तु प्रभु तो स्नेह भक्ति करीके  
इश्वर भागवत धर्म छेउनकों त्यागिके सेवा अंगीकार  
करत हे । तब ठंड गरमी भुख सीत सब अंगीकार



( १५१ )

करत हे । ओढन, भोग, सामग्री, मागिके लेत हैं ।  
ओर सेवा अंगीकार करत हे । तेसेइ श्रीगुसांइजीके  
बालक इश्वरता ढांकिके द्रव्य इत्यादिकको संकोच  
जतायके मागिके लेत हे । ओर सेवा अंगीकार करा-  
वत हे । सो सेवा तीन प्रकारकी । श्रीमहाप्रभुजीने ग्रन्थ  
नमें कही हे । प्रथम मानसी सेवा । सो तो काहुसों  
बनी नही आवे हे । ओर सेवाको अधिकार होय जाय ।  
तब तो दूसरी तनुजा, वित्तजा सेवा होय । तीनको  
काहुकों काम नही पडे परन्तु मानसी सेवाको अधि-  
कार तो काहुको लाखनमें एक दोयको होय तो होय ।  
एक ब्रजभक्तनकूं भइ एक दोय एतन्मार्गीय वैष्णव-  
नकों सिद्ध भइ हे । सो वार्तानमें प्रसिद्ध हे । ओरतो  
काहुको अधिकार नही हे । क्यों जो यह मार्ग कृपा  
साध्य हे । तब वे मानसी सेवाके साधनरूप दूसरी  
दोय सेवा तनुजा वित्तजा हे । सो तनुजा वित्तजा  
भेलो पद धर्यो हे । मुख्य तनुजा तनसूं होय सो ।

( १५२ )

सेवा हे ॥ ओर तीजी वित्तजा ॥ सो तो सब लें उतरती सेवा हे । सो हम विजयसिंहजीसों कह्यो । आपसूं तनुजा तो कटू होय न सके । क्यों जो राजा हो । जब आवो तब घडि आध घडी पंखा छबडि करो । तथा चरण सेवा करो । सोउ पुरी सेवा तुमते नहि वनत हे । तासों तुमकों तो एक वित्तजा सेवाको अधिकार हे । तनुजातें हीन निपट ओछी वस्तु हे । सो सेवा तुमारे पास करावत हे । सो श्रीगुसांइ जीके बालक इश्वरता भाव दिखावे । तथा दोय चार स्वरूप हैं । तेसैं सब स्वरूप होय तो तुमारी परवाह कोउ काहेको राखें । तब तुम कहा सेवा करो । परन्तु इश्वरता छिपाय माथे करजकी लीला दिखायके तुमारो द्रव्य मागिके लेत हे । ऐसे सिद्धान्त विचारनो । ऐसैं आपु आज्ञा कीनी । तब महाराजा विजयसिंहजी बहोत प्रसन्न होयके दंडोत करिके घाटपें पधारे । सो आप आज्ञा करी जो एसी एसी ह-

( १५३ )

मारें और दरवारके बहोत वार्ता होती । सो राजा बड़ो वैष्णव हतो । एसो वैष्णव पृथ्वीपर होनो बहोत कठीन हे । एसे आज्ञा कीनी ॥

॥इति श्रीवल्लभजी महाराजके चालीसमो वचनामृत संपूर्णम् ॥४०॥

—◆—  
❧ वचनामृत ४१ मो ❧

अब एकतालीसमो वचनामृत आप आज्ञा करत हे ॥ संवत १८६२ चैत्र सुदी १२ के दिन आज्ञा कीनी । हमारे बड़े श्री वल्लभजी महाराज । हमसों चोथी पेढी तिनकी वार्ता । हमारे दादाजी के पास सुनी ॥ ओर श्री गोविंदरायजीकूं आज्ञा करते उनहुने अपने पिताके पास सुनी हती । सो बड़े श्री वल्लभजी सेवातें पहोचिके दुपहरीको तथा रात्रकों एकान्त बैठते ओर सगरे ग्रन्थनकी टीका विचारते सो देहानुसन्धान भूलि जाते । ता समय काहुकों पास न राखते ॥ सो एक दिन आप उंचे स्वरसो

( १५४ )

रुदन करत भये । सो किंवाड लगायके जापलो करि  
बैठे हते । सो भितर तो कोउ जाय शके नही । तब  
दादाजीने आज्ञा करी । जो हम हमारी बेठकमेंते निचे  
गये । तब आप रुदन करते रहि गये । तब हमारे  
दादाजीने पूछी । जो आपनें एसो रुदन क्यों कियो ?  
तब एक वारतो आपनें नाही करी जो हमने तों रुदन  
नही कियो । पिछे बोहोत आग्रह करिके पूछी । तब  
आज्ञा कीनी । कहा करे हमसों कछू श्रीनाथजीकी सेवा  
होय सकत नाही । तब आपुके दादाजीसूं तातजी  
जानीके नही कहत हते । यथार्थ कहत हते । आप  
सेवा कीनी ओर करत हो ॥ ऐसी सेवा कोनसों  
होयगी । जो 'घरंटें चून महीन बहोत होय हे । तासों  
रोटी बहोत सुंदर बनें । ओर महीन आटा विना  
रोटी आछी न होय। सो जब श्रीनाथजी श्रीगिरिराज

---

१ बळदथी चालती लोट दळवानी चक्की जेने घंटी, -घंट,  
अथवा घरंट कहे छे.

( १५५ )

तैं पधारे । तब रस्ता चलतैं घरंटको मेल कहांते  
होय । तब एक भारी घंटी संगलीनी हती । सो  
ओरकूंतो दोय जनेनकूं रूपैया रोज देय तोहु कोउ  
पीसवेवारो बेंठे नही । क्यों जो घरंटी भारी बहोत हती  
तासूं । सो एक तो आप ओर दूसरे श्री वल्लभजीए  
दोउ स्वरूप चार वरसतांइ घंटीकी सेवा कीनी । एसी  
सेवा कोन करेगो । आपकीसी सेवातो आपहीसैं  
बनें हे । तब आप श्री बडे वल्लभजी आज्ञा कीनी ।  
हम कहा सेवा करत हे । रात्रको तथा दुपहरीको  
सोवत हे । बेठत हैं । बहोत विश्राम लेत हैं । सेवातो  
शेठ पुरुषोत्तमदासकी बेटी रुक्ष्मीणीनें कीनी । सो वा-  
की वार्ता में विस्तारते लीखी हे । श्री गुसांइजीनें रुक्ष्मी-  
णीसो पूछी तुमनें गंगा स्नान कितने वर्षमें कीनो ?  
तब रुक्ष्मीनीने कही । जयराम ! चोवीस वरसमें कीनो ।  
तब आप बहोत प्रसन्न भये । जानी जो सेवामेंतैं  
अवकाश नही पावत हे । सोइ कहे । जो अवकास

( १५६ )

क्यों नहीं । राजभोग आरती पिछे जायतो घडि एक लगे । पाछें आयके प्रसाद लेय तो होय सके हे । परंतु जो वे गंगा स्नानकों मुख्य माने तो ऐसे करे । यहां तो सेवाकोइ मुख्य जानें हे । तासों प्रसाद ले के दुपहरको भूमिमें चटाइ बिछाय उपर दोहरी सारी बिछायके बेठे । ओर कोरो अन्न विनवो करे । सो बीनते बीनते आलस्य आवे तब चटाइपें सोय रहे । पिछे उत्थापनको समो होय । तब फेर सेवामें न्हाय । सेन आरती पर्यन्त सेवा करी बाहिर आवे । तब देह कृत्यकरि व्याख्य करे । पीछे वहांइ खाट बिछायके कोरो अन्न दीयाके उजारेमें विनवो करे । अैसे सेवा करत करत अष्ट प्रहर व्यतीत होय जाय । तब श्री गंगा स्नानकुं कैसें जाय सके ? सो सेवातों रुक्ष्मीणीनें करी ॥ हमतो राजभोग पिछे पलंग बिछायके सोवत हैं । एसो सिद्धान्त आपने दिखायो ॥

। इति श्रीवल्लभजी महाराजके एकतालीसमो वचनामृत संपूर्ण ॥४१॥

( १५७ )

• वचनामृत ४२ मो ११ •

अब ब्यालीसमो वचनामृत आप आज्ञा करत हे । संवत १८६२ चैत्र सुदि १४ ॥ सेन आरती पहिले गोस्वामि श्रीविठ्ठलनाथजी महाराज चांपासेनी वारेने आज्ञा कीनी । श्रीभगवान् कर्तुं अकर्तुं अन्यथा करण समर्थ हे । सो ये बात कल्याणभट्टजीने श्रीगोकुलनाथजी सों पूछी । तब श्रीगोकुलनाथजी महाराजनें आज्ञा कीनी । जे तीन बाततो राजानमेंहु बनी आवत हे । चाहे ताकूं मरवाय डारे । चाहे ताकूं मोटो करि देय । ओर नही कर्तव्य होय सो करें । तब कर्तुं अकर्तुं अन्यथा कर्तुं राजाकोही क्यों न कहेत हे । परन्तु एसे नही हे । राजा तो अपने राज प्रमाण देय सकें हे । जो बरोबरको होय ताको राज मागे तो कछू दियो जाय नही । तातें येतो तीन्यो बात श्रीभगवान् मेंही संभवे हे । ताको उदाहरण । ‘ कर्तुं ’ तो अजामिल विषे हे । जो

( १५८ )

अजामिल पाप करके तरे । परन्तु वे तो नर्कके योग्यही हतो सों नहि होन दीनो । यमपाशतें छूडाय दीनो । पाछें वैकुण्ठ गयो । सब पाप धरेही रहे । ओर चाह्यो सो दीनो । अब दूजो 'अकर्तु'पणो अंबरीष विषे हे । दुर्वासाको श्राप भयो नही सो कोन कहेगो । सो आपने छुडाय दियो इनकोही कर्तु क्यों नही कह्यो । सो इतनो भेद हे । अजामिलको यम पाशतें छूडायो । ओर वैकुण्ठ पठाय दीनो । इतनो भेद । फल दीनो होय तोउ द्रष्टान्त जुदो जुदो होय हे । ओर अन्यथा कर्तु भरत विषे । भरत राज्यको छोडि मुक्तिको साधन कीनो । सो मुक्ति सिद्ध होय । तासों डिगाय दीनो । ये अन्यथां करतो । सो तिन्यो उदाहरण श्री भागवत विषे हैं । एसे आज्ञा कीनी । भरतको मुक्ति साधन सूं डिगायो ताको कारन ओर हे । ताको बडो फल पुष्टिलीला देवेकी इच्छा हती । भरतनें मुक्ति कोही साधन कीनो हतो । तब आपनें वा साधनकूँ



( १५९ )

डिगाय दीनो॥पीछे दूसरो फल दीनो॥एसे आज्ञा कीनी॥  
इति श्रीवल्लभजी महाराजके बेतालीसमो वचनामृत संपूर्ण॥ ४२ ॥

❧ वचनामृत ४३ मो ❧

अब तेतालीसमो वचनामृत आप आज्ञा करत  
हे ॥ जो श्री विठ्ठलरायजी महाराजने पूछयो । मेष-  
संक्रान्ती कभी अखात्रीज पिछे आवे तो सतुवाभोग  
केसे धरिये ? तब आपने आज्ञा करी । ऐसे कभी  
होयही नहीं । अखातीज पहलेहीं मेष संक्रान्त आवे  
हैं । ताके पीछे रक्षाबन्धनकी वार्ता चली ॥ सो आप  
आज्ञा कीनी । श्रवण नक्षत्रमें राखी बांधनी । ओर  
भद्रा टालदेनी । सो भद्रा टलत पुनम प्रभातमें होय,  
तो प्रभातकूं राखी बांधनो । भद्राटलत पूनम सांजकूं  
होय तो सांजकूं राखी बांधनी । परन्तु प्रभातकूं मु-  
हूर्त आवे तो सांझकूं राखी न बांधनी । क्यों जो राखी  
तो घरमें बांधे हैं । ओर पिछे तो वनमें पधारत हे ।

( १६० )

सो संध्या आती तांड़ तो वनमें विराजत हे । तब वनमें राखी केसे बांधे । वे सब बात तो श्रीगोकुलेश्वर जीनें कही हे । सो उननें सब स्वरूपको वर्णन कीनो हे । ऐसे आज्ञा कीनी ॥

॥ इति श्रीवल्लभजी महाराजके तेंतालीसमो वचनामृत संपूर्ण ॥४३॥

❧ वचनामृत ४४ मो ❧

अब चुवालीसमो वचनामृत आप आज्ञा करत हे ॥ सं १८६२ वैशाख वदी ३ कों आज्ञा कीनी ॥ श्री आचार्यजीके बडेलालजी श्रीगोपीनाथजीकों स्वरूप तो पुष्टि हे । परिपुष्टि ढांकिके मर्यादा दिखायवे लगे । जेसे श्रीकृष्णावतारमें श्रीबलदेवजी । तेसे यहां श्री गोपीनाथजी कहिये । “ बलदेव श्रीगोपीनाथ कहिये श्रीविठ्ठलनंदनंद ” । ऐसे वल्लभाख्यानमें गोपालदासजीनें वर्णन कीनो हैं । श्रीगोपीनाथजी श्री-जगन्नाथरायजी दोयवेर गये हतोपहलीबेर तो बहार ठाडे रहीके दर्शन किये । दूजी बेर पधारे सो श्रीठा-

( १६१ )

कुरजीके स्वरूपमें लीन होय गये । पाछे नही पधारे  
मंदिरमें पधारते तो सबननें देखे । फेर काहुको दर्शन  
न भयो । एसी लीला दीखाइ । सो श्रीगोपीनाथजीकी  
बेटीजी । श्रीलक्ष्मीजी ओर श्रीसत्यभामाजी । ये दोउ  
प्रगटभइ।सत्यभामाजीको व्याह भयो हतो। सो व्याह  
भये पिछे तुरतही वा के वरनें श्रीगुसांइजीके घरमेंही देह  
छोडी । पठामनी हु न भइ हती । तब सब कोउ घरमें  
कहन लागे । देखो बिचारीकी पठामनीहु न भइ ।  
सो श्रीसत्यभामाजी तो निपट बालक वर्ष पांच तथा  
छें के हते । सो आयके श्रीगुसांइजी सों कही।जो सब  
कोउ कहत हे जो याकी पठोनीहु न भइ । सो मेरी  
पठोनी तो करो ! तब आप आज्ञा कीनी । ठीक हे ।  
तेरी पठोनी करेंगे ॥ तब श्रीसत्यभामाजीको न्हवायके  
श्रीठाकुरजीके पास ले गये । ओर कही तेरे पति बेही  
प्रभु हैं । एसे कहि हाथ पकराय गोदमें बेठाय दीने ।  
सो श्रीठाकुरजीने इनके सकल मनोरथ सिद्ध कीयो।ओर

( १६२ )

वोहोत सानुभाव जतावते । एकदिन श्रीसत्यभामा जी । भोग धरिवेकुं भितर गये । तब श्रीठाकुरजी आप आज्ञा कीनी । आज में तुमको गारी दिवाउंगो सो सखडिको सागलेयके श्रीठाकुरजीने अनसखडिकी चोकीपें धरि दीनो । सो भोग सरावती वखत श्रीगुसांइजीने देखिके कह्यो । जो यह कोननें धरि दीनो हे । तब श्रीसत्यभामाजीनें आयेक कह्यो । हमने तो सखडि भेलो धर्यों हतो । परन्तु श्रीठाकोरजीने मोकुं आज्ञा करीहती । जो तोकुं गारी दिवाउंगो सो आपुनेइ धरिके हमकुं गारी दिवाइ हें । तब श्रीगुसांइजीने आज्ञा करी । श्रीठाकुरजीके धरेतें सखडि न होय । ये सागको कटोरा उठाय ले । तेंनें धर्यों होतो तो अनसखडीमें सखडी मिल जाती । परन्तु श्रीठाकुरजीके धरेतें नहि मिले हे । एसें आज्ञा कीनी ॥ इति श्रीवल्लभजी महाराजके चुवालीसमो वचनामृत संपूर्णम् ॥४४॥

---

• ❧ वचनामृत-४५ मो ❧ •

अब पेंतालीसमो वचनामृत आप आज्ञा करत  
 हे । श्रीगुसांइजीके बडे पुत्र श्रीगिरिधरजी । वे श्री  
 गिरिधरजीके चार पुत्र हते तीनमें छोटे श्रीगोपीनाथजी।  
 तिनकों श्रीदीक्षितजी कहते । सो श्रीदीक्षितजी  
 के चार पुत्र तिनमें बडे श्रीरणछोडजी । छोटे श्री  
 मोहनजी । सो तिनको तो वंश चल्यो नही । बहुजी  
 हते तिनसों सबकोइ माजी कहते। ओर बडे पुत्र श्री  
 रणछोडजी तिनके पुत्र तीन । ओर श्रीगिरिधरजी  
 के पुत्र तीन । श्रीगोपीनाथजी, श्रीगोपालजी, ओर  
 श्रीगोपउत्सवजी । सो श्रीमोहनजीके बहुजीकों  
 सबकोउ माजी कहते। सो वे अंमाजी श्रीमथुरशजीको  
 “ मधुमा ” कहीके बोलावते । श्रीरणछोडजीके नाती  
 श्रीगोपउत्सवजीको जन्म भयो । तब अम्माजीसों  
 पूछी । इनको नाम कहा धरेंगे । तब श्रीअम्माजीने  
 कही । जो यह श्रीठाकुरजीके पास गोप हतो । वानें

( १६४ )

श्रीठाकुरजीके पास ब्रजभक्तनके सुखकी प्रार्थना करी तब श्री ठाकुरजीने आज्ञा करी । ऐसे ( अब ) तो न होयगो । ( तुमारो ) श्रीगुसांइजीके घर प्रकट भये पिछे अधिकार होयगो । सो यानें एसो मनोरथ करी अवतार लीनो हे । तातें इनको नाम “ श्रीगोपउत्सवजी ” धरो ॥ ग्रहस्थ तो होयगो परन्तु थोरोही रहेगो ॥ पीछे बडो भयो तब व्याह कीनो सो वर्ष चालीसके होयके देहत्याग कीनो । और जेसैं श्री सत्यभामाजी सों । श्री ठाकुरजीने कही हती । तोकूं गारी दीवाउंगो । ते सेइ श्रीअंमाजीसों कही । एक दिन भोग धरत श्री ठाकुरजीने कह्यो तोकूं गारी दिवाउंगो । सो पीछे सखडीमेंतें सागको कटोरा ले के नयो सिंघासन वस्त्र हतो ताके उपर ओंधो मारीके सिंघासन वस्त्र बीगाड दीनो । सो पीछे भोग सरावती बीरीयां आप गारी दे के कह्यो । एसो कोननें भोग धर्यो हतो जो कटोरा ओंधो मारिके सिंघासन वस्त्र बीगाड दीनो ॥ अैसे कही

( १६५ )

खाजे तब अम्माजी आयके कहें । यह तो आपहीके काम हैं । हमसूं कही हती तोकूं गारी दिवाउंगो । सो गारी दिवाइ । एक विरियां श्रीमथुरेशजी श्री नवनीतप्रियाजीके पास विराजत होते तब श्रीआचार्यजी महाप्रभुजीको उत्सव आयो । सो बड़ा छालमें भिजवायके राखे होते ताकी मथनी भरिके धरी हती । ता मथनीसूं एक सर्प आयके लिपट गयो । तब आपने स्वप्नमें श्रीअम्माजीकूं आज्ञा कीनी । जो काल उत्सव हे । सो उहां तो सामग्रीकी मथनीसूं सर्प लिपट गयो हे । सो प्रभातकूं देखेंगे तब सामग्री बाहिर काढेंगे । तासों तुम बडानकी सामग्री सिद्ध करीयो।ओर प्रभात उत्सव हो।सो भोग धरियो। सो हम यही आरोगेंगे । ऐसे श्रीमथुरेशजीने आज्ञा कीनी । तब श्रीअम्माजी उठके श्रीगोपालजीकूं बुलायके कहे । जो मोसों ' मधुमाने ऐसे कह्यो हे । सो मेंतो सामग्री सिद्ध करूंगी । तब श्रीगोपालजीने

( १६६ )

कह्यो करिये । तब रात्रकूं न्हायके सामग्री सिद्ध करी  
 ओर कह्यो जो प्रभात उत्सव हे ॥ सो भोग धरिये ।  
 पिछे श्रीगोपालजी कासिद् भेजके खबर मगवाई सो  
 उहां वेसई भयो हतो । सामग्रीकी मथनीसों मोटो  
 सर्प लिपट्यो हे । तब सामग्री सब गिराय दीनी ।  
 सोवे श्रीअंमाजी सों श्रीमथुरेशजी एसे सानुभाव हते  
 । अनेक प्रकारको सुख देते । सो आप श्रीवल्ल-  
 भजी महाराजने आज्ञाकीनी जो हमारे माजीकी ना-  
 नीजी लगते ॥ श्रीगिरिधरजीके छोटेलालजी श्री  
 दीक्षितजी तिनके श्रीगिरिधरजी, जीननें श्रीमथुरे-  
 शजी पधराय दीये । तिनको परिवार बोहोत हतो ।  
 तासों श्रीमथुरेशजीके नेग प्रमाण पुरी तो थोरी होय ।  
 ओर बेटा बेटा बहोत तासों सांझकूं बाहर लीटी जुदी  
 होय । सो वे लीटी ओर श्रीठाकोरजीके सेनभोगकी  
 दार आवे सो श्रीअंमाजीसब बालकनकूं दार ओर

---

१ बाटी जवी एक प्रकारनी देसणनी सामग्री थाय छे ते.



( १६७ )

लीटी भरते हते॥श्रीअंमाजी बोहोत वृद्ध हतोदृष्टिबल थोरो हतो । तासों जो बालक आयके मागे तिनको नाम पूछ पूछके अंमाजी परोसते ॥एक दिन श्रीमथुरेशजी पधारिके पाताल मांडी । तब अम्माजीने पूछी तेरो नाम कहा हे । तब श्रीठाकुरजीने कही मेरो नाम श्रीमथुरेशजी हे तब एसो एक बालककोहू नाम हतो तासों अम्माजीने पूछी तुमतो पहले आय गये हते । तब आप बोले मेंतो नही ले गयो। तब आपने श्रीठाकुरजीकी बोली पहेचांनी । तब कही तुमतो “मधुमा” हो । तब श्रीमथुरेशजीने कही हां में हूं । तब कही महाराज ! आप हमारी जुठनमेंते क्यों लेत हो । ये तो उचित नहीं हे। तब श्रीठाकुरजीने आज्ञा करी। तुम भितर लीटी न करो तब में कहा करूं । मोकूंतो लीटी बोहोत भावें हे । ता दिनतें श्रीमथुरेशजी सेनभोग में लीटी आरोगत हैं । एसें श्रीअंमाजी सों श्रीमथुरेशजी सानुभाव हते ॥

इति श्रीवल्लभजी महाराजके पेंतालीसवो वचनामृत संपूर्णम् ॥४५॥

( १५८ )

❧ वचनामृत ४६ मो. ❧

अब छेतालीसमो वचनामृत आप आज्ञा करत है॥ श्रीगिरिधरजीके तीन लालजी, हते। बड़े श्रीरणछोड़-जी) छोटे श्रीगोपउत्सवजी, बीचले श्रीगोपालजी हते सो सबनकूं लेयके आप श्रीगोपालजी ब्रजमें पधारे हते तहां अपनी माजीसों कह्यो। जो मैं देहत्याग करूंगो। ओर भगवत्सुखकी प्राप्ति होयगी। ताको तुम आनंद मानीयो। परन्तु दुःख करीयो मति। ऐसे आज्ञा करीके श्रीगोपालजी लीलामें पधारे। पिछे माजीतो दुःख करेही। सो व्योहारके लिये सबकीनो। पाछें श्रीगोपउत्सवजीकी बहुजीने श्रीमथुरेशजीके मंदीरमें राजभोगकी झारी भरत वाही दिन (श्रीगोपालजीकूं) देखे॥ सो बाहिर आयके कह्यो। जो छोटे जेठजीकों तो (हमने) झारी भरत मंदिरमें देखे हते। सो जेठजीने याही स्यायत देहत्याग कीनी हे। तब सबननें कह्यो ठीक हे। आजतें सूतक मान्यो जाय। तब (ओर)

( १६९ )

सबनमें कही सूतकतो कागद आवे जब मान्यो जाय  
लोकको व्योहार ऐसेही हे । पीछे दोय चार दिनमें  
कागद आयो। सो मंदीरमें देखे हते ताही वखत ताही  
मितिको देहत्यागको कागद आयो । सो प्रभु श्रीआ-  
चार्यजीकी कानी करीके एसी भांति सानुभाव जतावते॥  
इति श्रीवज्रभजी महाराजके छेंतालीसमो वचनामृत संपूर्ण ॥४६॥



❧ वचनामृत ४७ मो ❧

अब सुनतालीसमो वचनामृत आप आज्ञा क-  
रत होजो श्रीरणछोडकी सेवा द्वारिकामें गुगली ब्राह्मण  
करत हैं। सो स्वरूपतो श्रीकृष्णभगवान्नें जब अंतर्धान  
लीला करी। ओर श्रीद्वारिका समुद्रमें पधारी। तब श्रीकृ-  
ष्णके पोते वज्रनाभजी रहे तिननें श्रीद्वारिकापुरी फीर  
वसाइ । तब गोमतीजी उपर मंदिर सिद्ध करवायके  
स्वरूप पधरायो । सो स्वरूप गुजरातमें ठासरा प्रगनामें  
डाकोरजी गामहे । तहां पधारे तिनकी वार्ता ॥ सो श्री

( १७० )

डाकोरजी गाममें राजा बोडाना ताके जातिको विज-  
यचंद नामको वर्ष बारहको छोरा। सो कोउ संघ श्रीद्वार-  
काजीकों जातहतो । ताके संग गयो। तब प्रभुने याके  
उपर कृपा करी। सो चित्तमें भक्ति उत्पन्न भइ। सो विजय  
चंदने एसो नैम लियो। जो जेमनें हाथमें तुलसी बोवे छे  
महिनामें तैयार होय । तब श्रीद्वारकाजी जायके श्री  
रणछोडजीकूं चढावे । श्रीद्वारकाजी तें डाकोरजी कोस  
१७५ के आसरे हैं । एसे तीसवर्ष तांड़ वानें तुलसी  
चढाइ । ओर रुजगार कछू कीनो नही । सो द्रव्य तो  
घरमें कहां सूं होय । घरमें एक बाकी स्त्री ताके पास  
हु धनी कमाये विना गहेनो गांठो कहां ते होय । सु-  
वर्ण में तो मासा दोयकी नाकमें वाली हती । सोइ  
ओर कछू मिले नही परन्तु स्त्रीहु भलिमानस हती ।  
सो यथावत् निर्वाह करे । ओर प्रसन्नतामें धनीकी  
आज्ञामें रहे । भगवदीयके संगते भक्ति (आछी भइ)।  
सो विजयचंदने सत्रह वरसतांड़ कछू उद्यम कीनो

( १७१ )

नहीं । तन मन धन श्रीरणछोडजीकों जानके एसी  
भांतिसों तुलसी हाथमें बोयके सत्रह वरसतांड़ सेवा  
कीनी ॥ तब एक दिन श्रीरणछोडजीनें प्रसन्न होयके  
विजयचंदकूं आज्ञा कीनी जो तेरी भक्ति तैं में बहोत  
प्रसन्न भायो हूं । तोकों आवत जात श्रम बहोत होत  
होयगो । तासों हमही तेरे घर पधारेंगे । तासों अब  
के आवे तब हमारे लिये एक गाडि लेत आइयो ॥  
पिछे विजयचंद वहांते अपने घर आयो तब ओर तो  
काहु सों कहि नहीं । एक अपनी स्त्री सों कही । एक  
व्हेल तैयार करो । घरमें द्रव्य होय तो चाहे तैंसी  
\*व्हेल तैयार करावे । सो घरमें कछू मिले नहीं । पर-  
न्तु रजपुतके घरमें जुनी पुरानी व्हेल होगी । सो तै-  
यार कीनी । ओर निर्बल जैसें वेल जुतके श्रीद्वार-  
काजी गयो । सो सदातो पावन जातो ओर अबके  
व्हेल लायो । सो गुगली सब बाकी हांसी मसकरी

---

\* गाडी.

( १७२ )

करवे लगे ओर आंख फार फारके व्हेलको देखते । एसें करत करत श्रीठाकुरजी पोढे ओर विजयचंद तो आरतीके दर्शन करीके गाडिमें आय सो-यो । पाछे मंदिरके ताला मंगल भये ॥ सो मंदिरके पिछवारे गुगली सोवतो जब अर्ध रात्र भइ तब मंदिरके किंवार खुल गये । ओर श्रीरणछोडजी बो-डाणाकी गाडिके पास पधारे । ओर हेलापाडिके बाकुं जगायो । सो देखे तो श्रीरणछोडजी ठाडेहे। सो दर्शन करीके बोहोत प्रसन्न भयो। आप व्हेलमें चढके बिरा-जे । सो जुनी गाडि ओर निर्वल बेल हते । परन्तु श्रीठाकुरजीकी इच्छातें १७५ कोसको रस्तो काट दोय प्रहर दिन चढ्यो तब श्रीठाकुरजीमें पधारे । गाम बहार एक निमडाको वृक्ष हे। तहां गाडि ठाडी करी। सो बा गाडि उपर जो निबडाकी डार हती सो आज पर्यंत मीठी हे । पाछे गाममें खबर करी तब श्रीठाकुरजीकों

( १७३ )

गाममें पधराये जहां गाडि खडी करी हती तहां<sup>१</sup> चरणके दर्शन होत हैं ॥ पीछे वह गुगलीनको दिन उगे खबर पडि । तब बहोत उदास भये । ओर सब मिलिके मनसुबो कीनो जो वे बोडाणो आयो हतो सो श्री ठाकोरजीकुं निश्चय पधराय गयो होयगो परंतु वाके बेल तो एसे निर्वल हे । सो कितनी दूर गयो होयगो । दोय चार कोसपें जाय पहोंचेंगे । सो दोरते दोरते राहमें बीस कोसकी मजल कीनी परि कोउ मिल्यो नहि । एसे सात दिन तांड़ चले सो श्री डाकोरजी आये । इनको आये सुने । तब जान्यो जो श्रीठाकुरजीकुं देखेंगे तो पिछे ले जायंगे। सो वाके भयके मारे वहां मोटो तलाव हतो तामें श्रीठाकुरजी पधराय दीने । पिछे वा तलावको नाम गोमती धर्यो ।

---

१ ये स्थल गुजरातमें आणंद-गोधरा रेलवे ( बी. बी. सी. आइ ) में उमरेठ ओर डाकोर स्टेशनके बिचमें रेलमें बैठे बैठे दीख सकेहे. वधु विगत माटे “ तीर्थयात्रानो हेवाल ” ए पुस्तक वांचो.

( १७४ )

सो वामें श्रीठाकुरजीकों पधरायके आप-विजयचंद-  
गुगलीनकों मिलवे आये । सो एकनें आगे आयके तीर  
मार्यो । सो लगत मात्र बोडाणो तो धरतीमें गिर पर्यो ।  
इनकों तिर लग्यो सो लोहु-लोही निकस्यो । तब  
वाही क्षण तलावमेंतें श्रीभगवानके शरीरमेंतेंहु लोहु  
नीकस्यो । सो सब गोमतीके जलमें लोहु हे गयो । जब  
बोडाणाके तीर लग्यो सुन्यो तब इनके भाइ सब गाम  
भेलो करिके वैर लेवेको चढि आये । तब बोडाणा  
बोल्ह्यो । जो इनसों कोउ कलू करेगो सो मेरो दुश्मन  
होयगो । इनको तो रजा बंदी करीके सिख देउगे ।  
तब मेरो शरीर छूटेगो । तब गामके लोग सब पाछे गये ।  
ओर बोडाणाकी देह छूटी । तब गुगली गाममें आयके  
घरनों देयके बेठे । ओर कहे जो हमारे श्रीठाकुरजी  
देहु नातर हम देह त्याग करेंगे । तब ब्रह्महत्यासों  
सब डरे । तब बोडाणाकी स्त्रीने श्रीठाकुरजीसों विनती  
कीनी । जो महाराज इनते कैसें छूटिये । तब



( १७५ )

आप.आज्ञा करी जो । ये लोक लालची बहुत है ।  
तातें इनसों कहो । जो श्रीठाकुरजी न देयंगे । श्री  
ठाकुरजीके बरोबर सुवर्ण ले जाउं। तब यानें कह्यो जो  
महाराज सुवर्ण लेवे तो इतनो सुवर्णमें कहांतें लाउं ।  
तब श्रीरणछोडजीनें कह्यो । जो तेरे घरमें नाककी  
वारी हे। सो धरि दिजो में वाकी बरोबरी तुल जाउंगो।  
तब बोडाणाकी स्त्रीने ऐसे गुगलीनसों जुवाव दीनो ।  
तब गुगलीननें विचार्यों जो दुसरो स्वरूप पधराय  
लेइंगे । सुवर्ण तो इतनो ले लेवें । तब लिखत पढत  
सब करी लीनो । पाछें तुला मगायके नाकमें सोनाकी  
वाली हती सो तुलामें धरी तब तुलाको पछा  
नीचो होय गयो । तब सबननें श्रीठाकुरजीकी इच्छा  
जानी । ओर बचनमें हारि गयो। सो वे पाछे गयो ओर  
श्रीठाकुरजी डाकुरजी पधारे । तब कीतने वरस सेवा  
चली । पाछें कितने वर्ष ताई अपूज्य बिराजे बतावे है।  
पाछें श्रीगुसांइजीके बालक पधारे उननें फेरि पाट

( १७६ )

बैठाये । तब सेवा होन लागी ॥ तब अपने सेव्य  
स्वरूप करिके सेवा सोपी। तापिछे श्रीगुसांइजीके वालक  
पधारे हे । सो सेवा शृंगार सब करते हे । अब तो  
बडे मंडानसों सेवा होय हैं । गुजरांतके लोग बहुत  
यात्राकों आवें हैं । सो आसोज सुदी १५ को तथा  
कार्तिक सुदी १५ को ये दोय महिनामें मेला बहोत  
भारी होत हैं । ऐसे श्रीवल्लभजी महाराज आज्ञा  
करी ॥ पिछेतें कितनेक स्वरूप श्रीव्रजाधीशजीके  
संग गये हते । ता पिछे हमनें दोयवार । संवत् १८६३  
आसोजमें आपके दर्शन करे हे । ओर आसोज सुदी  
१५ शरदके मेलांमें मुकुटको दर्शन कीने । पीछे  
तीजी बेर संवत् १८६४ आसोजमें श्रीरघुनाथजी महा-  
राजके संग बडोदातें आये । ऐसे तिन बार दर्शन  
कीने । फेरि पिछे गुगली उदास होयके बैठे । रात्रकूं  
सोये । तब आप स्वप्नमें आज्ञा कीनी में सदा द्वारकामें  
विराजूं हूं । ओर तुम जुदो स्वरूप पधराओ । यात्रा

( १७७ )

वहां वेसीही आवेगी । ओर तुमारी आजीविका हु  
बंध न होयगी । तुम चिन्ता मति करो । पिछे प्रभात  
भयो। तब गुगली पिछे फीरो। सो दूसरी मूर्तिकी प्रतिष्ठा  
करायके पधराये । सो कितनेक वर्षतो विराजे । जात्रा  
वेसीही चलत भई । पिछे गुगली लालची बोहोत सो  
कछू सेवातो करे नाहि । ओर एक लेवेकी गरज राखे ।  
तासों श्रीठाकुरजी गुगलीनसों अरुढ भये । ओर  
अन्तर्धान होय गयो। तबतो गुगली फेरि उदास भये ।  
ओर विचारके दूसरो स्वरूप पधराय लाये । सो पध-  
रायवे लगे । तब आज्ञा कीनी जो । एसे अनेक स्वरूप  
पधरावोगे । तोहू हम विराजेंगे नही । ओर समुद्र  
आवेगो । सो तुम सबनको बुडाय देयगो । तब गुगली  
तो डरपे । तब विज्ञप्तिकीनी । महाराज हम कैसें करे ।  
तब आज्ञा भई श्रीगुसांईजीके पांचमे लालजी श्री-  
रघुनाथजीके पास जावो । वे स्वरूप पधरावेंगे । ओर  
वे कहे ता प्रमानसों सेवा होयगी । तापिछे हम वि-

( १७८ )

राजेंगे॥तब वे सब गुगली श्रीरघुनाथजीके पास आये।  
 ओर आपकूंहु वाही देसमें कहूं आज्ञा भई हती।जो में  
 लाडवागढमें डुंगरमें हूं।सो उहांते कहाडीके द्वारका  
 में पधराओ। ओर जैसे तुम सेवाकी मर्यादा बांध  
 देउंगे। ताप्रमान सेवा चली जायगी। तो में बिरा-  
 जुंगो। ऐसे आज्ञा भई। इतने गुगलीननें हूं आयके  
 विनतीकीनी। महाराज ! हमकूं आज्ञा भई हे। सो  
 श्रीठाकुरजी पधरायके सेवाकी मर्यादा बांध देउ। तब  
 गुगलीनसों आप वचन कहिके पधारे। सो जाठोरकी  
 श्रीठाकुरजीने आज्ञा करी हती। ताहीठीकाने  
 जायके खुदवायो। सो भितरसें श्रीरणछोडजीको स्वरू-  
 प निकस्यो।सो स्वरूप श्रीकृष्णावतारमें श्रीरुक्ष्मीणी  
 जी को सेव्य बतावत है। तिनकों पधरायके  
 पाट बेठाये। ब्राह्मण अपने सेवक नाम निवेदन  
 करवायके गादी बेठाये।जो ब्रह्मचारि सेवा करेहैं।  
 वे श्रीगुसांईजीको सेवक भये विना गादि बेंठे नही

( १७९ )

हैं । ऐसे मर्यादा बांधि दिनी । गुगली सेवा करना  
पावे नहीं । तब गुगलीनने विनतीकीनी । महाराज !  
हमारी जीविका कैसे चलेगी । तब आप मर्यादा बांधि  
दीनी । भेट आवे तामें ते आधि गुगलीनकों देनी ।  
अैसे मर्यादा अवताई चली जाय हे । नाम निवेदन  
विना ब्रह्मचारी गादी न बैठे । श्रीगुसांईजीके बालक  
पधारे । तब श्रीगोस्वामीकी रीतसूं पधरामनी करे आ-  
पतो श्रीरणछोडजीकी द्रव्य जानके राखत नाही हे ।  
सो पिछे भंडारमें जमा कराव देत हैं । अथवा श्री-  
रणछोडजीकी भेट करि देत हे । एसी रीत हैं । हर-  
कोई श्रीगुसांईजीके बालक जाय हैं । तिनकी पधरा-  
मनी करे हैं । ओर बिराजे जितने दिन घरके श्री  
ठाकुरजीके मुखीया सब समेके समें खबरी करावे हैं  
तेसी रीतसों ये हु करावे हे । सो आप पधारे तबतो  
सेवा सिंगार आरति सब श्रीगुसांईजीके बालकही करें  
हैं । ओर काहुसमे जायसके नहि । तो खबरि कर-

( १८० )

चे वारेके संग कहवाय दे जो पोहोचियो । तब आज्ञा  
 तें ब्रह्मचारी आरति करे । एसी मर्यादा अबताई हे  
 ऐसे आप आज्ञा कीनी ॥ ओर संवत १८६५ के  
 फागुनमें श्रीरघुनाथजी महाराजके संग । जीतने  
 स्वरूप गये सब आपके संग दरशनको जाते ओर  
 चरणस्पर्श करते । जब श्रीरणछोडजीको स्नान होय ॥  
 तथा शृंगार होय । तासमय पासमें निज मंदिरमें टेरा  
 भितर नजीक ठाडे रहिके दर्शन करते । तथा स्नान  
 करायके श्रीअंग वस्त्र करते । ओर फागुनके दिनहते  
 तासों खिलावते । ओरहु श्रीरघुनाथजी महाराज  
 की कृपातें श्रीरणछोडजीके दर्शन तथा सेवाको सुख  
 चहोत असाधारण भयो । श्रीगुसांईजीके बालकनकी  
 मर्यादाजीतनी आपके श्रीमुखतें सुनी हती । तेसीही  
 हे में नजरसूं देखि आयोहूं ॥ ऐसे आपनें आज्ञा करी ॥  
 इति श्रीवल्लभजी महाराजके सुडतालीसमो वचनामृत संपूर्णम् ॥४७॥

( १८१ )

ॐ वचनामृत ४८ मो. ॐ

अब अडतालीसमो वचनामृत आप आज्ञा करत  
हे ॥ जो श्रीगुसांईजीके बालक द्वारका जाय । तिनके संग  
जो चाकर होय तिनको दंड नही लेतहे । ओर दसवीस  
वैष्णव जात्री होय ओर आप आज्ञा करे तो हांसलहु  
नही लेतहे । एसी मर्यादा हे । एक दिन वेंगनके साककी  
चार्ता निकसी । तब आप आज्ञा कीनी । जो अबाड सुद  
१० को वेंगन उत्सव बाजे हैं तादिन वेंगनकी ५९  
तरेहकी सामगरी होयहे । सो रायता, भरता, भुजेन  
सब होय । चोमासामें श्रीठाकुरजी वेंगन नहि आरोगे ।  
ताको कहा कारन ? तब आप आज्ञाकीनी जो एक  
श्लोक हे । यह वेंगन जाके कोठामें रहे ताके हृदय-  
में प्रभु कभी पधारें नही ॥ एसें शास्त्रमें कह्यो हे ।  
तासों श्रीनाथजी पहिले आरोगते नहि हते । पिछे  
श्रीमहाप्रभुजी, श्रीजगन्नाथरायजीके दर्शनकूं श्रीपुरुषो-  
त्तम पुरी पधारे । तहां श्रीठाकुरजी आरोगते हते । तब

( १८२ )

श्रीआचार्यजी श्रीजगन्नाथजी सों पूछे । महाराज आप  
 वेंगन आरोगतहो । ओर शास्त्रतो या में दोष बतावेंहे तब  
 श्रीजगन्नाथरायजीने आज्ञा कीनी हमकों यही साग  
 बहोत रुचें हे । तासों तुमही श्रीनाथजीको भोग धर्यो  
 करो । तब श्रीमहाप्रभुजी केहे । आज्ञा प्रमाण । शा-  
 स्त्रमें कह्यो हे । सोतो खरो परन्तु भगवदाज्ञा प्रमाण ।  
 तासूं सदा निदोष हे । “ सेवा कृतिगुरोराज्ञा बाधनं  
 वा हरीच्छया ” ॥ सेवा गुरुकी आज्ञा प्रमाण बताइ  
 होय तेसेही करनी । अरु गुरुकी आज्ञातें विरुद्ध भग-  
 वदाज्ञा होय । तो गुरु आज्ञा उल्लंघनको दोष नहीं ।  
 ताहितें श्रीमहाप्रभुजीने श्रीनाथजीके भोगमें तो बारह  
 महिना वेंगन आरोगवेकी मर्यादा बांधी । अपने घरमें  
 चार महिना चतुर्मासमें नहीं धरे हैं । ओर आठ म-  
 हिना धरे हैं । तामें तेरसके दिन न धरें । ओर महि-  
 नामें सब दिन धरें । एसी मर्यादा बांधी । सो भगव-  
 द्वाक्य हु प्रमाण किये । ओर शास्त्रके वचन हु राखे ।



( १८३ )

काहेतैं जो बेंगनको दोष हे सो प्रगट राखे । जो हम प्रभुनकी आज्ञातैं श्रीठाकूरजीकूं धरे हैं । परन्तु पिछे जीवके स्वादके लिये । प्रसादको भाव मिटायके यहि साग धराय धरायकें बहोत खायगे । तब बेंगन अपनो दोष जताये विना न रहेगो । तातैं तेरस ओर चतुर्मासमें जीवनको बेंगनको दोष प्रकट सूचन कीनो । पातलमें प्रसाद आवे सो प्रसादके भावसों लेनो। स्वाद जानके बढती मांगके न खानो। कदाचित् स्वाद करिके बढती लेय तो सर्वथा अपनो दोष जताये बीना बेंगन न रहे। ताके उदाहरणके लिये एक वार्ता कही ।

एक गोस्वामी बालककी खवासीमें एक विरक्त सेवा करतहतो । ताको बहोत इतबारहतो । जो गेहनाको बँटा प्रभृत सब वाके पास रहेतो । जो काहु बातको संकोच नहीं । ऐसे सेवा करत करत वा वैष्णवकूं कितनेक वर्ष बितें । तन, मन, धनसों खवासीकी सेवा करें । पाछे एक दिन बेंगनको साग

( १८४ )

आयोसो वाकूं बहोत स्वाद लाग्यो । सो प्रसाद लेवेकूं  
 बेठ्यो हतो । तब पातलमें थोरोसो प्रमानको साग  
 धर्यो हतो । सो खाय गयो । तब फेर माग्यो । ओर  
 कही जो बेंगनको साग बहोत स्वाद भयो हे । हमकूं  
 फेरि धरो । तब फेर लीनो । सोउ खाय गयो । असें  
 दोय तिनवार मांग मांगके लियो । सो खातही विरक्त  
 वैष्णवकी बुद्धि बिगरी । सो याके मनमें आइ । जो में  
 रातदिन माथो रिगडुंहूं मजुरी करत हूं ओर पराधीनहुं  
 सो काहेकूं । ये मेरे पास गेहनाको बँटाहे । सो लेयके  
 चल्यो जाउं तो कहूं जायके बेठुं । मन भावे सो  
 सामग्री करीके खाउंगो । ओर चैन करुंगो । परंतु यह  
 मजुरीतें छूटंगो । ऐसे विचार करीके बंटा लेयके  
 भाज्यो । सो दोरतो दोरतो चारकोस बंटा लेके भा-  
 ज्यो । तहां खरचुकी शंका भइ । तब खरचु जाय हाथ  
 पांव धोय कुछा करे । अरु चरणामृत लीनो । जब  
 उदरमेंते बेंगनको अंस निकसी गयो । ओर फेर चर-

( १८५ )

णामृत लीनो। तब बुद्धि ठिकाने आइ। तबतो मनको धिक्कार देवे लग्यो जो मैंने कहा अनर्थ कीनो। एसो मनमें विचारकें पिछो भाज्यो। जान्यो जो उत्थापन समें आप न्हायके गेहना मागेंगे। तापहिले जाऊं तो आबरु रहे। सो दोरतो दोरतो आयो आपन्हाय के धोति पहेरते हते। तासमें आय पहेँच्यो। सो आवतही वानें तो साष्टांग दंडवत् करी। ओर विनती करत करत रहे नहीं। तब आप आज्ञा कीनी। जो अरे! आज कहा हे। तब यानें कह्यो जो महाराज! आप तो अधमउद्धारनहो। पतित पावनहो। मैंतो जीव महादोष भर्यो हूं। ऐसे कहेत जाय ओर दंडवत् करत जाय। सो आपतो अन्तर्यामी हते। सो जानके ही कही। जो आज तैंने कहा खायो हतो। तब यानें विनती कीनी। जो महाराज! आज वैगनको साक बहोत स्वाद भयो हतो। सो दोय तीनवार मांगके लीनो। तब आपने आज्ञा कीनी। ताहीसों तेरी बुद्धि बिग-

( १८६ )

री। जो यह तो भगवत्प्रसाद ह तो। सो जब तांइ कोठा-  
में रह्यो तब तांइ बुद्धि बिगरी तापिछे देह कृत्यमें  
कोठातें बाहर गयो। तब कोठा शुद्ध भयो। तापिछे  
कोठामें चरणामृत गयो। तब बुद्धि ठिकाने आइ।  
तासों बैगन अपनो दोष सर्वथा जताये विना न रहे।  
तातें पातलमें महाप्रसाद जीतनो आवे तितनो  
लेनो। स्वाद जानके अधिक बैगन न लेनो। जो लेय  
तो दोष किये विना न रहे। ऐंसे आज्ञा करी ॥

इति श्रीवल्लभजी महाराजके अडतालीसमो वचनामृत संपूर्ण ॥४८॥

—❦—  
❦वचनामृत ४९ मो❦

अब उनचासमो वचनामृत आप आज्ञा करत हे।  
एक दिन आज्ञाकीनी जो पुष्टिजीवको कहा भाग्यहे।  
जो श्रीआचार्यजीमहाप्रभुजीने जीव उपर दया करि  
कृपा कीनी हे। सो निबंधके श्लोकमें आज्ञा कीनी हे।  
अत्रापि वेदनिंदायामधर्माचरणान्तथा।

नरके न भवेत् पातः किं तु हीनेषु जायते ॥ १ ॥

[ सर्वनिर्णय श्लो. २१६ ]

( १८७ )

पुष्टिमार्गीय जीवको नरकमें पड़िवो तो कबहु न होय।  
कदापि वेदनिंदा करे तथा अधर्म करे तो हीन योनिमें  
जन्म लेनो पड़े। ऐं सो वचन हे। सो पुष्टिमार्गीय जीव  
हीन योनीमें जन्म लेय। ताकी बरोबर मर्यादामार्गीय  
नारदजी शुकदेवजी प्रभृति हे। सो निचयोनिवारे  
पुष्टिजीव बरोबर हे नहीं। क्यों जो पुष्टिमार्गीय  
जीव नीचयोनि कौवाकी पाइ। परन्तु कौआहु कहां  
होय। जहां प्रभुनकी लीला स्थल हे। तहां जायके  
कौआ होय। जो ओर पक्षि हे। सो सब लीला  
वियोगमें उद्दीपनभाव करत हे। कितनेक पक्षिनकी  
वाणी प्रिय लगें हैं। कितनेनकों तो चित्र विचित्र  
रंग देखिके प्रिय लगे हे। तासों कितने पक्षि नजकि  
बैठे हे। तिनसों आप अनेक खेल करत हे। कित-  
नेककी वाणीको अनुकरण करत हे। “ कुंज कुंज उठे  
खग कूजत ”। यही तुक रसिकप्रियाके कवितकी हे।  
परन्तु कीर्तनमेंहु या भांति बहोत जगे हैं। सो सुरत

( १८८ )

केलि समेके वचन श्रीस्वामिनीजीके शब्द सुनिके दूजे पक्षि जानत हे । तासों कोयल शब्द करत हे । ओर दुजे पक्षि बोलवे लगे हैं । सो केली कलामें पास रहत हे । तब ता समय शब्द सुनिके बोलत है । तासों पुष्टि-मार्गीय जीव नीच योनीमेंहु लीलामध्यपाति होय चुक्यो । यामें संदेह नही । ओर जो जीव मार्गरीतिसों आछो चलयो जाय ओर कोउ अपराध न करे । तो श्रीस्वामिनीजीको दासत्व पावे । ओर संपूर्ण सेवामिले ओरहु अनेक सुखको प्रभु कृपा करीके अनुभव करावे । ओर बहोत अधर्म करे । तो सबतें नीच योनि कौआ की पावे । सो वह बोले तोहु वाकी बानी प्रभूनको न सुहाय । नजीक न रहे । ओर ताको स्वरूपहु सुंदर नही । फेरि काहु सामग्रीपर बेठे तो छूय जाय । तो ताहुके विनियोगमें न आवे । अधर्म करेतें एसें होय जाय । परन्तु दूर दूर बेठे । सो बेढ्यो बेठयो लीलाको दर्शन करवो करे । तिनके दर्शनकोही आनन्द एसो

( १८९ )

हे । इतनो आनन्द हे । ताको पार नहीं । जो पुष्टि-  
मार्गीय जीव अष्टप्रहर कौआकेही स्वरूपतें लीलाको  
दर्शन करिवो करे । तिन स्वरूपनके दर्शन नारदादि-  
कनकों तो स्वप्नान्तरमेंहु न होय । ताउपर काहु  
पुराणोक्त कथाकी वार्ता कही । एकदिना नारदजी  
वैकुण्ठमें प्रभूनके दर्शनकों गये । तब प्रभु प्रसन्न होय  
के नारदजीसों कही जो मागि । तब नारदजीने कह्यो ।  
महाराज ! आप प्रसन्न भये हो तो मेरे ओर तो कछू  
मागनों नहींहे । परन्तु आपको व्यापिवैकुण्ठ विषे जो  
स्वरूप हैं ताको दर्शन करावो यही मागत हों । तब  
श्रीठाकुरजीने आज्ञा करी जो वाके दर्शनको तुमारो  
अधिकार नांही हे । परन्तु हमने वर दीनो हे तासों  
करावेंगे । तब आपनो एक पार्षद संग दीनो । ओर  
कह्यो जो । इनको दर्शन कराय लाउ । सो पार्षद  
नारदजीकों संग लेयक व्रजमें आयो । ओर कही जो  
श्रीराधाकुण्डमें स्नान करो । तब नारदजी डुबकी मारी

( १९० )

सो स्त्री होय गये । ओर व्यापिवैकुण्ठमें जाय.ठाडे भये । सो पेली पार जायके मुख्यगोपी हती तासों वेनती कीनी । जो में रमा वैकुण्ठतें दर्शनकों आइ हूं । तब वानें एक सखी पठायके श्रीस्वामिनीजीसों खबर कराइ । तब आज्ञा भइ जो आवन देउ । तब भितर सब गोरीनके द्वारसुं होयके मंदीरमें गये । परन्तु देव्य देह विना दर्शन न होय । पाछें श्रीस्वामिनीजी आज्ञाकीनी । तेंनें दर्शन कीये ? तब वानें नांही करी पाछें युगल स्वरूपके दर्शन कराये पाछें कही जो अबजाउ । सो राधाकुंडमें न्हायके नारदजी हे के नेकसे । जो मर्यादामार्गमें नारदजी जैसैं भक्त तेनपैं इतनी कृपा भई । वरदानमें बंध गये तासुं । अब एक क्षणमात्र दर्शन भयो । सो दर्शन पुष्टि मार्गीयजीव कौआको होत हे । वह लीलामें जायके इनके स्वरूपको दर्शन करत हे । एसी कृपा श्रीमहा-भुजी जीवनपर करत हे । परन्तु जीवको भाग्य



( १९१ )

हीन हे तासों कछू समझत नाँही । तापें दृष्टान्त दी-  
नो जो बडो राजा होय । तिनको कोउ कहे । तुम  
अपनी रानीसों हास्य विनोद खेल करो हो । तहां  
हमकूं ले जायके दिखावो । तब राजा अपने चाकरकूं  
सर्वथा न दिखावे । ओर जो रानीके पास रहिवेवारी  
सखीहे । सो वे नित्य हास्य विनोद देखेंहैं । फेर कभी  
समय पायके उनको रूप, गुन देखीके राजा सखीजन  
सोंही हास्य विनोद करत हे । तासों रानीकी टहेलमें  
जाय लगे तो टहेल करत करत रानी जीतने सुखकी  
प्राप्ति होय जाय । तासों अपुने मारगमें श्रीस्वामिनी  
जीकी कृपा विना कछू न होय। तब कोई कहे जो  
राधावल्लभिनकोही सिद्धान्त भयो । सो उनको  
सिद्धान्त मिले हैं । एसे आज्ञाकीनी ॥

इति श्रीवल्लभजी महाराजके ओगणपचासमो वचनामृत संपूर्णम् ॥४९॥

( १९२ )

✽ वचनामृत ५० मो १४ ✽

अब पचासमो वचनामृत आप आज्ञा करत ह॥ जा. म.  
र्यादा मार्गमें श्रीरामचंद्रजीको भक्त तुलसीदास बहोत  
बड़े वैष्णव होते ताके अनेक पदहे॥ रामायण ग्रंथ पद्य  
बंध, कवितबंध, चोपाईबंध ऐसे अनेक कीनेहें । ओरहु  
श्रीरामचंद्रजीके स्वरूपमेंही अनन्यता बहोत होती ।  
इनके भाइ नंददासजी बोहोत विषयी होते । वानें एक  
वैष्णवकी स्त्री मथुरामें न्हात देखी । सो वापें आसक्त  
होयके वाके संग श्रीगोकुल आयके श्रीगुसांइजीकी  
शरण आये । ओर अष्टछापमें प्रख्यात भये ।  
विननें अनेक पद पुष्टिमागीय रीतसों कीने हैं । सो सब  
उनकी वार्तामें विस्तार पूर्वक लिख्यो हे। पिछे तुलसी  
दासजी भाइकी खबर लेवे ब्रजमें आये । सो एतो  
राम उपासी होते ओर ब्रजमें तो सब ठिकाणे कृष्ण  
कृष्ण की धुनि सुनी। तब तुलसीदासने एक साखी कही

( १९३ )

कृष्ण कृष्ण सबकोउ कहे आक ढाक अरु केर ।

तुलसी या ब्रजभूमिमें कहा रामसों वेर ॥ १ ॥

पाछें भाइ सों मिले तब कही।जो तेनें व्यभिचार धर्म  
क्यों कीनो ? अपने प्रभूनकों छोडि अन्य धर्मके आ-  
चरण क्यों करत हे?अब पिछो चलि।तब नंददासजीनें  
कही जो श्रीरामचंद्रजीके पासतें मोकों श्रीकृष्णने खेंची  
लीनों रामचंद्रमें सामर्थ्य होतो तो क्यों न खेंची ले  
ते ? पीछे श्री नाथजी के दर्शन करे । सो इनकोंतो  
श्री रघुनाथजीके स्वरूपमें अनन्यता हती । परन्तु  
दर्शन करी मोहनी मूरत देखीके मोही गये । परन्तु  
दंडवत् नकीनी । ओर एक साखी कही ॥

कहा कहीं छबी आजकी भले बने हो नाथ ॥ १ ॥

तुलसी मस्तक जब नमें धनुष्य बाण लेउ हाथ ॥१॥

तब श्रीनाथजीनें वाहि समय धनुष्य बान  
धारन करिके श्री रघुनाथजीके स्वरूपसों तुलसी-  
दासजीको दर्शने दीने । तब तुलसीदासने दंडवत्

( १९४ )

कीनी । ओर फेर एक साखी कही ॥

मुरली मुकुट दुरायके धनुष्य बान लीयो हाथ ।

तुलसीजनके कारने नाथ भये रघुनाथ ॥ २ ॥

ऐसे दर्शन भये तबतो नंददाससों कही ॥  
जो सुखेन यहां रहे ॥ पिछे तुलसीदास श्री  
गुसांईजीके पास आये । तब उहां श्रीगुसांईजीके  
पांचमें लालजी श्रीरघुनाथजीको व्याह हतो ।  
सो नौबतखानो ओर बाजेनको ठाठ देखीके तुलसी-  
दासनें पुछी । जो यहां कहा हे ॥ तब काहुने कहि ।  
जो श्रीरघुनाथजीको व्याह हे । तब तुलसीदासने  
कह्यो । जो श्रीरघुनाथजी कोनकों व्याहेंगें । तब क-  
हीजो श्रीजानकीजीको व्याहेंगे । तब तुलसीदासने  
कहीजो । मोकों दर्शन होयंगे ? तब कही जो होंयगे ।  
पाछें तुलसीदास भितर गये । तब श्री गुसांईजीकों  
खबर पडि जो तुलसीदास दर्शनको आयेहैं । तब  
आपने श्रीरघुनाथजीसों कही । जो तुमारो सेवक दर्शनकूं

(१९५)

आयो हे । सो या स्वरूपको तो नहि नमेगो । तातें  
अपनो स्वरूप धरि इनको दर्शन देउगे । जब तुलसी-  
दास भितर आये । तब श्रीरघुनाथजीने साक्षात श्री  
रामचंद्रजीके स्वरूपसों दर्शन दीनो । श्रीजानकी बहु-  
जीने श्री सीतार्जीके स्वरूपसों दर्शन दीनो । तब तु-  
लसीदास दर्शन करीके बहोत प्रसन्न भये । पीछे दंड-  
वत करीके डेरापें गये ।

इति श्रीवल्लभजो महाराजके पचाससमो वचनामृत संपूर्ण ॥५०॥



❧ वचनामृत ५१ मो ❧

अब एकावनमो वचनामृत आप आज्ञा करतहें  
तामें आज्ञा करीजो भट्टनमें सब एकसैं नही हे । कोउ  
वैष्णवहु भये हैं । ओर अवैष्णवहु बहोतहे । वैष्णव  
थोरे होतहे ॥ सोतामें एक भट्ट बडो वैष्णव हतो ।  
श्रीगोकुलमें वाकोघर हतो । तामें भट्टपनेको कछू  
लेशहु नहतो । जो वैष्णवकी वृत्तिप्रमाण चले । सो  
भगवदीच्छातें उनके घर कोउ मरि गयो । ताकी

( १९६ )

श्रीगुसांइजीको खबर पडि । तब ज्ञातिको काम, लौ-  
किकमें पधारे विना कैसें काम चले । सो भट्टनेंतो  
बोहोत नांही कराई । जो आप पधारोगे तो आपकुं  
श्रम होयगो । जो यहतो भगवदीच्छा भईसो भई।तातें  
आप न पधारोगे । ऐसे विनती कराई । परन्तु आप  
ज्ञातिजानीके पधारे । तब या भट्टने जानीजो । आप  
पधारिके समाधान करेंगे । जो तेरे अनर्थ भयो । तो  
मेरो अनर्थ होय जायगो । ऐसे आपके वचनमृतको  
विश्वास वा भट्टकुं हतो । तातें आपकुं पधारे देखिके  
सामनें जायके विनतीकीनी । आपतो अन्तर्यामी हते  
सो भट्टके मनकी जानी लीनी । तब आपनें आज्ञा  
कीनीजो । तुम डरपो मति । तुमने विचार्यो हे तेसो  
लौकिकवाक्य हमनांही बोलेंगे । पिछे और सबबात  
चलाई तापिछे आप घर पधारे । सो जा भट्टके उपर  
आप कृपा करत हे।तामें भगवदीयके गुन धरत हे।एसे  
आज्ञा कीनी ॥

इति श्रीवल्लभजी महाराजके एकावनमो वचनमृत संपूर्णम् ॥५१॥



( १९७ )

॥ वचनामृत ५२ मो ॥

अब बावनमो वचनामृत आप आज्ञा करत हे ।  
जो श्रीमहाप्रभुजी तो श्रीकृष्णभगवानके मुखारविंद-  
को अवतार हे । तामें सखीभोग्या सुधाको आधि  
दैवीक स्थान हे । ओर श्रीगुसांइजीको स्वरूप सुधा-  
रूप वेणुको हे । सो श्रीगुसांइजीके सात स्वरूप (ला-  
लजी)हे । ओर वेणुके सात छिद्र हे ॥ तामें एक छिद्र  
उपर जुदो हे ओर छे छिद्र बराबर हे । सो तिनके  
उपर बजावती बीरीयां अंगुली रहेत हे । सो एक छिद्र  
जुदो तामें श्रीमुखको स्पर्श होते हे । ताको धर्मी स्व-  
रूप जाननो । सो श्रीगिरिधरजीको अवतार हे । ओर  
छे छिद्र भगवानके तथा श्रीआचार्यजीके । अश्वर्य ।  
वीर्य । यश ॥ श्री । ज्ञान । ओर वैराग्य । ये छे धर्म  
रूप हे । सो श्रीगोविन्दजी आदि छे बालकनको अव-  
तार हे । ताहितें श्रीगुसांइजीके पादुकाजीके पास  
पलंगडि हे तापें श्रीगिरिधरजीके पादुकाजी हु विरा-

( १९८ )

जत हे । क्यों जो धर्मी स्वरूप हे । श्रीमुखको, अरु  
 सर्वाभोग्या सुधा अधरते प्रकट होतहैं ताको, अरु  
 वेणुके एक छिद्रको इन तिन्योको वेणु विषे एकत्रता  
 होत हैं । तबही इन स्वरूपनकी परम एकत्रता हे ।  
 ओर पलंगडि पर हुं एहितीन स्वरूप विराजत हे ।  
 ओर छे छिद्र जूदे हैं तासों छे धर्मनको स्वरूप एक  
 तो होयवेसुं छे स्वरूप पलंगडिपें एकत्र विराजत हैं ।  
 जुदे विराजत नाही । एसो जाननो । ओर वा सुधाकों  
 तब रासके समय वेणुमें स्थापन करी । ओर वेणुके  
 ग्रीद्रके शब्द द्वारा ब्रजभक्तके कर्णमें स्थापन करी ।  
 ताको व्याख्यान वेणुगीतकी श्री सुबोधीनिजी में लिखें  
 हैं । सो भाव जाननो । ब्रजभक्तनके हृदयमें कर्णद्वारा  
 सुधास्थापित भइ । तासों श्रीभगवानके विरहको  
 जान भयो अरु स्वरूपकी आर्तीभइ तब सबनके चित्त  
 श्रीभगवानके चरणारविन्दमें लगे । सो सब शरीरकी  
 बुधिबुद्धि भूली गइ । ओर यह कार्य पति पुत्रादिक-



नको त्याग करीके वनमें मुरलीकी धुनी सुनीके जाय जायके भगवत्स्वरूपकों प्राप्तभइ । सो जैसे वह सुधा मुरलीके स्थातो छीद्रके शब्दद्वारा निकसीके अनेक भक्तनके अन्तःकरणमें स्थापित भइ । तेसेइ श्रीगु-सांइजीके बालक ब्रह्मसंबंध करावत हे । सो मुरलीके छीद्र रूप आप (बालक) तिनके मुखके शब्दद्वारा मन्त्रको दान होय हे । सो ता द्वारा भक्तनके अन्तःकरणमें सुधा स्थापित होत हैं । ओर पिछे वैष्णवनके हाथमें तुलसी देके श्रीभगवानके चरणारविन्दमें धरावत हे । सो यहां वेसीभांति अंगीकार हे । सो जैसे ब्रजभक्तनको भयो तद्वत् जाननो॥इति श्रीकाका बल्लभजी महाराजके बावन वचनान्मृत भाषामें समाप्त॥५२

॥ समाप्तोऽयं ग्रन्थः ॥



શ્રીમદ્ ગોરવામી શ્રીબાલકૃષ્ણલાલજી મહારાજનાં વહુજી  
મહારાજશ્રીનાં ખાસ આજ્ઞાથી.

તૃતીય ગૃહ તિલકાયિત-કાંકરોલીસ્થ.

શ્રીમદ્ગોસ્વામી શ્રીગિરિધરલાલજી મહારાજકૃત.

## ૧૨૦ વચનામૃત

શ્રીગિરિધરલાલજી મહારાજશ્રીએ પોતે ૮૦ વર્ષની વૃદ્ધ વયે નિજદેશી  
જીવો ઉપર કૃપા કરવા, સં. ૧૯૨૩ ની સાલમાં ડબોઈ પધારી, વૈષ્ણવોના  
કલ્યાણ માટે, પ્રાચીન વાર્તાઓ, સમ્પ્રદાયનું ગુઢ રહસ્ય, વૈષ્ણવોને ભક્તિ,  
નિતી, ભાવના ઉપજ થાય તેવા પ્રસંગો. શ્રીકાકરજીના સ્વરૂપની સેવા,  
શણગારની ભાવના વગેરે ગુઢ ને ગુપ્ત રહસ્ય મય પ્રસંગોનું વર્ણન કરી,  
જીવના શિક્ષાર્થે કૃપા કરી, સ્વમુખારવિંદ્યી વચન સુધાનું પાન કરાવી  
૧૨૦ વચનામૃત લખાવ્યાં છે. જે અત્યાર સુધી અપ્રકટિત હતાં. તેવી એ  
ચાર પ્રતો એકત્રે કરી,

(અક્ષર આ લાઇન જેવાજ મોટા અક્ષરથી)

શુદ્ધ કરી, છપાવી તૈયાર કર્યાં છે. મોટી સાઇઝનાં ૪૦૦ ઉપરાંત પૃષ્ઠ,  
તેમજ ગ્રંથકર્તા શ્રીગિરિધરલાલજી, તથા શ્રી બાલકૃષ્ણલાલજી, તથા  
તેમના નિત્યલિલાસ્થ બેસાલજી, તથા હાલ ગિરાજતા તૃતીયગૃહતિલક  
શ્રીમજબૂષણલાલજી, તથા ચિ. શ્રીવિકુલનાથબાવા. એમ છ ફોટા  
આપવામાં આવ્યા છે. આ ગ્રંથ છપાવવા માટે અમોએ ખાસ શ્રીકાંકરોલી  
જમ્મ શ્રીવહુજી મહારાજને વિનંતિ કરી હતી જેથી પોતે અત્યંત  
પ્રસન્નતાપૂર્વક છપાવવા આજ્ઞા આપી છે. માટે દરેક વૈષ્ણવોએ અવ-  
શ્ય ખરીદ કરી વાંચવું જોઇએ. ન્યોઝાવર માત્ર રૂ. ૩-૦-૦.